


313 36
KYKNEION
ΑΣΜΑ
Cygnea cantio.

AUTORE IOANNE
LELANDO ANTI-
QVARIO.



Londini.
M. D. XLV.

CYGNI NOSTER AMOR.



IN CYGNEAM POMPAM.

*Aspice qua pompa Tamesinis fertur in undis
Islaca ueniens Cygnus speciosus ab urbe.
Utque ducem placide sequitur chorus almus ouanti.
Ille suas resono celebrabit carmine ripas,
Nomen & Henrici Regis feliciter amplum
Concentor sublime feret super æthera latus.
Præbeat attentas auditor musicus aures.
Rara quidem Cygnum res est audire canentem:
Concinuisse tamen doctorum turba uirorum
Prædicat, & melicæ uocis punctum omne tulisse.*

Longe inuictiss. Hen-
RICO EIVS APPELLA-

tionis Octauo, Regi Angliæ, Franciæ, &
Hiberniæ. Fidei defensori, ac Anglicane,

& Hibernicæ ecclesiæ proximè à Chri-

sto supremo capiti Ioannes Lelan-

us Londinensis felicitatem

optat perpetuam.



ANTA est tui nominis cum
celebritas, tum gloria cum maie-
state coniuncta Rex illustrissime,
ut me scribentem magnitudine
quadam sua facile deterreant. At

rursus cum mecum cogito qua te natura totum
solers facilitate, humanitate, beneuolentia, can-
dore, denique ingenuitate beauit: non possum
certè calamo temperare, quo minus animum, at-
que adeò officium erga te meum luculento ali-
quo conteste exemplo. Accipe igitur quid muneris
in præsentia apportem. Adolescens totus
planè conflagrabam Camoënarū amore: qui ar-
dor eo me tandem impulit, ut treis Epigramma-
ton libellos scriberem diligentia quidem magna,
at interim an pari eloquentia, felicitate, & gratia
nescio

nescio. Primo Græcum addidi titulum, uidelicet
 Ἐγκύκλιος. Secundo uerò Latinum Sales nomen
 inditum. Tertius & Græcè inscriptus Ἐπιστολὴ.
 Nec sic contentus Musas demeruisse, aggressus
 sum, magnis quidem ausis, Eadueardi Principis
 filij tui incomparabilis natalem diem per celebra-
 re. Qui libellus, quanuis gratias, ueneres, & le-
 pores antiquitatis maiestatem inimitabilem qui-
 dem illam exprimenteis à mea tenuitate accipere
 non potuit, futurum tamen sperat, de tuo tanta
 existimatio est Ascanio, quem prædicat, quem
 suspicit, quem denique colit, ut si non ingentem
 laudem, at interim suffragia qualiacunque & ui-
 tam à docta facile impetret posteritate. Decreue-
 ram hoc libello ædito manum de tabula tollere,
 & Musas eruditę iuuentuti relinquere. Nam me
 aliò iam olim uocauerat noua cura historiæ, at-
 que adeò antiquitatis Britannicæ studium, quam
 uidebam quorundam non modo negligentia, &
 socordia, uerum etiam ingratitudine pressam, &
 tenebris plus quàm Cimmerijs obuolutam. Sen-
 serat Calliope Musarum prima si non desertorẽ,
 saltem cessatorem esse me: monuitq; ut, si iam pla-
 nè apud me cõstituissẽ se ueriora amplecti studia,
 cygneum aliquid decedens canerem, Musisq;
 symmista consecrarẽ. Non potui certè tam æqua-
 petenti operã pernegare meam. At interim so-

licitè

licite quærenti mihi unde potissimum cantionis
 exordium desumerem: Tamesis fluuiorum om-
 nium, qui Britanniam alluunt tuam, facile prin-
 ceps mihi in mentem uenit. Huius ego aliquâdo,
 uel ab ipsis fontibus, ripas, sinus, anfractus, diuor-
 tia, mæandros, denique & mediamnes insulas
 omneis curiosissimè collustraui, & memoriæ cõ-
 mendauî. Tamesim nemo ignorat cygnorum &
 altorem, et cultorem esse maximum, eo præcipuè
 loco, quo insulas prope Isidis uadum, urbem bo-
 narum literarum cognitione uel ad æthera notâ,
 medijs complectitur ulnis. Ego uerò cum nuper
 à te huc missus essem non sine honorifico mune-
 re ad Cygnos, ita delibutus sum loci tum amoeni-
 tate, tum gratia, ut meritò gaudeam me iam tan-
 dem nactū esse occasionē oportunā, qua Cygnos,
 & Tamesim pro dignitate celebrē, admirer, su-
 spiciam: cuius tu etiam in ripis & faustissimo na-
 tus es fidere, & altus. Cygnum igitur ab Isidis
 uado ad Grenouicum palatium illud excelsum
 tuum secundo nauigantem flumine, multaq;
 ex penetralibus antiquitatis de Tamesi referen-
 tem: ac postremò res gestas tuas canentem, ea
 frōte accipe, qua minutissima tuæ maiestati exhi-
 bentes serenas. Vtque penitius intelligas, quæ il-
 lustrissimæ notę scriptores suffragia Cygneæ cā-
 tionis olim cōtulerint, accuratè perscribam quid

de ea tum Græci, tum Latini scriptores pronun-
ciauerint. Principio Vergilius Latinorum
poetarum decus maximum de Cygno sic scribit
decimo Aeneidos libro.

na duxisse

Nanque ferunt luctu Cygnum Phaëtonis amati
Populeas inter frondes, umbramque sororum
Dum canit, & mœsta Musa solatur amorem
Canentem molli duxisse pluma senectam,
Linquentem terras & sidera uoce sequentem
Ouidius libro Metamorphoseos secundo ea-
dem canit, elegantissimè expressa Cygni figura.
Cum uox est tenuata uiro, canæque capillos
Disimulant plumæ, collumque à pectore longè
Porrigitur, digitosque ligat iunctura rubenteis.
Penna latus uelat, tenet os sine acumine rostrum.
Eodem etiam libro Cygneæ cantionis memi-
nit.

Et quæ Mæonias celebrabant carmine ripas
Flumineæ uolucres medio caluère Caystro.
Idem rursus decimo quarto eiusdem operis li-
bro hæc de Canente Pici regis coniuge refert.
Illic cum lachrymis ipsos modulata dolores
Verba sono tenui mœrens fundebat, ut olim
Carminatam moriens canit exequialia Cygnus.
Accedunt huc & uersiculi ex epistolis Hero-
idum.

Sic

*Sic, ubi fata uocant, udis abiectus in undis
Aduada Mæandri concinit albus olor.*

Et alibi.

Veluti canentia dura

Traiectus canna tempora cantat olor.

Denique & quarto de tristibus sic scribit.

Vtque iacens ripa deslère Caystrius ales

Dicitur ore suam deficiente necem.

*Lucretius etiam libro quarto talia de Cygnis
sub mortem cantantibus infert.*

Vallibus & Cygni nece detorti ex Heliconis

Cum liquidam tollunt lugubri uoce querelam.

*Martialis quoque poeta hoc disticho Cygneum
cantum in Xenij collaudat.*

Dulcia defecta modulatur carmina lingua

Cantator Cygnus funeris ipse sui.

*Alexander Nechamius Anglus his uerbis Cyg-
neū magnificè melos exprimit in libro de laude
sapientiæ diuinæ.*

Ludenti similis paulisper subleuat alas.

Cedentestumido pectore sulcat aquas.

Atropos illa tuis iussis obtemperat ultro,

Extremum cum iam cernat adesse diem.

Dulce melos resonat. Demulcet numina cantu.

Mellifluo notas ore salutat aquas.

Exequias cantu redimit cōtemptor honoris,

Et

*Et gaudet præco funeris esse sui.
Gaudet præsentis se relinquere tædia uitæ,
Et lætus leti fata quæta subit.*

*Iamque ualefaciens Lachesi cœlum sibi bustum
Eligit, & uolucres spernere fata monet.*

Causam uerò huius tam melici concentus hanc esse philosophi adfirmant, spiritus uidelicet per collum procerum, & angustum erumpere laborantibus. Pythagoras ea fuit opinione, ut crederet Cygnorum animas immortales esse, atque adeò hinc in funere lætari, ac concinere. Sed neque Cygni canunt, nisi flante zephyro uento geniali quidem illo, si quicquam Aeliani Græci iudicio tribuendū. Sūt qui & Cygnos sacros fuisse Apollini adfirmant. Vnde & Alexander Nechamius sic concinit.

Quid, quod Apollinis est uolucris præsaga futuri?

Et latuit Cygno Iuppiter ipse suo.

Nec desunt qui eosdem alumnos Veneris fuisse dicant: inter quos & Horatius lyricus, ut li- quidò ex hoc apparet uersiculo.

Et Paphum iunctis uisit oloribus.

Subscribit & huic Statius libro Syluarū tertio.

Et molleis agit Venus aurea Cygnos.

Neque enim hîc ab instituto alienū erit meo, si apertè significauero Cygneam cantilenam in prouer-

proverbio non modo Græcis, uerùm etiã Latinis scriptoribus fuisse, ut apparet in præclarissimo Prouerbiorũ Erasmi opere : quo loco Athenæum Chrysippi in hac parte imitatore, Aelianum, atque alios testes in medium producit.

Conuenire autem illud adfirmant senibus mellita tanquam postrema canentibus. Habent enim senes maturam quandam rerum memorabilium longo usu partam cognitionem, quæ circulum absoluat, & operis egregiè incepti, ac feliciter cõsummati deductam quandam harmoniam tersis instillet auribus : Tale quiddam uidetur Cicero Latine gloria eloquẽtiæ tertio de Oratore libro, de L. Crasso loquens, his uerbis innuere. Illa tanquam Cygnea fuit diuini hominis uox, & oratio, quum quasi spectantes post eius interitum ueniebamus in curiam, ut uestigium illud ipsum, in quo ille postremum institisset, contueremur.

Hieronymus denique sacrae interpretes scripturæ ait senes nescio quid Cygneum canere, perinde ac si diceret numeris quidpiam absolutum omnibus. Hactenus de Cygnea cantione. Addidi præterea, tanquam ad coronidem, quorundam antiquorum nominum & catalogum, & interpretationem, ut hinc Britannicæ antiquitatis cognitio à multis toties anxie quæsitæ, at non inuenta tamen, nunc quasi reperta uideatur. Tan-

tum

PRAEFATIO

tum in praesentia gustum erudito lectori maioris operis quotidie accrescentis exhibui, quem si sensero lautis placuisse palatis, tam fuscè, & accuratè scribam, ut aliquando & gratus, & utilis patriæ, adsit modò candidus censor, uidear. Tu Princeps omnium quos sol uidet humanissime, atque idem eruditissime cape læta manu hæc tui qualiacunque munuscula alumni, si non eloquentis, certè tibi tam bene, quàm qui optimè cupientis. Sic Scottos genus foedifragum, & Gallos antiquos tui longè nobilissimi generis, unà ac imperij hostes, ut uictor strenuè incepisti, concutias, prosternas, tandemq; fortunatissimus debelles: Vale
præsidium, & dulce decus
Britanniæ.

Londini tertio calendarum
Iul.

ACCLAMATIO.

*Viue pater patriæ Rex illustrissime regum
Ascanius toto floreat orbe tuus.*

AD INVICTISS. HENRICUM
cum Oct. Anglorum Regem.

Perge precor zephyris Princeps dare uela secundis
Hoc pater Oceanus, Neptunus poscit & ipse
Nereidumque chorus. Victoria læta triumphos
Promittit summos, precium immortale laboris.
Macte animo Victor felix: hac itur ad astra.



~ KYKNEION
ΑΣΜΑ.
Cygnea cantio.



*Cygnus me genuit pater ligustris
Ipsis candidior, colunt Aprili
Albæ cum Venerem suam uolucres:
Et spirat Zephyrus, nouumque pictos
Ver fundit uario colore flores.
Cygnus me peperit niue, & colostro
Mater candidior: loco citatus
Isis quo patitur uadum sonorum.
Hic inter medios uenustus amnes,
Et diuortia curua brachiorum
Dum lentè uagor, & famem repello,
Depastis teneris lubenter herbis,
Nec non pisciculis, cibo suâui.
Casu nescio quo cupido magna
Inuasit mihi pectus otiosum,
Et multis monuit modis benigna,
Ripas Isidis ut uirentioreis
Intentis oculis, nouaque cura
Collustrarem auide, quousque salsas.*
B

CYGNEA

*Vndas imbibere maris refusi.
 Hæc dum sollicita uoluto mente,
 Euincor studio migrationis.
 Ergo ut magnifice expeditionem
 Ornarem è numero quidem meorum
 Bissenos comites chorum superbum
 Selëgo, reliquosque concione
 Omneis hac habita pater benignus
 Committo fidei Isidis probatæ.*

*Cygni noster amor, decusque nostrû,
 Qui ritè Isidis insulas amœnas
 Felices colitis, genusque nostrum
 Augetis numero undecunque claro,
 Lætis accipite auribus meam nunc
 Causam, consilioque promouete.
 Quodam numine ducor ut secundo
 Cursu fluminis infimas caduce
 Ripas Isidis, & sinus liquenteis
 Inuisam. Strepitum dedit sonorum
 Cygnorum niueus chorus canentûm,
 Concussis alacri uigore pennis.
 Applausus placuit mihi canorus.
 Pandum hinc gurgite colluens profundo
 Rostrum, talibus alloquor cohortem.
 Nostrum hoc imperium insulas beatas,
 Et*

CANTIO.

Et nidos etiam celebrioreis,
 Quos ambit salicis corona glaucæ
 Aprædonibus impijs quidem illis
 Vos defendite fortiter: uenustas
 Nec permittite coniuges ab ullis
 Aduënis fluuiopremi maritis.
 Omnes his monitis statim adsonabant
 Aptantes capiti meo coronam
 Baccatam nitidis & hinc, & illinc
 Gemmis, ac niueum aureæ catenæ
 Collum multiplici orbe circinantes:
 Postremoque uale uale canentes.

Tanti lumine prænitens decoris
 Bissenas medius feror uolucres
 Inter flumineas eò, citatæ
 Quo me cursus aquæ uocat perennis.
 Sic dum continuo fluore labor
 Abbandunica tecta derelinquens
 Cissæ cognita Saxönum tyranno:
 Mox cerno Hydropolim sacrã, Birino
 Quondam præsule, confluentiamque
 Tamæ, ac Isidis: insuper uetusti
 Castri culmina lapsa Sinnoduni
 Tum paulò inferiùs mihi obtulit se
 Vrbs clarissima semper Atrebätum

B.ii. Gaus

Gaudens nomine pristino Caleuæ.
 Et Chausêgalocus sacer, furentes
 Quam Dani miseris modis premebant.
 Hinc, lapsu rapidi cito fluenti
 Delatus, uideo oppidum, quod olim
 Pontes, si memini satis, uocatum
 Alfridi cecinit trophæa magni,
 Quâ Cunetio fertur inquietus:
 Sunningum quoq; præsulum cathedram,
 Henlêgam & ueterem forum popello
 Vicino bene cognitum, frequensque.
 Hurstelêga ferax deinde syluæ
 Apparet, Mediannis atque pulcher.
 Felix pertinet illa ad Atrêbates:
 Hæc spectat Catichlanicos colonos.
 Ad dextram ulterius nitet serena
 Bustelli domus, inclytum sepulchrum
 Montis nobilibus uirîs acuti.
 Post hæc remigio feror superbo
 Ad ripas ubi uicus est Alaunus.
 Et tandem penetro impetu uolucris
 Pontem Vindelesoricum, duarum
 Qui uellimina gentium coarctat.
 Hic alas cohibens meas, ocellos
 Verto in sideream quietus arcem.

Mira

CANTIO.

Miratusque loci situm nitentem.
 Et turres ualidas, sacrumque templum,
 Dulce ex audio coelicumque melos:
 Clari quale quidem canunt olores
 Undis in medijs uagi Caystri.
 Tunc ripam citus ambiens sinistram
 Molem conspicio alteram, scholamque
 Sexti Principis elegantiolem,
 Nomen cui ueteres dedere Aquædon.
 Alas explico rursus, & labore
 Grato peruenio ad locum celèbrem
 Cerui antiquitus insulam uocatam:
 Erchenualdus ubi pius sacerdos
 Templum perpetuo Deo sacravit.
 Et mox, defluuio uolans aquarum,
 Anchoreticum ego sinum benigne,
 Stenum & nomine uiculum saluto:
 Contendens uolucris deinde cursu
 Altæ ad conspicuas domos Auonæ.
 Non hic purpurei nitent galeri,
 Ut quondam soliti, cruces, columnæque
 At stant gemmiferæ, et nitent coronæ,
 Eduardumque suum colunt alumnum,
 Gentis delictum unicum Britannæ.
 Cuius dextera Scotticos tumultus

CYGNEA

Compescet, manibusque dura uincla
 Gallorum iniiciet. Sed ad receptum
 Munus confero me. Hoc cine est celebris
 Famæ Regi ödunum, honore summo
 Quod treis regibus obtulit coronas?
 Ripas tam uirideis iuuat uidere.
 Et iam summa procul superbientis
 Shenæ culmina splendide coruscant,
 Quas rex septimius serenus ædes
 Montem nomine diuitem uocauit
 A quadam regiuncula Brigantum.
 Hæres cuius erat domo paterna.
 Decursus Tameſis celer profundi
 Iam me ducit, & impigrè ad sinistram
 Ripam, fulget ubi uelut corona
 Sedes æthereus Sion decora.
 Quod templum posuit Deo supremo
 Quintus Maximus ille, Galliarum
 Gentes qui domuit manu potenti.
 Brentæ fluminis hinc uadum notando
 Binas conspicio insulas olorum
 Nidis officium suum exhibenteis.
 Cygni, qui medijs aquis frequentes,
 Admirarier, & decus, meamque
 Pompam, ac tollere cristulas comanteis.
 Prudens

CANTIO.

Prudens ipse tamen, satisque certè
 Securus, Zephyro meo fauente,
 Ducor nauigio secundiori
 Ad Cheuam hospitio piæ Mariæ
 Gallorum Dominæ celebriorem.
 Dehinc & Mortuus est lacus superba
 Villai effigies, domusque nota:
 Cygnorum insula promicat benigna
 Nostri quæ generis fouet uolucres.
 Puttennêga etiam nitens amœnum,
 Præter quas alacri feror uigore
 Procursum accelerans. Domus uolucrû
 Tum frontem exerit, ante multa sæcla
 Danis cognita uilla bellicosiss,
 Quam dum suspicio lubens micantem
 Amplis nobilium ædibus uirorum,
 Attentum me aliò uocat recurui
 Batterfêga sinus polita cultrix.
 Et Chelfêga locus ferens coronam,
 Henrico ueniente Rege, primam.
 Ad dextram placido alueo, phaselo
 Tanquam, deuehor intuens apertè
 Lomithin titulo palatij alto
 Doruernensis episcopi nitentem.
 Ad leuam locus est scaturiente
 Circum-

CYGNEA

Circumseptus aqua, cui priores
 Thornégam proprium dedere nomen.
 Hic reges statuere præpotentes
 Sedem magnificam sibi, suisque,
 Quæ nunc temporis evolutione
 Splendoris decus omne comparauit.
 Henricus tamen omnium unus instar
 Octauus precium tulit laboris,
 Romanis solio suo galeris
 Excussis, spatijs palatijque
 Auctis mirifica expolitione.
 Quid magnas referam ædium nitelas
 Multarum, radiant suo emicanti
 Quæ nunc lumine, cliuus adiacet quâ
 Ripæ excelsior, aspicitque lymphas
 Nymphæ cæruleas sibi fauentis?
 Aedes turrigeræ hinc micant, & inde,
 Quas Antonius ille Beccus urbis
 Dunolmensis honos, decusque struxit.
 Dignas plumiferis quidem coronis
 Eduardi modo Principis sereni.
 Tum Sabaudia lucet alta sedes
 Olim nobilibus uiris dicata:
 At nunc pauperibus domus sacrata.
 Regis Septimij labore sancto.

Sed

CANTIO.

Sed nec laude sua carent uenustæ
 Aedes, Balnea cui dedere nomen.
 Hinc templi ueteris ruina sensim
 Frontem attollere coepit excitata
 Splendent mirifice & superba tecta
 Queis fons nomina Brigidæ sacravit
 Iam peruénimus alta Trenouanti
 Celsi ad mœnia, quâ per occidentem
 Amnis nomine Fluctus intumescit,
 Olim cuius in ostio, minaci
 Arx apparuit undecunque fronte.
 Illius periit decus sed omne,
 Bainardi & peperit nouos honores
 Castellum radians nitore multo.
 Miranti similis seror per undas,
 Fanum suspicioque dedicatum
 Paulo, pyramidemque per celebrem,
 Tangit uertice quæ suprema cœlum.
 Mox & nobilium domos uirorum
 In ripa facile adnoto uirenti.
 Tum demum memini fuisse quendam
 Cygni munere maximo beatum
 Cultorem illius: at uirum impotentem
 Tandem mors rapuit manu cruenta.
 Atq; hæc dū meditor uagus per amnem
 C Germas

Germanosque pio saluto nutu
 Merces sollicitè suas paranteis,
 Ad pontem uenio arcubus ualentem,
 Surgentemque nouendecim, domorum
 Quos fastigia comprimunt suprema.
 Sunt & qui referant notæ probatæ
 Scriptores tabulatum opus fuisse
 Richardi imperio Leonis. Ignis
 At postquam uiolasset illud: ecce
 Ioannes ditione fratris auctus,
 Largo & munere ciuium bonorum
 E saxis solidis opus refecit
 Dignum laude quidem sua perenni.
 Hic me non patitur manere gurgis
 Magno murmure defluens ab alto.
 Quin arcum penetrabo. Sudouerca
 Multis nominibus ualeto clara
 Tu Cygnum peperisti & elegantem,
 Quâ stant lucida tecta, Branodunus
 Regina Mariæ potens maritus
 Struxit quæ studio nitoris amplo.
 Tu Ventæ hospitio foues alumnos,
 Giffardi ueteris tui patroni,
 Rupiniq; Petri memor patroni.
 Tu felix colis insulam celebrem
 Bermun-

Bermundi niuea benignitate,
 Notam et Pontificum domum tuorum.
 Belliniuocor ad sinum frequentem
 Nautis, Turrigeramque regis alti
 Sedem, armaria Martis ampla magni.
 Arx hæc terminat urbis orientem
 Versus moenia, calculoque gaudet
 Magni roboris, hostibus timorem,
 Ingentem obijciens, trucemq; mortem,
 Tot serpentibus æneis in omnem
 Sortem ad fulmina sæua comparatis.
 Sed nunc protinus urbe derelicta,
 Dextra Nauticus est sinus petendus
 Insignis statione puppium, tum
 Villis eximio labore cultis.
 En spirat Zephyri fauentis aura:
 Et me nunc Ruber ille cliuus altas
 Ad ripas uocat illici susurro.
 Est planè paradysus ista uilla
 Structuræ nitidæ ferens coronam,
 Pestanisque rosas suauioreis
 Profert, ac genus omne liliorum.
 Hic fons. Hic nemus est sacri Camœnis.
 Cygnorum hic numerus pius canentum.
 Hic uel perpetuò iuuat manere.

Sed me Limödomus cupit uidere.
 Fiet: nam cupio uidere & illam.
 Hoc sentire quidem uidetur unda.
 Sic me flumine promouet secundo.
 Fumus naribus ustulans oberrat.
 Creta hic assiduo domatur igne,
 Albo & tota nitet colore ripa.
 Ventis uela dabo, sinusque curui
 Leni persequar ambitum natatu,
 Donec contigero Vadum profundum.
 Classsem iam uideor mihi uidere.
 Galli, si sapitis fugam parate.
 Accedam propius, triremiumque
 Intentus numerum adnotabo iustum.
 Prima & maxima nomen imperantis
 Henrici retinet. Secunda uero
 Et nauis Catarina bella fertur.
 Nomen tertia prædicat Mariæ,
 Inter quæ reliquas nitet puellas,
 Digna Semideum thoris uirago.
 Gaudet quarta quidem Petrus uocari.
 Quinta insignia iactitat Leonis.
 Hæc est Prima rosa. Hæc et est Hirüdo
 Hæc est Palmifera: & Phaselus illa
 Hæc Pinus uolucris: noua hæc Triremis
 Cui

Cui præfectus erat meus Viatus
 Cultor Oceanitidum celebris:
 Cultor Pieridum celebris ille,
 Nostri & Martia sæculi uoluptas.
 Quid plures memorem? Iuuat recessum,
 Et naualia peruidere uasta.
 Gunteri mea filius nitela,
 Qui tot naumachijs Getas feroceis
 Et Gallos domuit genus superbum,
 Vicinas habitat benignus ædes.
 Intrarem nisi me suprema cursus
 Metabinc ad Viridem sinum uocaret.
 Alas carbasa candidas parata.
 Expando. Fluius fauere perstat,
 Et uentum Zephyrus meus ministrat.
 Ecce ut iam niteat locus petitus
 Tanquam sidereæ domus cathedræ
 Quæ fastigia picta? quæ fenestræ?
 Quæ turres uel ad astra se efferentes?
 Quæ porro uiridaria, ac perennes
 Fontes? Flora sinum occupat uenusta
 Fundens delicias nitentis horti.
 Rerum commodus æstimator ille,
 Ripæ qui uarijs modis amœnæ
 Nomen contulit eleganter aptum.

Nereida

Aethelredus erat Britanniarum
 Princeps: Danicus hunc frequenter hostis
 Contorsit miseris modis, coëgitque
 Urbis præsidio sibi cauere.
 Danorum interea truces cateruæ
 Doruernum spoliant, trahuntque sæui
 Elphægum ad loca nota Grenouici
 Sacrum pontificem, necique ibidem
 Tradunt, ab capiti securi adacta.
 Longo temporis inde perfluente
 Cursu, nobilium decus uirorum
 Hunfridus ditione Claudiana
 Auctus, magnificas beatus ædes
 Hic primum posuit, Placentiamque
 Illustri titulo uocauit apte
 Linguae candidus utriusque censor.
 Sed cum Curia sustulisset illum
 Pôli fraude, dolisque Sudouolcæ
 Festas deposuit relictæ cristas,
 Elugens Domini sui ruinam.
 Hortitunc periêre Adonidisque,
 Quos insignia tanquam amœniora
 Fatali omine pinxerat fenestris:
 Nimirum fragilibus sciens honores,
 Et rerum instabilibus uices nouarum

Tam

CANTIO.

Tam clari meminit uiri togata
 Rectè Gallia: tum chorus suauis
 Cygnorum Isidis ad uadum incolentium,
 Cui magnum numerum dedit bonorum
 Librorum, statuitque sanctiori
 Diuinus studio scholæ theatrum
 Nostro quale quidem uidetur esse
 Magnum tempore, forsàn & futuro.
 Quid, quòd munere Verolamienses
 Non cessant meritò suum patronum
 Ipso reddere sole clariorem?
 Eduardus coluit deinde Quartus
 Aedes funera post cruenta Sexti.
 Tandem & Septimius potitus arce
 Regni, restituit locum decori,
 Auxitque egregiè domum uenusto
 Frontis lumine, splendidisque pinnis,
 Cognati memor inclyti, boniq;
 Quàm regi bene cesserit secunda
 Structura indicat & potens alumnus
 Octauus patris æmulator altus:
 Quonon magnificentius potentium
 Quisquam exædificauit, aut deinceps,
 Ni fallor, faciet. Loquatur ipse
 Per me nunc Viridis sinus, suosq;
 Exauctos

Ex aucto titulos, suos honores
 Amplos, culmina prædicetque celsa.
 Conventus liquidè canorus aures
 Percellit mihi. Fallor? an recessu
 Isto personat? Illud est receptum
 Cygnos hic habitare concinenteis,
 Qui famam Domini sui, decusque
 Summum lucida transferunt ad astra.
 Vos ergò comites profectionis
 Selectus numerus meæ uidetis
 Partes esse meas, labore plene
 Confecto, unde quidè profectus huc sum,
 Ut laudes alacri sono celèbrem
 Henrici patriæ patris Britannæ.
 Nolo sollicitos mea esse causa
 Vos, quòd carmina concinam suprema.
 Certè non moriar, petam sed astra
 Coelites habiturus inter ipsos
 Sedem conspicuo polo micantem:
 Phœbus noster ubi coruscat almus.
 Vidistis thalamos, sinusque curuos
 Cognati Isidis: Itionis huius
 Nec uos pœniteat. Iuuabit olim
 Hæc forsàn meminisse, Cantilenam
 Quin nunc aggredior fauente Phœbo,
 Musas

CANTIO.

Musarumque nouem choro annuente.

Felix illa dies notanda gemmis

Planè ter niueis, suauibusque

Sertis, lumina quæ serena primum

Henrico tulit inclyto puello.

Felices genuère qui parentes

Talem sidere filium secundo.

Felix quo Viridis sinusque alumno.

Ridebant elementa sole tali

Orto, lumina qui referret orbi.

Fortunata fuit rotundiores

Quæ nutricula præbuit mamillas.

Fortunati etiam, & quater beati

Illi qui comites fuère paruo.

At cum iam teneros adultus annos

Vicisset, uelut Hesperus minora

Inter sidera totus enitebat.

Illum uir, mulier, puer, senexque,

Omnes denique prædicare magno

Certè numine maximis uolente

Natum rebus, et hoc probauit usque

Fortunæ facilis rota eminentis.

Solus fratribus omnibus superstes

Regni præcipuum decus ferebat,

Vnà diuitiasque uel Midæas,

D Quas

CYGNEA

Quas congesserat usibus futuris
 Cura, & iusta quidem parentis illa.
 Quis nouit meritis modis referre
 Pompam conspicuam nouæ coronæ,
 Ibat quâ mediam nitens per urbem?
 Quis nunc munificentiam profusam
 Illius: ualidos quis aut lacertos
 Exculta satis exprimat camœna?
 Natos nam tenui loco beauit
 Multos, & Morinorum ab urbe uictor
 Insignis rediens tulit coronam
 Ex lauro, precium laboris altum.
 Regnorum Comes inclytus, cruento
 Bello perdomuit genus malignum
 Scottos. Rex Iacôbus impetuq;
 Illo concidit, ac seuerioreis
 Poenas perfidiæ tulit tyrannus.
 O factum bene. Vicit Anglus absens.
 Patris gloria, filijq; uirtus
 Houerti uirideis ferent coronas:
 Et uictoria læta permanebit
 Henrici domitoris improborum.
 Tornaco interea potitus Anglus
 Fundamenta noui profunda castri
 Victor mox posuit perënne uallum.

Non

CANTIO.

Non est nobilium chorus uirorum
 A me prætereundus, ille Carlum
 Quo Quintum hospitio fouebat amplo:
 Quâ stant moenia celsa Durouerni.
 Congressus celebris celebriorem
 Paulo post peperit. Corona fulgens
 Francorum, Angligenumque cõfluebat
 Guisnessum inter, & ardeam uirenti
 In ualle, Aurea quæ deinde dicta est
 A rerum insolito nitore quodam.
 Hic reges niuea benignitate
 Coniuncti specimen dedêre tale
 Pompis, quale quidem à graui ruina
 Romani imperij extulêre nulli.
 Admirabilis ædium uenustas,
 Quas erexerat eleganter illic
 Henricus subitum intulit stuporem
 Raptis Galli oculis amœnitate.
 Quintus Carolus Ictium petebat
 Portum Cæsareo nitens honore.
 Hinc fit continuo apparatus alter.
 Anglus splendor erigit theatrum
 Iussit, nomen & inclytum loco ex re
 Miraculi domus inditum est decenter.
 Post annos aliquot reuisit ipse
 D ii Cæsar

CYGNEA

Cæsar flauicomos potens Britannos,
 Londiniq̃ue celebrioris urbis,
 Henrico duce, mœnia alta uidit.
 Nunc si præterea canendo uellem
 Accuratiùs explicare fictæ
 Quæ pugnae simulachra equestris acer
 Ostentauerit is domi, forisque
 Longo carmine uix referre possem.
 At possum interea docere ueras
 Fictarum comites fuisse pugnâs.
 Ter Gallum impetijt seuerus hostem
 Henricus gladio, & quidem cruento,
 Virtutisque suæ tulit coronam
 Victor tot spolijs onustus amplis.
 Tum fortuna nouerca cœpit esse
 Gallo, Cæsareisque cum triumphis
 Captum tradidit illico molesta.
 Anglus candidus illius ruinæ,
 Quauis hostis erat, misertus egit
 Capti Cæsare cum potente causam.
 Illa redditus actione Gallus
 Regno est. Num poterit mereri inique
 Post hæc tam bene de merenti amico?
 Anglus sollicito obsides parenti
 Gallo filiolos studens labore
 Grato

CANTIO.

Grato reddere: Carolo remisit
 Aurinon leue pondus erogati.
 Hinc reges stabilem fidem dedere,
 Et iunxere manus utrinque dextras
 Cincli nobilium uirum cateruis:
 Vrbes quâ Morini colunt superbas.
 Anglus tam placidæ quietis autor
 Gaudet munere pacis inuouato.
 Quosunque artifices fouens politos:
 Hac lege ut laceros palatiorum
 Muros restituant labore iusto,
 Conferantque suum nouis nitorem.
 Hinc creuit Viridis sinus corona,
 Hundesdënaque peruenusta sedes.
 Hinc Bellus locus extulit serenæ
 Frontis lumina, Brigidæ & sacer fons,
 Aedes magnifico decore festæ.
 Hinc Thornega uetus suos honores
 Auxit splendida Principum cathedra.
 Shelfesëga etiam domus renidens
 Signis uentiuolis, & albicante
 Crista. Sideris instar est Auona,
 Ottelandaque uerticem alta tollit,
 Et Nulli titulo domus secunda,
 Cælo quæ caput inserit corusco.

CYGNEA

Sic res publica prænitens quiete
 Successum studijs dedit politis,
 Quæis florentibus, exuit ueternum
 Lex Euangelica, & suo uigori
 Sacro numine restituta plenè
 Incrementa tulit, bonosque fructus.
 Huc admouerat & manum ualentem
 Prudentissimus omnium fuere,
 Vel qui sunt modò Principum, labore
 Henricus facili, utili que planè
 Orta hinc quæstio magna de suprema
 Romani quoque dignitate. Sanctus
 Illam Præsulibus senatus esse
 Communem asseruit, paremque cunctis.
 Tunc ecclesia cæpit Anglicana
 Romanas nibili æstimare merces:
 Et Rex magnanimus iugum reiecit
 Non portabile publico suorum
 Consensu: unde quidem petita longum
 Libertas redijt suum ad theatrum
 Romani sive uale beata dixit.
 Fraudes, seditio, doli, cauillæ
 Bella horrentia Principi intonabant.
 Princeps consilio ualens secundo
 Fraudes, dissidium, dolos, cauillas
 Euicit.

CANTIO.

Euicit. Deus hoc uolebat ipse.

*Prudens continuo per alta passim
 Arces littora confici iubebat.
 Pendinas tenet asperi cacumen
 Celsum montis, & intonat frequenter.
 Mauditi quoque subsidet rotundum
 Castrum, & fulminat impetu furenti
 Portus ostia quâ patent Falensis.
 Tum Portunia comminatur hosti
 Audax arce noua, crepantibusque
 Tormentis: breuis unde transitus per
 Scapham ad littora fracta Durotrigû
 Quo nec longius est loco arx timenda
 Saxa ingentia prouolent quod inde,
 Piratas quæ abigant procul scelestos.
 Couæ fulminæ duæ coruscant.
 Hæc casum colit, illa solis ortum,
 Vectam quâ Neoportus intrat altam.
 Fauces Hursta premit minax Auonæ.
 Vinchelsêga suos sinus tuetur,
 Quâ Limenus aquas agit profusas,
 Doris littore prominet bicorni
 Gallis tormina comminans superbis.
 Iactat Dela nouas celebris arces:
 Notus Cæsareis locus trophæis.*

Castrum

CYGNEA

Castrum Regius editum recepit
 Burgus fulmina dira, & insulanos
 Tutos seruat ab impetu uel omni.
 Sed nec Greua suo caret rotunda
 Moles præsidio: frequens uiator
 Urbem quâ uolucris petit celoce.
 Floret Regioduni honos uenusti,
 Castellique nouam sui figuram
 Lætis suspicit adsolens ocellis,
 Et pontem celebrat nouum, furenteis
 Hullinil reflui timens procellas.
 Sic gens Martia liberè Deiri
 Vicinum repetunt forumque, agrumque.
 Luguballia ciuitas Nouantum
 Incrementa quidem ter ampla cæpit:
 Et maiora tulit Tuësis alta.
 Celsas insuper Iccius recepit
 Portus robora firmiora turre.
 Guinessus radiat, nouaq; fossa,
 Vallo & cingitur undecunq; forti.
 Oram littoris antea recensî.
 At nunc interiora concinam, & quæ
 Henricus fabricis tulit politis.
 Struxit splendida tecta Durouerni.
 Hinc & Durobreui uenustiore
 Sedem

CANTIO.

Sedem constituit sibi, suisque.
 Isuri quoque regiam uirenti
 In ripa posuit decenter amplam.
 Porro Fanum Iacobi opus renidens
 Erexit placidæ studens quieti.
 Et nuper posuit noua elegantis
 Fundamenta domus amœniori
 Derenti in fluiui uado liquentis.
 Sedes pontificum nouas sacrorum,
 Doctas instituit pius scholasque.
 Hinc se Deua putat beatior,em,
 Attollitque caput uenusta Venta,
 Quam lymphis gelidis Auona lambit.
 Hinc & Claudia ciuitas celebris
 Excelsum caput exerit, nitetque.
 Hinc & Petropolis micat serena.
 Quid, quod Granta nouë dicata Musis
 Henrici pietate litterati
 Tersis prænitent eruditalinguis?
 Et Choecos celebrat suos alumnos,
 Doctam candida Smithiosque turbam.
 Ponetum sophiæ seueriorem
 Cultorem insuper approbat, fouetque
 Heueddunum etiam, cui supremam
 Dat phrasis Ciceroniana laudem,
 E Carrum

Carrū, Christophorū, Aschamūq; cāt.at.
 Postremò Isiacis suum nitorem
 Omnem reddidit insulis benignus
 Cygnorum apposuitque concinentiū
 Multis nominibus chorum celebrem:
 Nostræ gloria creuit unde stirpis.
 Felix Isidis hoc uadum patrono.
 Sunt testes fidei satis probatæ
 Shepreuus decus utriusque linguæ.
 Hocherus nitor artium bonarum.
 Colus Cæsarei fori uenustas.
 Cheadsegus resonæ scholæ columna.
 Visidunus apex sacræ cathedræ.
 Hebræi radius chori Bruërnus.
 Caius rhetor, & elegans poeta.
 Petrus cosmographus ferax oliua.
 Facundus Curio Mineruæ alumnus,
 Harpesfeldius Atticæque linguæ
 Interpres facilis, disertus, aptus.
 Cultor præterea sacræ loquelæ
 Hardinus numerum politus auget.
 Dumque hæc magnificè pararet ille:
 Fractos undique poenitudo Iberos
 Syluestreis domuit, suauē legis
 Ferre & perdocuit iugum Britannæ.

Quæ

CANTIO.

Quæ uictoria comparanda magnis.
 Scottus senserat eminentioris
 Fortunæ patruo fauere sortem.
 Gallus senserat, atque pertimebat
 Quorsum cresceret illius triumphus.
 Ambo conueniunt, manusque tradunt
 Coniuncti solitas: prior sed ipse
 Scottus Martia tela promouebat.
 Incerta alea Martis illa semper.
 Scottorum incaluit cruore fuso
 Iscæ fluminis alueus uadosus.
 Capta et nobilium uirum corona,
 Infelixque Iacôbus ingruenti
 Ex moerore animi statim peribat.
 Gallus uulnere saucius tyranni
 Infestissima quæque cogitare
 Anglus bellipotens tumultuantis
 Victor conteret omne robur hostis.
 Postremó repetet sui que iuris
 Cælolilia missa de sereno.
 Scotti perfidiæ graueis tulerunt
 Poenas. Litha iacet redacta prorsus
 In mæstos cineres, minaxque classis
 Præda est facta quidē. Proinde castrum
 Cui nomen celebre inditum à puellis

C Y G N E A

Ter ferro uiolenter, atque flamma
 Concussum patitur meras ruinas
 Et clades similis ferocienteis
 Adflixit Morinos. Superba facti
 Testis uicta Bononia impotenter
 Quæ nunc fata uocat, Deos & astra
 Vel crudelia, sorte diminuta
 Galli, cuius erat colūna nuper.
 Syrtes nobilium madent cruore,
 Et Bessus peperit fuga salutem.
 Clades Ardea pertulit frequenteis,
 Neptunusque fauet suis Britannis
 Nostræ hic terminus esto cantionis.
 Undis nou iuuat amplius manere.
 Henricus ualeat nitela regum.
 Centenos Catarina uiuat annis annos
 Casti coniugij decus supremum.
 Eduerdus quoque floreat uenustus:
 Et tandem solio potens auito
 Sublimis sedeat, piusque Princeps.
 Iam longum Viridis sinus ualeto.
 Te præconia: te manent coronæ.
 Me coelum petit arduum canentem.
 At Cygni interea tui memento.
 Nutritor Tamesis ualeto chare,
Et

CANTIO.

*Et Cygnis facilis faueto nostris
 Pulli, grex niueus, mei ualete:
 Nymphis Isiacis, Fauônioque
 Vos cōmitto. Agite: insulamq; uestrum
 Vnusquisque suam lubens reuisat.*

FINIS.

AD CVLTORES
 ISIDIS.

*Isidis assidue ripas qui fluminis altas
 Incolitis tacito uenerâtes pectore numē,
 Accipite arguto redeunteis carmine cygnos
 Aurea quod feriat resonanti sidera uoce.
 Gloria perpetuò sic uos comitetur ouanteis,
 Et fortuna parens tribuat faustissima quæq;*

AVGVRIVM.

*Vergilius cecinit celeberrimus ille poeta.
 Aspice bis senos lætanteis agmine cygnos.
 Vos decet augurium uatis pernoscere magni
 Sortis & euentum felicem amplectier ulnis.
 Qui modò bissemi repetunt loca cognita Cygni
 Candida Musarum referunt insignia secum,
 Isidis inque uado statuent sua regna perennes.*

E iii

CYGNEA
AD CANDIDOS BO-
narum literarum amatores.



EXimie suum certè præstitit officium Cygnus cantorum decus immortale, Henrici octavi Regis incomparabilis cum maiestate, tum gloria tam accuratè collaudata: qua parte & nos oportune admonet, ut eius non modo facta in primis memorabilia, uerum etiam animi ad ipsa uirtutis fastigia conscendentis magnitudinem simili diligentia, labore, studio posteritati expedite, alacriterque unanimes commendetis: cuius nec uos unquam operæ tam utiliter, splendide, magnificè collocatæ poenitebit. Iuuabit potius ista cura, & Princeps uestris, tum eloquentiæ, tum ingenij, ueris testimonijs accensus incrementa suæ uirtutis meritò approbatæ ampliora, duce bono Genio, feliciter cumulabit: tandemque et uos amplissimarum splendore fortunarum illustrabit. Sic pietas, sic uirtus, sic cōscientia recti monēt, iubent, imperant. At uos interim, quibus hæc bonis auibus fortuna arriserit, infinitæ à Principe ter optimo liberalitatis collatæ assidue meminisse decet, quam nō alio ille nomine prudentissimus exhibuit, nisi ut exemplo uobis, & quidem luculentis-
scenti

simo præsens esset: quo rectè admoniti similia enascenti literatorum soboli benignè, promptè, profusè conferatis: alioqui eius in uos beneficia omnia, unà cum oleo, & opera funditus perijsse. Memenote professionis, cui initiati estis, certè, si prudentia adsit, & amor recti, longè honestissimæ. Caueate à sordibus, tanquam à scylla, & charybde. Aequales insigni artium cognitione consilio sano, ac iudicio sancto promouete. Absit luxus studiorum bonorum inimicus longè pessimus. Adsit aurea mediocritas quietis alumna suspicienda illa. Maiorum in dandis, conseruandisque fortunis eruditorum mediocribus consuetudinem nunquam planè satis laudatam modis omnibus honestis integrè conseruate: ne uim interim raptores inferant, exquisitæ, elimatæ, consummatæ eruditionis cōtemptores iniquissimi.

Sint Mecœnates, non deerunt Flacce Marones. At, sublati præmijs, ingenta alioqui felicissima frigent planè. Strenuè igitur uenienti occurrите morbo. Sic Principis nullo unquam emorituram tempore in doctos munificentiam felices imitabimini, & uestram quoque gloriam, institutum tam undecunque sanctum Deo. Opti. Max. promouente, perpetuam constituetis. Viuite, & ualete.



2 COMMENTA

RII IN CYGNEAM CAN-

TIONEM INDICES BRITAN-

nicae antiquitatis locupletissimi.

Autore Ioanne Lelando

Antiquario.

ADSACROSANCTAE

antiquitatis amatores

Præteriêre decem iam sæcula longa, Britannæ

Antiquum gentis delituitq; decus.

Indolui, fateor, potuisse silentia tantum,

Ut premerent patriæ fortia facta meæ.

Admonuit Genius cœlo delapsus ab alto

Ne paterer tenebras solis habere locum.

Nubila discussi cupidus, lucemq; reduxi,

Sedibus inq; suis sidera clara nitent.

Vos antiquarum colitis qui lumina rerum

Plaudite, & auctori dicite, uiue, uale.

ATLANTA
AND
THE
SOUTHERN
RAILROAD

THE
SOUTHERN
RAILROAD

THE
SOUTHERN
RAILROAD

THE
SOUTHERN
RAILROAD

THE
SOUTHERN
RAILROAD

THE
SOUTHERN
RAILROAD

AD CANDIDOS LE- CTORES.



ONQVERITVR STV-

diorum chorus multa in meis sub
esse libris nuper æditis, quæ insinu-
ationem, explicationem, denique et
lucem desiderent. Sed interim adeò
me hæc qualiscunque non offendit
querela, ut eam, cādorem, et quidem eximium, ado-
lescentum magnis passibus ad uenerandæ antiqui-
tatis gratam, exoptandam, utilem etiam cognitio-
nem contendentium facilè interpreter: qua parte
nec grauabor instituti rationem omnem mei, non
modo uerbis, sed & fide quoque longè optima tes-
tatissimam orbi facere. Credo autem tam stupidū
esse neminem, aut à communi sensu illo alienum, ut
inuentis iam frugibus desideratissimis, etiam num
glandibus uelit amplius uesci. Edidici certè, instru-
ctissimus infinita ueterum scriptorum non Latino-
rum modò, uerum etiam Græcorum lectione no-
menclaturas urbium, oppidorum, uicorum, simul &
castrorum, ut mittam fluuios, syluasq; montesq;
Britanniæ nostræ, si non mutatissimas, certè interim
corruptissimas esse. Quare cogor, uelim nolim, an-
tiquam cum eloquentiam, tum gloriam olim tradi-
tam à maioribus uiris planè incomparabilibus, de-
suetudine quadam, ac Saxonica barbarie latè inua-
lescente, tenebris miserrimè obductam decori, ama-
plitudini, luci restituere. Hic forsitam uidebor
quibusdam sciolis, argutulis, inuidulis magnificè
A.ñ. inter

interea polliceri. Deprecor hanc culpā, si tamē culpa appellāda est. At liceat interim mihi, quod equissimum peto, cum bona gratia facile obtinere: nempe si me, per commentarios in Cygneam editos cansionem, eruditi diligentem, industrium, expeditum persenserint, ut ab iniurijs calumniatorū saltem immunis sim. Nec noceat uati mala lingua futuro, Operā denique mihi ex hac cultura desumo lubenter omnem. At si herba in letas aliquando segetes excreuerit, illas ego uestris usibus candidus uel uniuersas offero, consacroq; lectores humanissimi.

Valete.

ELENCHVS AVTORVM

quorum testimonia in præfenti
citantur opere.

Externi.

Aristoteles.
Ptolemeus geogr.
Cæsar
Gratius.
Diodorus Siculus
Strabo geogr.
Cornelius Tacitus
Iuuenalis
Vibius Sequester
Sextus Rufus
Pomponius Mela
Antoninus
Aufonius
Agathias
Isidorus
Hiericus
Gotcelinus
Abbo Floriacensis
Robertus Beccensis
Rodolphus Dicetensis
Gulielmus Gemmeti-
censis
Ponticus Virunnus
Petrus Candidus.
Aretinus
Paulus AEmilius

Lilius Gregorius
Polydorus
Beatus Rhenanus
Britannici
Gildas
Nennius
Samuel
Anonymus
Beda
Flaccus Albinus
Vilibaldus
Felix
Afferius
Obbernus Durouernē-
sis.
Marianus.
Simeon Dunolmenfis
Ealredus Rhiaualensis
Gallofridus Monemu-
thenfis.
Henricus Venantodus
nensis
Gulielmus à Maildul-
phi curia
Stephanides Durouer-
nensis
Gulielmus Remesegan⁹
A. iij. Epito-

Osbernus

Epitomographus
Aluredus Fibroleganus
Iosephus Iscanus
Ioannes Annæuillanus
Syluester Giraldu
Rogerius Houedenus
Alexander Nechamius
Mattheus Parisius
Thomas Spotteus
Geruasius Durouer
nensis
Ioannes Hagustaldensis
Gulielmus Thorneus
Ioannes Fiberius
Hugo Albus
Mattheus Florilegus
Ranulphus Higedenus
Thomas Vicanus
Gulielmus Pachēdunus
Thomas Rodoburnus
Henricus Bradeshauus
Ioannes Frumentarius
Ioannes Rossus Veroui
canus

Copgreuus
Eliota
Chronica Deiorum
Chronica Fani Ead
mundi
Chronica Duri Cantiani
Chronica Dunolmenfia
Chronica Isiaci uadi
Chronica Richomona
tana
Chronica Vente Belgas
rum
Chronica Fani Albani
Chronica Grantana
Chronica Barnouellen
fia.
Chronica Fani Neori
Chronica Seueriana
Chronica Fani Fredis
uuida
Chronica Claudiana



BBANDVNVM. Saxonice
Abbandune, uulgo Abbingdon.
Antiquiori tamē nomine Seufham
dicebatur. Loco ingens tum fama,
tum gloria accreuit à condito ibi
dem monachorum cœnobio, auto-
re Cissa patre Inæ Visifaxonum rege quod: postea
Danica uiolentia, imperante Ealfrido rege concia-
dit. Sunt qui prædicent prima tanti operis funda-
menta iacta fuisse in Bachelegana sylua, aliàs Bag-
ley, duobus passuum millibus supra Seufham, ut
Isis defluit fluuius, eremitamq; quendam Cisse
cognitum, pauperem eo loco uitā duxisse. Fama re-
fert et aliud cœnobium ad Ochidem, siue Oncum
fluuiū. Fanum uidelicet Helenę uirginibus sacrum
eodem concidisse tempore. Constat ex secundo li-
bro Gulielmi à Maildulphi curia de pontificibus
Anglorum, Eadredum Ealfridi nepotem regem
Visifaxonum Abbandum instaurasse: quo tem-
pore erat domus regia, siue castellum in Andresega
Riuānum nomine propter ripam Isidis, non longē à
monasterio, tanq; in mediāni loco: cuius et ad huc
paucula extāt uestigia. Temporis pro cursu Eadga-
rus rex potentissimus magnificē cœnobium auxit
consilio Etheluuoldi, quem ibidem Præfectū co-
luit, et paulō post episcopum Ventæ Simenorum
designauit. At postquam Gulielmus Nortomannus
imperio Angliæ potitus fuisset, monachi noua cura
deduxerunt maiorem partem fluminis Isidis à uete-
ri alueo in ipsum monasterium. Oppidum deinde
sensim accreuit, et celebritatem hoc uno peperit
nomine

nomine, Via publica á Demetia Cambrorum, et gente Claudiana Londinum uersus, erat per Calesuam. Atrebátum, quæ nunc Vvalengaforde. Abbandunenses suæ rei studentes, fauente Henrico Quinto rege, duplici ponte quadrati lapidis Isidem uiolēto, et profundo gurgite ibi delabentē peruium fecerunt. Hinc uiatores commoditate illecti, relicta Caleua, per Abbandunum rectà Londinum petebant. Sic creuit in iustam magnitudinem fori, et operipidi celebritas,

Alfridus, qui et Ealfredus, et Aluredus. Erat hic quatuor filiorum Ethelvvolphi regis Visifaxonum natu minimus, unctus tamen Romæ, uiuente patre, in regē; at non apud suos regia prius functus est dignitate, quàm mors treis fratres natu maioreis sustulisset. Debellaui Danos, et unicus sui seculi Mœcœnas fuit. Academia ad Isidis uadum, quæ nunc urbs corruptè Oxforde pro Ouseforde dicitur, eius beneuolentia, et pietate instituta. Huius uiri nunquam satis laudati res gestas scripsit Asserius Mœneuensis, postea episcopus Clarofontanus, uel, ut notiori utar uocabulo, Shireburnensis, cuius ego historiam plurimi meritò facio, quòd Alfrido regi præceptor aliquando fuerit, et eius factorum oculatus planè testis. Henricus Huntendunensis hunc regem à fortitudine illustri carmine collaudat.

Alaunus, Anglicè Southeaillington. Nostra etas uicum nominat recentiori uocabulo Maidenheued à capite uirginis superstitione nuper ibidē celebri.

Anachoreticus sinus, Anglicè Ankervvike, nuper cœnobiolum Virginibus sacrum plus minus quin

quingentis passibus supra Stenū in sinistra, ut Tamesinus amnis defluit, ripa. Hoc templū Deo Opt. Max. posuere Gulielmus, & Richardus à Monte Fichetio.

Antonius Beccus. Hic fuit episcopus Dunolmensis, regnante Eadueardo eius appellationis ab aduentu Gulielmi Magni in Angliam primo. Electus est in Patriarcham Hierosolymitanum, Anno D. 1305. Splendidus erat supra quam decebat episcopum. Construxit castrum Achelandæ 4. passuum millibus à Dunolmo in ripa Vinduglessi flusuioli. Elteshamum etiam uiciū Grenouico, ac Somaridunum castellum Lindianæ prouinciæ ædificijs illustria reddidit. Denique & palatium Londini erexit, quod nunc Eadueardi Principis est. Tandem ex splendore nimio, & potentia conflauit sibi apud nobilitatem ingentem inuidiam, quam uiuens nunquam extingui ere potuit. Sed de Antonio fusius in opere cui titulus de pontificibus Britanicis dicemus. Nam illorum res gestas magna cura exquisiui, et maiori propediem in ordinem redigā.

Atrebates olim dicebantur qui ripam Tamesis meridianam accolebant à ponte Fani Ioannis ad Vindelesforam. Saxones uictores dederunt regioni nomen Berrocshire à Berroc Sylua, ubi buxus abundantissimè nascebatur, si fides Asferio adhibenda, cuius hæc sunt uerba in ipso Annalium suorum exordio, ubi repætit genus Ealfridi regis in Vanatinga uico eiusdem prouinciæ, nati. Anno D. 849. Natus est Ealfridus Angulsaxonum rex in uilla regia quæ dicitur vvanating in illo pago qui nomen B. minas

minatur Berrocshire, à Berroc sylua, ubi buxus abundantissimè nascitur. Hactenus Afferius. Non me latet quosdam esse qui prædicent prouinciæ nomen fuisse inditum à nuda quercu, ad quam prouinciales conuenire solebant. Atrebatum meminit Ptolemæus, et eo recentior Antoninus. Vixit enim temporibus, si rectè memini, Constantini Magni, tantum abest ut Antoninus imperator Itinerarium scripserit, quod uulgò circumfertur.

Aquædon, Anglicè Eidune, uulgò Eitoune, uicus flumine Tamesino tantum à Vindelesora distinctus. Alluitur autem Fernamensi amniculo, qui paulo inferius se in Tamesim exonerat. Splendor loci omnis in schola publica, quam erexit Henricus Sextus Vindelesoræ alumnus, rex longè pietior, quàm imperio fortunatior, et Venfluctus Simenorum episcopus cumulatissimè auxit. Ex hoc alueario cômigrant apes Grantâ Giruiorû, ubi Regionû alûnorû notissima societas. Sextus Aquæduñenses prædijs donauit. At bona edificiiorum pars accreuit, ut ego aliquando à fide dignis didici, & opera, & impensis Gulielmi Venflucti episcopi Ventæ Simenorum. Fauebat is impensius operi ab Henrico incepto. Sed Eadueardus in regno successor parum æquus erat illius et amicis, & factis. Hoc Aquædon, hoc Granta sentit, sentietq; semper.

Auona. Hampton court. Auondunum proprius nomen exprimit. Hoc nomen etiam est urbi celebri apud Simenos, quam uulgus Hampton corruptè pro Auondune uocat. Sed nos breuitati studemus. Est enim Auon frequens fluuijs nomen apud

apud Britannos.

Auona etiam, qui & Auon celebris fluuius est, qui Bladunum urbem antiquam, alias Maildulphi curiam à Maildolphesbyri Saxonico uocabulo sic dictam, penè in insulam redigit: ac deinde Copenhagum, Bradenfordam, et Balnea alluens, Ventam Belgarum, quæ nunc Brightestovv, penetrat: paulo que inferius in Sabrinæ æstus defluit.

Auona fluuius qui uulgò, at corruptè pro Auene Neene dicitur, fama notissimus est. Oritur ex duobus fontibus, quorum brachia ad Auonam mediteraneam urbem à fluuio nominatam coeunt. Deinde et toti regioni nomen à flumine Auonia, quam uulgus corruptè Northamptonshire pro Northauonduneshire appellat. Tum uerò Auonæ uallem emporium non ignobile alluit, quod nostra ætas pro Auondale corruptè uocat Oundale. Postremò Petrobürgum attingens paulo inferius paludibus Giruorum immergitur, iunctusq; Isidi, iam Granta aucto, Linum nobile emporium petit, & paucis ab eo loco passuum millibus Oceanum ingreditur.

Auona fluuius numero tertius oritur in Vilugiana prouincia alias vvileshire non procul à Sema-rii Lupino, uilla splendida. Fluit per Ambrosiam, & Seueriam, ac tandem unà cū Duro fluuio à quo Dura prouincia uulgò Dorsetshir dicta, et gens Durotriges, nomen accepere, ad Interamnam, quæ uulgò Tvvinhamburne dicitur, in mare properat.

Auona quartus eius appellationis fluuius per Auonam labitur olim oppidum, et castrum nobilissimorum Bigotiorum Comitum Icenorum, qui

B.ii. nunc

shire dicitur. Locus ubi scat ent Bucostenum nomē
habet. Est ibi sacellum Annæ matri dedicatum, ap-
pendix parœcię Bacheuellenfis. Hactenus de Ther-
mis.

Bainardi castellum. Legi ego aliquando hoc cas-
tellum in ditione insignis familię fuisse, cui filius
Gualteri cognomen, penes quam mansit usque ad
tempora Roberti filij Gualteri, quo deficiente a lo-
anne Anglorū Rege ad Francos, iussu Angli eversū
est. Sequitur et eodem modo in reliquam Roberti
filij Gualteri hereditatem. At an id temporis castrū,
quod antiquitus Londini ad Fluctum amniculum
situm erat, teste Stephanide scriptore, fuerit castrū
Bainardi dictum, non possum certò pronunciare.
Eadueardus 4. rex Angl. castrum refecit quod nūc
Bainardi nomen obtinet.

Batersega uilla non admodum magni nominis
Laurentius Bouthēus archiepiscopus Isurouicanus
uulgò Eboracensis, hīc p̄diolum dato p̄æcio Ni-
colao Stenolēgo sibi comparauerat, ut in secessum
se conferret, quoties uel Londini, uel palatij, quod
ibi habebat planē magnificū, satietas eum caperet.
Vnde et uillę fama, splendorq; accrescere cœpit.
Nomen autē loco inditū, ut ego cōiicio, ex cymbis.

Bellinus sinus Angl. Bellinesgate à Bellino Bris-
tannorū rege, ut produnt scriptores, & fama refert
publ. nomen accepit, et adhuc retinet. Tradunt etiā
& castrum porticulo uicinum ad orientem Bellini
nomen antiquitus habuisse.

Bellus locus edes uel in primis illustres apud
Saxones orientales, quæ non multis ab hinc annis
Noue

Nouę aule nomine gaudebant, possidente eas Bos-
telero Ormundię Comite: deinde & Thoma Bos-
nonio eius ex filia nepote, et herede Vilugię Comi-
te. Sed cum illustrissimus Henricus octauus, per-
mutatione cum Bononio facta, eđes sibi comparaf-
set, ceperunt in iamensum excrescere ingentibus
Principis impensis, nouūq; iuxta ac elegans nomē
Belliloci adsumere.

Bermundi insula Anglice Bermundesęge locus
humilis, ac palustris. Hic Alvvinus uir nobilissimus,
teste Ioanne Fiberio Visimonasteriensi annalium
scriptore, et Mattheo, qui Flores historiarum colles-
git, monasterium construxit, quod partim donatio-
nibus Gulielmi Magni, et Gul. Rufi regum Anglię:
partim etiam Valerani in iustam excreuit magnitu-
dinem. Erant autem ante conditum monasterium
amplissimę eđes in Bermūdi insula, quas ego certē
puto fuisse Alvvini, et in nouę fabricę usus cessisse.

Birinus. Missus hic fuit ab Honorio pont. Ro.
tanquam apostolus ad Anglos. Peruēnit ad Vissi-
saxones, et beneficio Kinegilsi regis, quem unā cū
D. Osualdo Trāfabrinorum rege baptizauit, ac do-
no accepit Hydropolim, alias Durocastrum, oppi-
dum Romanis non incognitum, situm autem in ip-
sa Tamę ripa, in sedem episcopatus sui. De hac do-
natione scribit Beda quinto cap. tertij libr. Anglice
historię. Acta hęc circiter annū á Christo nato. 635.
Successerunt in episcopatu uiri fama clarissimi, do-
nec Remigius Nortomannus sedem Lindum trans-
ferret.

Branodunus. Nomen illustris familię apud Ices-
nos

nos, qui nunc Volcæ. Ad uerbum è Britannico Latine interpretatur. Coruinus mōs. Brane etenim Britannicè coruum, Dune uerò montem significat. Non multum abludit ab hac compositione et aliud nomen Brirannis celebre, uidelicet Brennodunus, id est Regius mons.

Brenta fluuius oritur in sylua Henodunensi, tribus à Barneto uico passuum millibus defluit per radices Aroi montis ad Vilodunicos agros, tandē se exonerans in Tamesim paulo inferius Brentæ uado, uico Danorum fuga celebri.

Brigantes gens Hyperborea, quorum meminit Cornelius Tacitus scriptor elegans, et rerum Britannicarum, nempe à Iulio Agricola socero edoctus suo, non ignarus. Meminit et eorundem Ptolemæus, adfirmans hanc gentem et occidentale, et orientale litus inhabitasse. Connumerat etiam Epiacū, Vinnonium, Caturaetonium, Calatum, Isurium, Rigodunum, Olicanam, et Eboracum Brigantum ciuitates. Vbi autem sit Epiacum non dum perdidici. Credisderim Vinnonium eam fuisse urbem, quæ nunc Binchester prope Vedram sita, non procul ab Achelanda, uilla rustica est, uia lapide trans flumen strata insignis, et famosa fictilibus tubulis, tessellatis pavimentis, et numismatibus Romanis frequenter erutis. Calatū uerò, ut ego iudico, ea fuit, quæ ab Antonino, et Beda Calcaria dicebatur, Saxonice Helecaster. Nisi quis putet Tadeacastrum uicū celeberrimum uicinum eam fuisse. Rigodunum eam dictā arbitror, quæ nunc Ripodunum, et hæc quoque antiquitatem ostentat suam. De Olicana quidam id pronunciat

nunciat, quod ego non omnino affirmo, nēpe eam
esse, quæ modo Sacra sylua aliàs Haligfex dicitur.
Eam igitur incolebant regionem, quam nunc Ebo-
racenses. Absurdum profectò erit posthac Brigantes
cum Hectore Boethio Scotto in Gallouidia que-
rere. Antoninus etiam mentionem facit Brigantū,
quo loco de Isur ia antiqua urbe scribit. Porro Iuue-
nalis satyra decima quarta hoc uersiculo Brigantes
gentem, ut ego opinor Hispanicam, nominat.

Dirue Maurorum attegias, castella Brigantum.

Neque desunt qui suspicentur Brigantes gentem
Britanniæ aquilonarem à Brigantibus Hispaniæ
nomen, et originem traxisse. Sed ego nihil in re non
dum subtiliter excussa affirmo.

Britannię numero plurali dictę ad distinctionem
primæ, et secundæ, quarum Sextus Rufus, qui de
prouincijs scripsit, meminit. Est autem prima, quæ
citra isthmum, quę uerò ultra secunda, nunc Scotia
dicta: de quibus et Beatus Rhenanus Selestadieſis
in opere de rebus Germanicis illustrem facit men-
tionem. Syluester Giraldus Meneuensis homo anti-
quitatis Britannię studiosus Vibium Sequestrem,
ut ego arbitror, sedulò imitatus de Britanniæ diuisi-
one ita scribit libello Distinctionū secundo: ubi de
aduentu Fugatiij, et Damiani apostolorum ab Eleu-
therio Romano episcopo in Britanniam missorum
meminit. Britannia prouincias habet numero quin-
que. Britanniam primam, Britanniam secundam,
Flauiam, Maximiam, Valentiam. Prima dicta est
pars occidentalis insule, quia primum in illa Brito-
nes Bruto, et Corineo Ducibus applicuerunt, eaq̃

C. primo

primo à Coríneo & suis & occupata est, & habitata. Britannia secunda Cantia, quia secundo à Bruto, & suis inhabitata fuit. Tertia Flauia hoc est flaua, quæ dicitur et Mercia, quasi mercibus abundans, caput cuius est Londonium. Quarta Maximia, id est Eboracia ab imperatore Maximo sic dicta. Quinta Valentia ab imperatore Valente sic dicta, Albania scilicet, quæ nunc Scotia. Hactenus Giraldus, cuius nomen in Decretis Romanorum pontificum celebre. Erat ille quidem suo eruditus sæculo: attamen tantum abest ut hanc eius de Britannia in partes diuisa interpretationem in solidum admittam, ut aperte ausim pronunciare illum subinde in interpretatione impendio hallucinatum fuisse. Ineptum planè quod de prima, et secunda scribit Britannia. Et eiusdem farinae est, quod infert de tertia Britanniæ provincia. Flauiorum familiam longè nobilissimam, à qua et Constantinus Magnus originem duxit, ulnis amplector. At flauam repudio, unà cū Mercia, quæ à Mercis Germanica gente, uel limitanea non à mercibus nomen accepit. Illud quod de Bruti in Britanniam aduentu adfert, quanuis temporum iniquitate sublati antiquissimorum scriptorum monumentis, nec illustrium Græcorum, aut Latinorū iustis, quod ego sciam, testimonijs confirmetur, in optimam planè accipio partem, ingratis alioqui, si instructus satis domesticorum scriptorum non leui autoritate, peregrina, et exotica foris anxie disquirerem. Interea igitur magni meritò facio monumenta ingeniorum, et antiquæ cognitionis, quæ priores nostri non uani, ut Polydorus censor certè molestissimus

impe-

imperio quodam suo prædicat, gratè, candidè, oportune etiam posteritati religione iusta ducti consecrare. Gildæ fragmentum quod circumfertur non meminit Bruti. Quid tum. Hocceine satis est ut eludant, aut pernegent Brutum in Albionem cum suis transmigrasset Collectio, ita me Dialectica amet, frigidissima. Nennius Britannus scriptor non contemnendus affirmat Brutum nomen Britannicæ indidisse, quâquam et Britonis etiam meminit. Gallofridus Monemuthensis Britannicæ fidem secutus historie idem uel constantissimè adfirmat. Constat testimonio Aristotelis in libello de mundo, atque adeo aliorum Græcorum, Britanniam principio Olbionem & Albionem fuisse dictam. Nec deest autor Iululentus, qui scribat nomen insulæ inditum ab Albione gigante Neptuni filio, cuius et Pomponius Mela meminit. Gigantes autem Olbionem incoluisse uerissimum est. Poëta qui epitomen Britannicæ historie edidit, sic de gigantibus Albionicis scribit. Terra ferax, et amœna situ dum nomen habebat.

Albion indigena plena gigante fuit.

Ioannes Annauillanus libro Architreñi, si rectè cõputo, sexto hæc recitat de gigantibus.

Hos audum belli Corineus robur auerno

Præcipites misit, cubitis ter quatuor altum

Gogmagog Herculeæ suspendit in aëra lucta,

Antheumq; suo scopulo detrusit in æquor.

Vidi ego passim, cum totam perlustrarem Briranniam ossa gigantea. Ter etiam nostro sæculo Londini inuenta eiusmodi ossa inter fodiendum. Iugulus columnæ appendet in Fano Laurentij ad Prætorium

rium. Crus inuentum me puero in arenarijs prope
crucē Charinianam. Denique et craneum amplissi-
mū erutū est Visimonasterij, cū iacerentur fani fū-
damenta, in quo Henrici Septimi ossa conquiescūt,
manifesto sunt indicio. Vidi etiam ossa gigantea
Dori Cantiorum, Sturodunī Durotrigum, Londini
quoque in cœmeterio Paulino. Inuēta et Gallouini
ossa ingentia, uel, ut ego rectius arbitror gigantis as-
licuius, unā cū sepulchro in Rofsia prouinctola De-
metarum, teste Gulielmo Maildunensi libro de Re-
gibus Anglicis tertio. Denique annis ab hinc pau-
cis sepulchrum gigantis in Cornubia erutum. Quin-
omissis gigantibus ad Brutum Britannicę gentis pa-
rentē redeo. Epitomographus Britannicę historię,
hęc quę sequuntur de Bruto canit.

Dicitur à Bruto sortita Britannia nomen,

Dicitur et Bruti Britto fuisse genus
Pars Corinea datur, Corineo de Duce nomen.

Patria deq̃ uiro gens Corinensis habet.
Iosephus Iscanus poëtarum suo sæculo delictum, et
facile princeps in Antiocheide sic canit.

His Brutus auito
Sanguine Troianus patrijs egressus ab oris,
Post casus uarios confedit finibus orbem
Fatalem nactus, debellatorq̃ gigantum,
Et terrę uictor nomen dedit.

Ioannes Anneuillanus poëta, ut illa ferebāt tēpora,
certē egregius his uersiculis Britannia à Bruto no-
men accepisse clarissimè ostendit

Hęc eadem Bruto regnante Britannia nomen.
Traxit in hoc tempus.

Alexs

AlexāderNechamius, cuius in doctis artibus cogni-
tio nō modo Britānis suis, uerū etiā Gallis, & Italis
atq; adeò orbi uniuerso incredibili cū admiratione
ita innotuit, ut miraculū ingenij diceretur, his uerbis
in libro de sapiētia diuina magnificē Bruto affurgit.
Dehinc Brutī tellus est dicta Britannia maior.

Nam minor Armoricos gaudet habere sinus.

Et alibi

Quos Brutī claudit insula clausa mari.

His, alijsq; multis edocti Britanni testimonijs sanē
luculentis, iure quodam optimo Brutum tanquā sui
generis indubitatum parentem mordicus retinent,
et precipuē Cambri. Gloriantur illi quidē se à Troia
nis originem accepisse. Qua parte non solum fidei
unius Gallofridi Monæmuthensis uerum etiā Nen-
nij, qui trecentis amplius ante eum annis floruit, in-
nituntur : tantum abest ut iustē hoc inuentum Gal-
lofrido interpreti Britānicę historię obijciat uel Gu-
lielmus Paruus Nouoburgensis, uel Polydorus Vr-
binas. Bene habet interim quòd Ponticus Virūnius
causam Gallofridi defēdendā suscepit, aut rectius
Gilde, cuius uersiculos Gallofridus primo Britānicę
historię libro uel ignoto, uel ingrātē suppresso auto-
ris nomine recitat. A Gallofrido autē uersus nō fuisse
cōpositos uel hinc constat. Referunt enim aurea
fluentes uena antiquitatis inimitabilem quandam
cum eloquentiam, tū maiestatem, qualem Gallofris-
dus poëta suo tempore minime malus, ut liquidò ap-
paret ex prophetico Merlini Syluestris libello ab
eo in carmen redactō, cum admiratione facilius pos-
tuit suspicere, quā felicius exprimere. Quare
operę precium erit carmen hūc subijcere, ut nos
men

men Bruti eximium diffusis orbi radijs plenius elu-
ceat. Consecratum autem carmen est, uotis multis,
Dianę uenatrici. Nam Britannia illis nemorosa tem-
poribus fuit, ferarumq; altrix.

Diua potens nemorum terror syluestribus apria,

Cui licet anfractus ire per æthereos,
Inferasq; domos, terrestria iura resolue.

Et dic quas terras nos habitare uelis.

Dic certam sedem, qua te uenerabor in æuum.

Qua tibi uirgineis templa dicabo choris.

Agnosco hinc numen eloquentiæ, quod et suspicio,
uenerorq; religione permotus quadam. Sequitur fa-
uentis Dianę respõsum elegans, rotundum, propi-
tium. Crediderim planè Deam heroicum quiddam
in Bruto penitus deprehendisse, quod beneficio
magno posteritati, et æternitati commendatissimū
relinqueret. Sic enim magnifica respondet.

Brute sub occasum solis trans Gallica regna

Insula in Oceano est undique clausa mari.

Insula in Oceano est habitata gigantibus olim,

Nunc deserta quidem, gentibus apta tuis.

Hanc pete, nanque tibi sedes erit illa perennis.

Hæc fiet natis altera Troia tuis.

Hic de prole tua reges nascentur, et ipsis

Totius terræ subditus orbis erit.

Ponticus Virunnius pronunciat Gildam poëtam
Britannicum uersiculorum quos recitauisse scrip-
ptorem, eiusque operis meminit, cui illustris titulus
Cambreis. Hęc ille de Cambreide loquens. De qua
etiam libro quinto epigrammaton Gildas Britannus
poëta sic canit insignis.

Iocun

Iocundæ totiens cecini tibi carmina Cambres
Lilius Gregorius Gyraldus Ferrariensis dulce de-
cus omnis antiquitatis non Latinæ modo, uerum
etiam Græcæ ita in quinto de poetarum historia dia-
logo de Gilda Britanno loquitur. Gildam etiam me-
mini me legere Britannicum poëtam, his, ut puto
longè antiquiorem, cuius tum mihi elegiacum car-
men mira facilitate conscriptū uisum fuit, nec ideo
aspernabile: quem postea etiam citatum reperi in
perueterè Britannica historia. Hactenus Lilius. Ad-
ducor certè ut credam alterum hunc fuisse à Gilda
historiographo. Phrasis, dictio, elegantiaq; carmi-
nis maiora promittit, quàm speranda quidem à mo-
nacho tam barbaro sæculo nato. Quare Gildam poë-
tam ab historiographo alterū iudicio quodā per sua
sus certo non temerè cōstituo. Liceat nunc Britan-
nis cum bona uenia originem à Troianis, et Bruto
suo repetere. Fecerūt idem et Itali, et Galli, multeq;
aliæ gentes gloria infinita illa Troiani nominis il-
lecti. Quales Britanni initio fuerint non temerè de-
finio. Doctissimorum esto iudicium. Scio interim
Iosephū in opere, cui titulus Antiocheis, hæc magna
cum laude cecinisse.

Inclyta fulsit.

Posteritas Ducibus tantis, tot diues alumnis
Tot fœcunda uiris, premerent qui uiribus orbem,
Et fama ueteres. Hinc Constantinus adeptus
Imperium Romam tenuit, Bization auxit.
Hinc Senonum ductor captiua Brennius urbe
Romuleas domuit flammis uictricibus arces
Hinc et Sæua satus, pars non obscura tumultus
Ciuilis

Ciuilis, Magnum solus, qui mole soluta
Obsedit, meliorq; stetit pro Cæsare murus.
Non desunt et alij melioris notę scriptores, quorum
opera, et diligentia antiqua Britannorum uirtus elu-
cet. Iosephus cuius carmen elimatum preposui us-
nus multorum breuitatis causa instar erit. Hoc cer-
tè constat cultores Britannię eo iam glorię perue-
nisse, ut cum gente quauis alia omni uirtutum gene-
re facilè contendant, hostesq; iugo premant. Tantū
hoc defuit palmę antiquissimorum Britannorum,
quòd ante Romanorum in insulam aduentū operi
manuario, & militię studuerint potius, quàm literis,
quibus famam posteritati prorogarent. Artium, &
bonarum literarum cognitio eo tempore certè om-
nis penes solos Druides fuit, quibus et Gręca lin-
gua tantum non familiaris. Strabo geographus li-
bro quarto Bardos, & Vates adiicit, hæc referens.
Bardi quidem laudationibus, rebusq; poëticis stu-
dent. Vates autem sacrificiorum naturaliumq; cau-
sarum curę dediti. Coniectura ducor eo tempore
uulgus Britannorum ineruditissimū fuisse, ac prorsus
non potuisse linguę suę uoces calamo depingere.
Quo etiam morbo et pleręq; alię gentes omnes
barbarę laborabant. Caroli Magni temporibus cœ-
perunt barbarę gentes aliquot suę linguę uoculis
chartas pingere. Rudiores Hungari ne adhuc qui-
dem aptè suo idiomate scribunt. Cæsar meminit nu-
mismatum Britannicorum, et annulorum, quibus in
permutatione utebātur. At ego, qui excusserim om-
neis Britannię angulos, et tantum antiquarum rerū
uiderim, ne unum quidem, quod sciam, Britannię
inscrip

inſcriptum inueni: cum tamen Romanorum numiſ-
matum paſſim per agros Britannicos erutorum pe-
ne myriades uiderim. Cauſa autē cur Britannorum
numiſmata nulla appareant hæc eſt. Cautum fuit
ediſto Ro. imperatorum ſeuero ne quis in Britānia
nummis uteretur niſi ſignatis imaginibus Cęſarum,
idquod et ex Gildæ ſapientis hithoriola liquidò cō-
ſtat. Et quādiu imperium Britannia in prouinciā
redactę penes Romanos ſtabat, tam diu neceſſe erat
Britannis magiſtratum gerere cupientibus Latine
loqui, etiā ſi non purē putē. Vnde et prouincialis
linguę ortum apud Britannos, ut arbitror, nomen:
Vulguſ tamen magna cum difficultate, et id quidē
corruptē diſcebat. Tabulas donationum omneis, &
rationes alicuius momenti Latine ſcribebant. Heſit
tamen in lingua, in fibris, in animo apud uulguſ ſer-
mo Britannicus. Qui ſunt peritiores linguę Britan-
nicę, qua nunc Cambri Britannorum reliquię utun-
tur facile ſentiunt infinitam uim Latinorum uoca-
bulorum conſuetudine Romanorum in colloquiū
uulgo familiare irrepiſſe. Cætera uocabula Cam-
brici idiomatis partim Hebraica, partim Græca, par-
tim barbara ſunt. Sed latius in præſentia expatiatus
ſum dum ſolicite hoc ago, ut Britanni ſplendore ſui
Bruti, à quo unā cum patria fama ſuper æthera no-
ta nomen acceperē, illuſtrati, Troiani meminerint
generis, factisq; parentem uicturis aſſiduē expri-
mant. Forſitan hīc quiſpiam dixerit me bellè munus
perornāſſe meum, ſubēſſe tamen, quæ diuerſū ſua
deant, et Brutum non magis quā Britanniam ab
eo denominatum negligant, contempnant, reiſciāt
D. denis

denique. Qua parte, ut ueritatem à calumniatorum
impetu prætenso clypeo fortiter protegam, aperte
significabo quibus armentur telis. Nennius confir-
mator magnus Bruti, ne uarietatem scribentium de
origine Britannica aut consultò præterijisse, aut non
cognouisse uideretur, Britonis cuiusdam, filij Hifci-
onis alias Ificonis, qui fuit filius Alani de genere La-
pheti, mentionem facit, significans se legisse apud
quendam historiographum ab hoc Britones nomen
accepisse: quam tamen opinionem recitauit potius,
quàm confirmauit, prælata meritò Bruti gloria.
Sunt et aliquot prætereà obscuræ famæ scriptores,
qui leuiter Britonis, et Britonũ nomen attigerunt,
Scriptoribus antiquis Græcis Βρεττανία percogni-
tum nomen. Britannia Latinis, At Britonum utrisq;
infrequens. Ausonius Burdegalensis falsiusculè lu-
dit in Syluium Britonem. Profectò crediderim eo
tempore Britonum nomen exortum, quo Romana
eloquentia, et gloria unà cum Britannia ad inclin-
tionem uergebant. Sunt qui putent Britones gentē
fuisse continentis Galliæ ad littus Armoricanũ, inter
quos & Volaterranus Polydori instructor, & olim
in Britaniã cõmigrasse. Sed ea opinio à nuda proli-
liens cõiectura iudicio doctorũ explosa est. Agathias
Græcus libro secũdo de bello Gothico scribit
Britones Hunnicã esse gētem. Nil igitur antiquitus
Britonibus cum Armoricano littore cõmune. Cor-
nelius Tacitus hæc refert in uita Agricolæ. In uni-
uersũ æstimãti, Gallos uicinũ solũ occupasse credi-
bile est. Eorũ sacra deprehēdas superstitionũ persua-
sione. Sermo haud multũ diuersus. Hęc ille. At Ta-
citi

citi illud credibile, rem tanquam ueram, cum sit uox incerta, non pronunciat. Nuda planè coniectura est. Nam et superius scripserat parū compertū esse. Quantum autem ad sacra pertinet, crediderim potius cum doctis scriptoribus, & maxime Cæsare, quē Britannicarum rerum cognitio aliquādo occupatissimum iusta detinuit cura, Gallos à Britannia, quā contrā, suorum ritū persuasionē accepisset id quod uel facilè hinc liquet, quòd Galli ad Druides Britāniæ incolas de more missitabant quæsitum de uera rituum cum interpretatione, tum cognitione. Denique quantū ad idioma pertinet, sū penè eiusdē cū Tacito sententiæ. Nunc mihi negotiū, nec illud quidem leue, erit cum illis, qui contendunt Britannos olim gentē uagā, syluestre, inconditamq; fuisse, & à brutis moribus nomē desumpsisse, inter quos et Hierichus primus est, ut liquet ex his uersibus desumptis e tertio eius operis libro, quod de uita D. Germani episcopi Altiſiodorēsis carmine heroico scripsit, et Carolo Magno dedicauit.

Insula nī ualſto terrarum plurima ductu
Alterius penè nomen conduceret orbis
Edicto ueterum uocitata Britannia, brutis
Barbara quòd furiat gens ultrò moribus omnis.
In hac etiam hæresi fuit Isidorus Hispalensis episcopus, ut apparet libro nono Etymologicæ. Horū ego iudicium non ex autoritate scriptorum probatissimorum enatum, aut ex uiuis fontibus haustum, quin potius à lacunis temerè deriuatū, discutio lōgè rectius, quā admitto. Colligo utrunque in barbarū planè incidisse sæculū, quo bonæ artes omnes, una

cum eloquentia, et genuina illa antiquitatis cognitione frangebant. Vt concedā Britannos aliquando rudes, uagos, et incompositum genus fuisse: an ideo ratione equa statim bruti dicēdi? Minime. Tales initio fuere gentes pleræq̃ omnes, ne Græcos quidem, Italosue excipio, qui tamen postea societate ciuilitate, æquitate coniunctissimi illustribus factis, quemadmodum et Britanni, gloriam sui nominis uel longissimam fecerunt, posteritatiq̃ memorabili exemplo, uirtutis titulo fuerūt. Eliota amicus noster ille candidus inter Græcos uersatus contendit beneficio cuiusdam uetustissimi exemplaris, oportuna usus coniectura, Britanniam antiquitus à rerū affluentia Prytaniam Græcè, nomine à re aptissimè desumpto, dictam fuisse. Hec memini legere me in Vibij Sequestris libro de regionibus, ac prouincijs. Calabria quæ primitus ab antiquis Prytania ob immensam affluentiam totius delicij, atq̃ ubertatis. Hæc ille. Industriam Eliotæ collaudo. Cupiebat ille hac coniectura Britanniaē gloriam appellatione et eleganti, & significanti extendere. Nec interim tamen coniecturas ullas tanquā certa promittentes statim recipio, ne forte uidear iudicio ualentibus patriæ ingratus, neglecto, aut contempto Bruto incōparabili, ac ab antiquis, nostratibus maximè receptissimo. Postremò ille certè corrigendus, et oportunè, error est, quo quidam imbuti, et temeritate potius, quā iudicio ullo saltem certo freti, deprædicant Britannos ex Armoricano littore primum in Albionē commigrasse, nouumque Britanniaē nomen insule indidisse Beda uir citra controuersiam omnem doctus

doctus, at non perinde in penetralibus Britannicæ
antiquitatis uersatus, scribit hoc modo primo capi-
te primi libri Anglicę historię. In primis autē insula
Britones solum, à quibus nomen accepit, incolas
habuit, qui de tractu Armoricano, ut fertur, Britan-
niam aduecti australis sibi partes illius uendicaue-
runt. Hic certi nihil pronunciat, tantum dicit, ut fer-
tur. Quo loco, si fidem à lectoribus sibi dari uoluisset,
apertè autoris nomen, cuius opinioni subscrip-
sit, produxisset, ut et sic pondus, fidemq; dictis soli-
dam adijceret, Polydorus tamen uir alioqui tum ele-
gans, tum doctus ex hoc Bedæ loco errorem hausit,
haustumq; in fibris conseruat. Tam difficile est des-
discere, quæ semel male aliquis didicerit. Quid in-
terim fiet de iudicio Caesaris. Ille quinto cōmētario
rum libro Britannos mediterraneos ΑΥΤΟΧΘΟΝΑΣ ap-
pellat, tanquam in ipsa terra genitos, quod antiquis
oris originis essent, quàm ut generis sui primordia
cognoscerent. Diodorus Siculus libro sexto biblio-
thecæ suę hæc refert. Britanniam incolere tradunt
Aborigenes. Liquet communi scriptorū suffragio
incognitum fuisse Britannię nomen oræ Armoriga-
næ, ante Maximi, qui Britannis insularibus præfuit,
tyrannidem. Britanni indubiè Armorigę à se deuiz-
cę nomen imposuere nouum, quod uel ad huc retiz-
net. Commigrationis autem Britannorum in Ar-
morigam cum maximo Gildas in sua historiola, &
Beda in libro de ratione temporum titulo Theodo-
sij, luculentam faciunt mentionem. Vt concedam
Brutum, & Britannos aliquando soluisse à littore
Armoricano Albionem petituos: an statim hoc ad

D.iii. misso

in ipsa eadē

missio constabit Britannos colonos fuisse tractus
Armoricanis: Nihil minus. Nam aliter ipsa Gildæ
uerba pronunciare uidentur. Exin Britannia omni
armato milite, militaribus copijs, rectoribus licet im
manibus, ingenti iuuentute spoliata, quæ comitata
uestigia supradicti tyranni domum nusquam rediit.
Hactenus Gildas. Si ergo domum non redierunt,
quem locum, aut quas possidebant sedes? Certè nō
alias quàm Armoricanas, quibus uictores patriæ
suæ nobile dedere nomen, Armoricanorum et glo
ria, et appellatione sensim cadente, ac tandem per
eunte. Nennius Britannus de hac quoque transmi
gratione in sua oportune scribit historia. Quin &
ista fusius, luculentius, atque adeo certius, additis
ad cumulum Constantini Magni triumphis maxia
mis depingit Gulielmus à Maildulphi curia in pri
ma de regibus tabula his lineamentis. Constanti
nus, ut aiunt, uir magnæ ciuilitatis Constantinum
ex Helena stabularia susceptum egregiæ spei iuue
nem reliquit hæredem, qui ab exercitu Imperator
salutatus, expeditione in superiores partes indicta,
magnam manum Britannorum militum abduxit,
per quorum industriam, triumphis ad uota fluenti
bus, breui rerum potitus, emeritos, et laboribus fū
ctos in quadam parte Galliæ ad occidentem super
littus Oceani collocauit. ubi hodieq; posterius eos
rum manentes in immane coaluere, moribus, lin
guaq; non nihil à nostris Britonibus degeneres. Et
ibidem paulò inferius: Succedentibus annis in eas
dem insula Maximus, homo imperio aptus, si non
contra

contra fidem ad tyrannidem anhelasset, quasi ab exercitu impulsus, purpuram induit, statimq; in Galliam transitum parans, ex provincia omnem pene militem abrasit. Constantinus etiam quidam non multo post ibidem spe nominis Imperator allec-
tus, quicquid residuum erat militaris roboris ex-
hausit. Sed alter à Theodósio, alter ab Honorio interfecti, rebus humanis ludibrio fuere. Copiarum, quę illos secutę ad bellum fuerant pars occisa, pars post fugam ad superiores Britannos concessit. Hęc Maildunensis fusiis reliquis scriptoribus narrauit, exorsus à Constantio patre, & Constantino filio Imperatoribus. Quid, quod & addidit ad Maximi tyrannidem præter communem morem nostrorum scriptorum, Constantini alterius imperij inuasoris facinus, suppliciumq; De hac quoque transmigratione, & nomine Armoricę in Britanniam continentis mutato, Henricus Venantodunensis in sua accuratè scribit historia. Vt interim mittam Aluredi Fibrolegani, Geruasij Durouernensis, Ioannis Anglici, Ranulphi Higedeni Castrensis illustrissima de eadem transmigratione testimonia. Hęc, quę autoritate uirorum illustrium confirmatus adduxi, si non satis comprobant Armoricam Britannię continentis nomen à Britānorū insularium commigratione accepisse, & Britannos cōtinentis nullam unquā appellationē in didisse nostrę Britānię, disquirāt per me importuni calūniatores crassiores umbras, quibus gloriā frustra conētur Britannici splēdoris obfuscare. Ego in
terea

terea loci strenuè causam meę patrię defendam, et
famam eiusdem modis quibus possim omnibus pro
mouebo, augebo, ornabo.

Bustelli domus. Angl. Bustelsham. Erat aliquã
do sedes Templariorum, quorum existimatione de
crescente Mons acutus à Seueria comes collegium
Canonicorum Augustinianorum ibidem instituit.
Ab eo tempore Bustelli domus consecratum est
principibus uiris Montis acuti.

C.

Caleua nobilissima semper Atrebatum ciuitas,
de qua et Gręci, et Latini scriptores mentionem fe-
cerunt. Ptolemeus hæc scribit. Atrebatij, & eorum
ciuitas Ναλλουα. Sic enim Caleuã, ut mihi uidetur,
inuertit Gręcus codex. Sunt qui adfirmant hanc ur-
bem eam esse, quę nũc Isidis uadi nomine censetur.
Sunt et alij qui Caleuam dicant eam fuisse urbem,
quam in solitudinem redactam uulgus hodie Silces-
stre uocat, quod à Pontibus, alias Rheadingo plus
minus septem passuum millibus distat, & tribus à
Basingo. Sunt porró qui Guldeforde Caleuam quę-
rant. Sed has coniecturas non magni facio. Puto cer-
tè Silcestre eam antiquitus fuisse urbem, quam Hen-
ricus Huntēdunensis libr. quarto historię suę dicit
à Britannis antiquitus Cair Segent fuisse appellatã.
Sita autem est in ipso limine Auonię littoralis non
in ripa Tamesina, ut habet Huntendunensis, ni sit
corruptum exemplar. Erat & urbs altera Segontiũ
nomine, quam Cairaruon nostra ætas uulgò appella-
t, quod è regione Mong, quæ nunc Anglesega di-
citur, sita sit, Mea plane opinio semper fuit, atq̃
adeo

adeò nūc est, Caleuā eam fuisse urbē, quē nunc Vvalengaforde dicitur. Facilis lapsus erat mutare V. geminatum in G. & rursus G. in C. N. autem litera cum inuertitur fit V. Ita ex vvalena orta est corrupta Caleua. Quanquā et Antoninus Gallenē meminit. Facies, situs, antiquitas, spatium, magnificentia denique arguunt Vvalengaford olim urbem fuisse clarissimi nominis. De uallo, fossa profunda, et arce penē inexpugnabili, nihil dicam. Dani, deuicta hac urbe, custodiam, et præsidium arcis magnum imposuerunt. Bona pars murorum urbis Danicis procellis cecidit, nec ab eo tempore instaurata. Ab aduentu Nortomannorum Brientius urbem, & castrum possidebat, quem Gulielmus à Maildulphi curia in tertio Nouellæ historiæ libro Limitanē, id est Marchionē Vvalengafordē appellat. Comes etiā Deuanus, siue Castrensis eandem, nisi me fallit memoria, sub ditione tenuit. Matildis filia Henrici primi ab Isidis uado, clam fugiēs Stephanum tyrannū, hīc se occultuit. Comites Corinię urbem, et castrum possidebant. Inter quos effloruit Richardus semper Augustus rex Romanorum, filius autem Ioannis regis Angl. & frater Henrici tertij, cuius opera castrum insigniter reparatum est, ut refert Matthæus Parisius. Fuit Vvalengaforde oppidum percelebre uel ipso Eadueardi tertij imperio: quo tempore ingens pestis per duodecim urbis parocīas immiseri corditer grassata est, et tātum nō desolatā reddidit. Cupiebat ueterem Richardus secundus loco restituere dignitatem, datis diplomatibus, & uestigialibus diminutis. Votum tam honestum suos non habuit

buit successus. Ad illo decreuit quotidie urbis gloria, et, à constructione pontis Abbādunici & Durocastrensis, uiatoribus ab antiqua semita declinantibus, tantum non concidit.

Castrum puellarum, uulgo Eidenburge, regia Scottorum sedes, de quo multa Hector Boethius in sua refert historia. Hec urbs aliquoties ab Anglis uim passa est, & nuper igne fœdè deflorata, uictore Anglo, tota penè concidit.

Cerui insula. Anglicè Ceortesege, uulgò Cherssey in ipsis penè Regnorum finibus sita est. Ego aliquādo legi Erchēualdum filium fuisse Offe regis Oitroāglorū, natumq; Stallēuorti apud Lindisfos. Sororem habuit Ethelburgam uirginem pudicissimam. Fuit hic episcopus Londinēsis, & duo erexit cœnobía, de quibus Beda in ecclesiastica historia mentionē facit. Frithuoldus, teste Mariano Scottō, & Gulielmo à Maildulphi curia, subregulus beneficio Vvolpheri Regis Merciorum Erchēualdō adiutor fuit in constructione Ceortesegani cœnobij. Ethelburga uirgo Berechingi uirginibus uelatis præsuit.

Chaufega, uulgo Cheaufsey. Erat hīc antiquitus nobile monasterium, sed concidit ea calamitate, qua Dani totam latè Atrebatum prouinciā deuastabant. Instaurata tamen postea pars aliqua pristinae dignitatis Cheaufegang, habuitq; ut ego colligo, Canonicos, quos prębendarios appellant. Tabulę donationum in Rheadingensi monasterio Rogeri Decani Cheaufegani mentionem faciunt. Illud liquidò constat Henricum Belloclericum Anglię regem prę-

dij.

dñs Fani Leonis, id est Leonminster, & Cheaufega
nouum monasterium suum, quod magnificentissimè
Rheadingi erexerat, dotasse, misertum, ut refer-
runt, neglectæ in illis locis religionis. A quo tempo-
re seruiebat Cheaufega Rheadingo. Nunc uillula
est non alio certè clara nomine, quàm quòd Domi-
no fructus uberes reddat.

Cheua uulgò kevv. Villa elegans. Aedes autè
non multis ab hinc annis constructæ tempore Hen-
rici septimi à quodam pœnuarij, ut ego audiui, præ-
fecto.

Claudia. Britannicè Cairglo. Angl. Gloucester.
Claudiæ nomen celebrauit Gul. à Maildulphi curia
cum dedicaret illustre opus historiæ suæ de Angl.
regibus Roberto Claudiano notho Henrici primi,
at præcipuè in libro de Põtificibus Anglicis tertio.
Nennius Britannus Claudiæ meminit: sed adfirmat
ab alio quam Claudio Cæsare urbem nomen acce-
pisse. Annales Britannorum referunt olim sedē hīc
fuisse episcopālē, antistitemq; habuisse Eldadum.
Adornauerunt hanc urbem claris ædificijs reges
multi. Præcipuè Osricus subregulus Comes Claudi-
anę prouincię, & regibus Merciorū sanguine con-
iunctus, maximè Etheldredo, cui & familiaris, ut ex
Chronicis Claudiani monasterij liquidò apparet.
Fuit hic Osricus postea Rex Transhabrinorum
Sed Danica tempestas cœnobium Osrici cœdē tras-
tauit, uirginesq; Deo sacras fugauit. Sunt qui scri-
bant hoc factum flagrante bello ciuili inter Egber-
tum Regem Wisisaxonum, & Mercios. Successē-
re in uirginum locum Canonici. Tandem expul-

sis illis, inducti per Canutum regem, consultore Vvolsteno episcopo Vigornienti, monachi. Sed de Claudia fusius in libris de Ciuili historia, siue de antiquitate Britannica dicemus.

Cissa inter Saxones nobilis pater Inæ regis Visi saxonum, & erector Abbandunensis cœnobij.

Couæ, duæ arces munitissimæ à loco in quo sitæ sunt sic dictæ. Vna orientis, altera occidentis titulo elucet. Stant autem in ipsis Neoportus faucibus, quæ aditus in Vectam insulam. Est in hoc æstu castrum antiquum à Britannis Cairbro dictum. Cair enim Britannicè castrum, aut urbem muris cinctam. Bro autē æstū maris significat. Vnde & Penbroid est caput estuarij, urbs notissima Demetarū, quæ nūc Penbroc. Syluester Giraldus in Itinerario suo Penbro interpretatur caput maritimum. Huius castri ius omne ab aduentu Nortomannorum erat penes Rigidios, sic enim interpretor Redde Gallicum nomen, & Reddeur est rigiditas. Aptius est proprium nomen in ius quàm in us terminare, alioqui dixissē Rigidus. Inter Rigidios, quos uulgus scriptorum Reduerios, & Riparios corruptè appellat, Richardus Henrici, 2. consobrinus connumeratur. At alter prænomine Balduinus in primis illustris fuit, quem Vectæ comitem fuisse testantur multi rerum Anglicarum scriptores. Hunc ego esse puto Balduinum de Betona, sic forsitan à natali solo dictum, Comitē Vectæ, qui beneficio Richardi Regis in uxorem duxit filiam, & heredem Gulielmi Comitissæ Albemarlæ, ac Holdeirnessiæ: quo titulo multum ei accessisset ad dignitatis cumulum, si prolem de ea suscepisset

set. Duxerat ante Balduinus Vectanus in uxorem
Ioannam filiam, & heredem Gulielmi Vernonij Co-
mitis Deuonia: quo coniugio auctus est altero Co-
mitis honore. Mortuo Balduino, eius uxor filia Gu-
lielmi Grossi Comitis Albemarlæ secundò nupsit
Magnouillano, uulgò Mādeuille. Tertiò etiam nup-
sit Gul. de Fortibus, qui Skippoduni castellū à Gul.
Grosso focero suo magnificè inceptum, magnificè-
tius absoluebat. Ditiò Albemarle, Vectæ, et Deuo-
niæ ad hos Fortios peruenit, & honos uterq; in Isa-
bella Fortia cessauit. Rex Eadueardus, si rectè me-
mini, tertius precibus, et precio ita per interpretes
cū Isabella egit, ut hæc uiuens ius omne suū de Vec-
tæ insula illi perpetuò remitteret. Hoc pacto Vectæ
peruenit in possessionem Principis.

Curia, Saxonice Byri. Sic enim uocant breuita-
tis studio, Alias appellatur lingua uernacula sanct
Eadmundes byri, id est Fani Eadmundi curia. Habe-
bat hoc oppidum antiquius nomē. Dicebatur enim
Latine Bedericia, Saxonice Bederichesvorth. At
postquam reliquæ Eadmundi regis Ostroanglorū
à Danis interfecti Aquilæduni, uulgò Hoxton, sed
corruptè pro Eglesdune, 33. annis quieuisent, trans-
latæ sunt Bedericiam consensu Ostroanglorum, tã-
quam ad locum celebriorem. Fama refert nomen
Eadmundi multis ibi inclaruisse miraculis. Anno
autem D. 925. et secundo Ethelstani regis collegiū
sacerdotū Bedericię institutū est, sacrum uidelicet
Eadmundo. Nec longo post tempore Canonici Pre-
bendarij ibidem instituti, ac oppidum Eadmundi ti-
tulo nominatum. At Canutus Danus Anglorum

E.iii. impe

imperio potitus consilio Ailvvini episcopi Vlme-
tensis, alias Helmeham, Canicos expulit, ac mona-
chos substituit. Deuenerat ante hæc tempora Be-
dericia oppidum in usum Canonicorum liberalitas
te Eadmundi regis patris Eadgarî. Post aduentum
Gulielmi Nortomanni in Angliam, Heruæus ad-
itus Fani Eadmundi oppidum muro cinxit, unde
& statim magnificentiora urbi ædificia addita.
Quid ego hîc pluribus collaudo Curiam uerbis?
Vnum hoc tantum addam, solem non uidere ur-
bem situ elegantiorē: Sic molli delicata pendet
in cliuo, & riuius ad orientē defluit, aut cœnobii
illustrius, siue quis dotationem, seu amplitudinē, aut
magnificentiam incomparabilem æquis rationis
bus expendat. Dicerēs planē cœnobium urbem es-
se: tot portæ, partim etiā aetæ, tot turres, et tem-
plum, quo nullum magnificentius, cui & alia tria
egregio opere nitentia uno, & eodem cœmeterio
sita subseruiunt. Amniculus, de quo superius, me-
dijs monasterij septis illabitur, duplici ponte arcuas
ti operis peruius.

D.

Dela Saxonice, ut ego arbitror Dale. Locus est in
littore Cātiano inter Dorin, & Rutupinū urbes Ro-
manis cognitissimas, ubi solū humile, & subsidens
descendentibus ē nauibus facilem in insulam ad-
itum præbet: Fama publica est in promontorio
Cantiano Iulium Cæsarem à portus Durenſis ad-
itu prohibitum, hîc in terram loco oportuno des-
cendisse unā cum copijs suis, & castra in spatios-
sa illa planitie, cui nunc nomen Barendunia, pos-
uisse

fuisse. Neq; his dissimilia referunt chronica quæ ego aliquando legi de rebus Dori gestis.

Deiri gens notissima rerum Saxonicarum scriptoribus, quorum leuiter meminuit Samuel homo Britannus, Beda autem fusc. 14. cap. 2. libri Anglica historia, & alibi. Incolebant latam regionem ab Abri flu. ripis ad ripas Tyfsæ. Bernicij uerò de quibus & Beda etiam cap. præcedenti scribit, sedes habuerunt à Tyssa ad Tuesim flu. & ultra Vtraque gens principio imperij Saxonum in Britannia suum Regem retinuit. At temporum interuallo utrunq; regnum in unum coaluit. Deiros crediderim à ferarum syluis ubi uitam ducebant appellatos. Θίς Græcum est, fera Latinum, unde Saxones damas, & ceruos Deire patrio appellabant uocabulo, hac tamen scribendi lege, ut Θ Græcū in D. uerteret, transfixa prima literæ parte uirgula, quam & Thorn sua nominabant lingua, quòd uirgula spinulæ exhiberet speciem. Beda syluæ Deirorum libro quinto historiæ suæ capit. 2. his uerbis meminit: Berthunus abbas monasterij, quod uocatur Deirwald, id est Deirorum sylua. Hactenus Beda. Hic locus hodie celeberrimus est, & à fibris aquaticis illis Fibrilega Latina compositione appellari potest, quanquam indoctū uulgus oppidū Beuerley uocat, clarum uidelicet Ioannis olim archiepiscopi Isurouicani, siue Eboracensis consuetudine, sed clarius Ethelstani regis de Scottis triumphis, ac liberalitate, quam vel hodie deprædificant. Illud non est silentio prætereundum, quòd ea Deiriæ pars, quæ subsidet, & Hullo flu. ab ostijs
re=

reflui Abri, alias Humbri, tanquam extrema meta
discluditur, uulgo Holderneſſe uocatur, quod Latine
ſic redditur, cauæ Deirig peninſula. Terra enim
ibi ſe extendit in mare, id quod cum fit Cherroneſus
dicitur. Non tamen ita ſe extendit, ut propriè Cher
roneſus dici poſſit. Libellus qui inſcribitur, at incer
to autore, de antiquitate Deirorum, hæc refert: Caua
Deira reſpectu altioris inter mare, & Humbrum, Et
quia extēditur inſtar naſi, additur hæc ſyllaba Neſe,
& dicitur uulgo Holdernes. Mihi quidem non arti
det hic naſus. Sequar igitur priorem interpretatione
nem. Quæ uerò ſequuntur ad hunc modum in eodē
libello aliquantò lucidiora ſunt. Deirvvalde locus
nemoroſus, id eſt ſylua Deirorum. Hæc poſtea Be
uerlac, quaſi locus, uel lacus caſtorum dictus à caſto
ribus, quibus Hulla aqua uicina abundabat. Hacten
us antiquitatum ſcriptor. At ego ut caſtores, et lo
cum facile admitto, ita lacum reſicio, & amplector
priorem Fibrilege cōcinnationem: niſi quis Fibro
legam Græcam compositionem pretulerit, Saxones
ſcribebant Beuerlege. Recentiores in huiusmodi
terminationibus commutauerunt plerunque lege
in, ley. Hoc loco, principiò monaſteriū erat uiroꝝ,
& uirginū egregiè à regibus donatū, ſed bellis Da
nicis cōſtagrauit. Eathelſtenus poſtea Scottorū de
bellator collegium Canonicoꝝ ibidem inſtituit,
& liberalitate ampla inſtitutum inſigniuuit, aſyli im
munitate addita.

Derentus flu. Angl. Derente. corruptè, duabus li
teris medijs ſublatis, Derte. Coniectura eſt quorundam
& probabili hunc flu. olim appellatum fuiſſe

Dorguin, alias Dorguēt Britānico uocabulo, quod
Latine aquam lucidam, & perspicuam significat.
Facilis mihi quidem uidetur lapsus à Dorvvente in
Derente. Oritur hic flu. Titesegę, quę Regnorum
in finibus sita est uilla. Spectabilis autem est Craij,
& Derenti confluentia in ipso Derenti uado. Origo
Craij cernitur Dorpenduni uulgò Orpington: quod
nomen Britannicum Aquę caput montanę Latine
exprimit, quasi ipsos fontes, et originem flu. significans.
Loca non obscura alluit, & tandem Derenti
uadū uic ūcelebrē attingens, Derenti petit alueum,
quo loco uiatoribus penē peruius est. Nup̄ mcestus
cœnobium uirginū Doruenta cingebat, opus Ead-
ueardi à Gulielmo Magno regis Anglię eius appel-
lationis tertij. Nunc letissimus palatiolum Henrici
octauī regis, opus undecunq; splendidum, admira-
tur, amat, colit. Paulo inferius Doruenta pleno ala-
ueo Tamesim fluuiorum regem estum marinum pa-
tientem ingreditur.

Deua, Britan, Cair leon ar dour Devv. id est cas-
trum Legionis super Deuam flu. Ar Devv à Britan-
nis consultē additum, ut flu. titulo distinguerent à
Cair leon arvviske, quam urbem Romani Iscam ap-
pellabāt, & Iscelegiam. Antoninus scriptor Latinus
hāc urbem Deuam à flu. appellat. Beda. 2. cap. 2. libr.
historię Anglicanę urbē Cairlegion appellat, secu-
tus Britannos. At saxonēs aliud indidēre nomen,
uidelicet Legecester à legionum castro, ut apparet
ex Rogeri Houedeni historia. Admiror interim quę
autoritas eo deduxerit Gulielmū à Maildulphi cu-
ria, ut libro de episcopis Angli. 4. scriberet Legio-
num

num urbem inde dictam, quod emeriti milites Iulianarum legionū illic confederint. Ego uerò palam pronuncio nec legiones Iulij, nec ipsum Iulium eò peruenisse. De Deua flu. fufius hīc scriberem, nisi nuper in libello, cui titulus Genethliacō in gratiam Eadueardi Principis edito accuratè pinxissem Tegum lacū, Penliniz ornamentum magnum, à quo defluit, ac præterea cursum illius omnem ad ipsa usque ostia. De antiquitate, & magnificentia huius urbis scripsere quidem multi, at fufissimè Ranulphus Hygedenus, & Henricus Bradeshauus monachi Castrenses: ille in historia, cui titulus Polychronicon: hic in uita D. Vverburgæ uirginis. Sentit magnam hæc ciuitas cladem tyrannide Ethelfredi Nortabrinorum Regis, at maiorem longè persecutione Danica, qua tantum non funditus concidit. Ethelfleda filia Ealfridi Magni, et coniunx Ethelfredi Comitum Merciorum, quam Henricus Huntendunensis eleganti carmine uel ad sydera tollit, urbē & reparauit, & exauxit. Leofricus Merciorum Comes uir tum nobilissimus, tum optimus Deū gloriā insigniter promouebat. Idem fecit & Lupus Comes gēte Nortomannus. Tandē Petrus quidam coronidem magnificentię addidit eò transferens Lichefelda sedem episcopatus, Gulielmo Magno Anglis imperante.

Doris, siue Durus urbs fama celeberrima in ipso promontorio Cantiano, quam nostra ætas Douer appellat, unde ad Morinos transitus, at, ut ego conficio, nō breuissimus. Est autem breuissimus, ut rerū nauticarum peritissimi pronūciant, ab Hithino por

tu, qui uulgò Hiue, ad Gessoriacum urbem Mos-
rinorum, nunc Bononiam, quamuis alij aliter som-
nient, indubiè dictam. Sed nec interim Bononię no-
mē recens admodum. Ammianus Marcellinus, qui
Cęsarum res gestas scripsit, huius meminit, sed Bon-
niam, ni codex mendosus, subinde appellauit. Dor-
is originem traxit ab Ὑλwg Græco uocabulo. Bri-
tanni etenim, detruncata ypsilon litera, aquam sua
lingua Dor, subinde et Doure, auctis duabus lites-
rulis, uocabant. Neque aliud quicquam est Douer,
si R. suo loco reponas. At an fluuiolus qui urbem
allambit, Dori, siue Duri nomen antiquitus retinue-
rit, non temerè affirmo. Illud adfirmare possum, bo-
nam partem urbiũ Cantij à Dour Britannico uoca-
bulo nomenclaturam accepisse. Sunt argumento,
& quidem manifesto, Durobreuũ, quod nunc Hro-
fecester, Durouernum uulgò Cantevvarebyri, id
est Cantiorum curia, & Doris urbs quæ modo Do-
uer dicitur. Tradunt annales Dorensis cœnobij Ar-
uiragum Britannorum Regē arcem penè inexpug-
nabilem prope urbē in montis crepidine posuisse.
De hoc rege sic scribit Iuuenalis poëta satyra quin-
ta, dum Neroni cœdè adulatur.

Regem aliquem capies, aut de temone Britanno
Excidet Aruiragus.

Erat tunc temporis Dori portus nauibus percom-
modus instar lunæ, cornibus in orbem pene concre-
tis. Sed tempus edax rerum, procellæ, uenti deni-
que fluctuum refluorum uiolentia, ita utrinque ues-
teris portus cornua concusserunt, ut ablati illis
apertum littus uel urbis mœnia attingat. Hinc fit

F. ii. ut

ut ingens calculorum uis estus impulsu aggeratur. Incredibile quidem dictu, quantum thesauri, exhausset Henricus Octauus Rex potentissimus, dū studet stationem, & portum cōmodum classi suæ hic constituere. Si quis uerò nūc contenderet portū hīc olim nō fuisse, Antonini Itinerariū nō cōtēnēdū illi objicerem. Illic enim portus Dubris, nomine tamen corrupto, meminit. Nec interim Rutupinū aut Limenicū portum silentio obscurauit. Vnde colligo hos tantū treis portus apud Cantios antiquitus fuisse celebres. Referunt & idē annales Lucium regem Britannorū Christianū, ecclesiā Seruatori suo in Durenſi Castro cōsecraſſe. Eadbaldus Cantiorū Princeps Ethelberti Magni filius, cōſilio Laurentij archiepiscopi Durouernensis, Canonicoꝝ in eodē castro collegiū instituit, quos poſtea Vitredus Rex Cantiorū aliò tranſtulit, uidelicet in uicinā urbem, Fano Martini magnifico opere in eos uſus exſtructo, quod uel hodie deſolatum inſignē præ ſe fert, uel foro medio, antiquitatem. Sed manum de tabula. Alibi de his rebus fuſius dicemus.

Dorobreuū, alias Durobreuum, cuius mētio eſt ſemel, atque iterum apud Antoninū, urbs ſita eſt in ripa Vagē fluminis, qui modò Medeuvege dicitur, media penē uia, qua itur à Londino Dorouernum. Saxones hāc poſtea à Hrof, uiro quodam primario, et urbis Domino, Hrofceſter appellabant. Huius quoque appellationis Beda. cap. 3. libri. 3. hitorix Anglicæ meminit. Nomen etiam Hrofi adhuc uiuit in quadam Cantiorum familia. Paulinus episcopus Durobreuensis fuit, & ſecundus, ſi rectē com-
puto

puto, Ichamarus, cuius cum literas, tum uitam col-
laudat Beda. 13 cap. 3. libri historie suæ. Multas hæc
pertulit urbs calamitates, et belli, et incēdij. Ethelre-
dus Rex Anglię infensus Cātij, urbē uarijs adflixit
modis, et Canonicos Fani Andreæ fugauit, qui ta-
mē postea suo iuri restituti sunt. Gundulphus Cado-
mēsis, episcopus Rosensis Canonicos expulit, ac
monachos monachus induxit, ut apparet ex Ead-
meri historia. Lugebat longo tēpore Rosa pōte aut
rupto, aut nō confecto. Robertus Collinus, qui uul-
go Knolles Gallomastix ille, miseratus urbis solici-
tudinē, magnis ausis uiolētissimū Vagæ fluminis
gurgitē uicit, iactis noui pontis fundamentis.

Dorouernū alias Durouernū Ptolemęo Darue-
nū emporiū totius Cantij illius, teste Cęfare, huma-
nissimi emporiū longē frequentissimū, & Romano-
rū aliquādo in Britannia uenientium palatiū, à Duro-
flu, uicino, qui nunc Sturus dicitur, quātū colligere
possū, nomē accepit, seruauitq; inter eruditos. Syl-
uester Gyraldus Meneuēsis hæc refert. 2. Distinctio
nū libro: Dorobernia à Dour Britānico uocabulo,
quod aquā significat, quoniā aquis abundat. Hæte-
nus ille. Sed uulgus postea urbē Cantevvarbyri, id
est Cātiorū curiā, appellauit. Britāni, Romaniq; hīc
tēplū posuerūt Christo Seruatori sacrū, cuius gloria
Saxonibus paganis latē Cantium occupantibus de-
floruit, & postea, Ethrelberto Rege ad Christum,
Augustino Romano concionante, conuerso, re-
floruit. Calamitates non paucas bello Regulorum
Angliæ intestino passa est hæc ciuitas. At ea lon-
gē maxima fuit, cum Dani, regnante Ethelredo
Principe infortunatissimo, urbe capta, omnia ui,
F.ii. cede

cede, flammis confunderent. Osbernus Præcentor
Durouernensis in elegantissimo libello de uita Eal
phegi archiepiscopi Cantiorum, huius nefandæ
cladis abundè meminit. Houedenus etiam histori-
ographus hanc tragœdiam tam apertè, & lucidè ob
oculos lectoris ponit, ut hinc cuius pio facilè lachri-
mas excutiat. Lãfrancus Ligur beneficio Gulielmi
Magni archiepiscopus urbem Cantiorum, & Fanũ
Seruatoris utcunque restituit. At interim pars ma-
gna mœnium diruta iacebat. Simon Sudocurianus
archiepiscopus homo pius, at impiè à seditiosis se-
curi percussus, maximis sumptibus mœnia, quę par-
tim occidentem, partim boream spectant refecit.
Cætera huius urbis cum monumenta, tum facta il-
lustria ab eius alumnis scriptoribus fidelissimis, uia-
delicet Eadmero, & Geruasio, monachis Fani Ser-
uatoris, ac Thoma Spottæo, & Gulielmo Thorneo
Fani Augustiniani monachis sunt quærenda.

• Dunolmēsis à Dunolmo urbe nō obscura deducit-
tur. Nomē autē loco antiquitus inditū fuisse puto à
Dune, & Holme. Constat enim Dune Britannicè
montem significare. Holm uerò eminentis loci, in-
terdū & syluosi, & aquis circūsepti uerticem, aut e-
minentiam exprimit. Exemplo sunt Holmehurst, id est locus editus syluam ferens. Axholme superio-
ris Lindię insula. Stepeholme, & Flatholme insu-
læ Abrini maris. Vrbs hæc penè tota fluuiio cincta
est, quem Ptolemæus primi nominis geographus
Vedram appellat. At ætate nostra Verus dictus,
olim etiã et Vvîrus, & Murus, nisi antiqua Bedæ
exemplaria corrupta. Veri flu. ab origine cursum,
& ipsis

& ipsis fontibus accuratè perscribere presentis non
est instituti. Tantum significabo bicornem esse ori-
ginem, ex Burna, & Skello amniculis, nec Veri no-
men esse cognitum antequam cornua uno conflu-
ant alueo: id autem fit plus minus. 20. passuum milli-
bus occidentem uersus ab Achelandia, quò orien-
tem uersus defluit, insignis ibidē Vinduglessi, ali-
as Vandeles, confluentia. Deinde Dunolmū urbē
4. passuū millibus distantē receptis aliquot annibus
allābit, peninsulā q̄ facit. Postremò decurrēs spatio
plus minus. 8. miliariū mare petit eo loco, cui Veri
ostiū nomē. Hic fuit monasteriū Petri quod toties à
Beda laudari meruit, unā cū Ceolfrido abbate uiro
incōparabili. Origo Dunolmēsis urbis, & episcopa-
tus nō tam antiqua est, quā uulgus eruditorum exi-
stimat. Operæ precium igitur erit dignitatem epis-
copalis sedis ab ouo reperere, et huc recta, sed breui
oratione perducere: id quod commodissimè faciā
beneficio historiæ ab incerto autore de rebus Du-
nolmensium tanta cura, & fide scriptæ, ut una illa
meritò quidem dici possit thesaurus ingens Trans-
abrinę antiquitatis. Tanta, tam uaria, tam q̄ recondi-
ta in ea rerum memorabilium cognitio. Exemplar
uero commigrauit à Dunia in Cantium. Credide-
rim certè bonam operis partem à Simeone Dunol-
mensi Præcentore, uiro suo sæculo eleganter cru-
dito, fuisse scriptam. Huius ego aliquando historiā
ab hac diuersam de rebus gestis Anglorum legi,
quam & inchoauit cōmodè à morte Bedę peritri-
gens illustria facta & Anglorum, & Danorum, spa-
tio quadringentorum, & uiginti nouem annorum,

ac quatuor mensium: cui et alij uiginti quinque anni
appendebant, autore Ioanne Hagustaldensi. Hic
mihi non placet Rogerius Houedenus, uir alioqui
laudandus, qui scrinia Simeonis, suppresso eius no-
mine, strenuè compilauit, & aliena pro suis gloriæ
auidulus, supposuit. Sedes episcopalis Northabri-
norum, principio constituta est ab Osualdo rege
Christianissimo in quadam insula Lindissarna no-
mine, quæ ab ostijs Tuetis, ubi nunc Abreuitcū, urbs
bello clarissima, plus minus octo passuum millibus
distat, & æstu recedente pedibus aditur. Lindis flus
uiolus ex Glini ualle, si rectè memini, ortum habēs
huc properat per Hagredunum castellum, & sabu-
lo, absente æstu, supernatans, è regione insulæ, cui
nomen dat, Oceanum petit. Non hîc celabo studio
sum lectorem, me aliquando deprehendisse ex uete-
ri codice bibliothecæ Ventę Si menorum hanc in-
sulam à Britannis Inis Medecaute fuisse dictam, cu-
ius nominis, & Gildā testem citat, alterum, ut uide-
tur, ab illo, qui publicè circumfertur. Quin et Ponti-
cus Virunnus, qui epitomen Britannicæ historiæ
ex Gallofrido Monemutensi decerpfit, recitat uers-
iculos ex Gildę Cambreide, cui & Lilius Gyraldus
subscribit. Nostra ætas locum diuerso appellat uoca-
bulo, nempe sacram insulam, Anglicè Halig Bilan-
de, à reliquijs sanctissimorum uirorum ibi quiescen-
tium. Aidanus homo Scottus primus fuit huius lo-
ci antistes. Quis facile crederet quantum prædior-
um donatione Principum, huic sedi accreuerit.
Ingruentibus longo post tempore Danis piratis,
& oram pelagi orientalem immisericorditer deuas-
tan

stantibus, non potuit Sacra insula impias manus ef-
fugere. Spoliata igitur solitudinem patiebatur in-
gentem, de qua Flaccus Albinus, qui & Alcuinus,
Eboracensis, uir illis temporibus longè eruditissi-
mus, utpote præceptor Caroli magni, & academię
Parisiiorum instaurator, in libro epistolarum suarum
semel, atq; iterum, precipuè uerò ad Higebaldum
scribit. Hac clade coacti sacrae insulae ministri, unà
cum Eardulpho episcopo, sedem, que iam. 141. annis
inuiolata floruerat, tandem reliquere, Anno à Chri-
sto nato. 875. Tum uerò uel totum septennium cum
reliquis Cutheberti Lindissarnensis episcopi longè
sanctissimi in certis discurrebant sedibus: tandemq;
Cragum. Brigantum, ubi tunc temporis monasterio
lum erat, peruenerunt. Est uicus fama notissimus
septem passuum millibus distans à Monachopoli, a-
lias Nouo castello, et quinque à Dunolmo, cui no-
men à Cono fluuiio præterlabente, & mox in Verū
defluente, inditum est. Saxones hanc sua lingua uo-
cabant Conecestre, de qua clarissima mentio tum
apud Simeonem, tum etiam Houedenum scripto-
res rerum gestarū illustreis. At uulgus, detruncato
nunc uocabulo, uico Castri nomen imposuerunt.
Hunc locum Eardulphus sedem sibi, suisq; consti-
tuit. Ecce rursus ingruūt Dani, cum Conocastrens-
es interuallum quietis nacti, nihil minus expecta-
rent. Fit fuga altera, secumq; deferunt chara D.
Cutheberti pignora Ripodunum usque. Sed, pace
post quatuor menses reddita, Alduinus episcopus
cogitabat Conocastrum unà cum suis repetere.
Inter eundem oraculo admonitus corpus Cuthe-
G. berti

berti Dunolmum perduxit. Hic locus, et quidem opportunus est, originem Dunolmi altius repetere. Fieri: sed chronicon Dunolmense pro me loquetur, quod fidem lectori, potius quam eloquentiam promittit. Quanquam et utrunque: Dunelmum locum quidem natura munitum, sed non facile habitabile, inuenit Alduinus epūs. Nam dēfissima undiqꝫ sylua totum occupauerat. Tantum in medio planities erat non grandis, quam arando, & seminando excolere consueuerant: ubi episcopus Alduinus nō parua postea ecclesiam erexit, sicut in sequentibus patebit. Præfatus igitur antistes totius populi auxilio, & Vtredi Comitis Northabryni adiutorio, totā extirpans syluam succidit, ipsum locum breui habitabilem fecit. Denique à flu. Coqueda usque ad Teyssam uniuersa populi multitudo tam ad opus, quam ad construendam postea ecclesiam prompto animo accessit, et donec p̄ficeretur, deuota insistere non cessauit. Hæc Chronicon Dunolmense, & plura, quæ studio breuitatis omitto. Constituta hic sedes episcopalis, quæ etiamnum floret. Castellum quoqꝫ à Gulielmo notho Anglorū Rege Dunelmi positum, ut incursionum uim episcopus repelleret. Creuit templum, immensum quantū. Creuit & urbs, iamqꝫ Dunostallo floret episcopo uiro undecunque eruditissimo.

Durotriges gens nota, ut ex Ptolemeo liquet. Nomē autem non multum recedit à uernacula appellatione, qua uel hodie utuntur Angli: uidelicet Dorseteshire menne. O autē in prima dictionis syllaba mutatur purgatę auris iudicio; in V, ut mollius, & ap̄

& aptius sonet, id quod inuenio uetustissimorū ex-
 emplariū indicio in Dorouerno, & Dorobreuo, de
 quibus superius memini, factū. Doro uidetur quida-
 dam hiulcū, & penē stridulū personare. Sed omitto
 hæc leuia. Durotriges à Duro flu. non incelebri no-
 men acceperūt. Ipsa quoq; regio quā incolūt Duria
 dicta ab eodē flu. Afferius Meneuensis in suis anna-
 libus hæc refert: Et in pago, qui dicitur Britānicē
 Durngueir, Saxonice autem Dornseta. Hęc obiter.
 Nūc Duri flu. originē, & cursum breuiter explica-
 bo. Oritur Sturoduni ē sex fontibus boream uersus,
 quorū tres cōspicui sunt in roborario Sturodunēsi,
 septo uidelicet ferarū amœno. Reliqui tres ebullire
 uidentur, non admodum distantes à prioribus, ex-
 tra septum tamen. Hi fontes insignia nunc sunt no-
 bilis Sturoduni. Illud interim notandū, quòd Saxo-
 nes plerunque mutabant Dour Britānicū in Stour.
 Id quod tum in hoc fluuij nomīne, tū etiā in eo, qui
 Durouernū Cantiorū alluit factū: quo loco si à ple-
 berogaueris, quod fluuio nomē sit, Stour, nō Dour
 respondebunt. Durus à Sturoduno uico cursum de-
 cem passuū millibus accelerans, Regiū pontē pene-
 trat. Hinc, sesquimiliari superato, Sturodunū oppi-
 dū, cognomēto Monasterij insigne, aspicit. Inferius
 aliquāto Aqueuadēsem pontē, qui uulgo Eiford,
 alluit. Tum ptoerat Blācofordā, ubi emporiū. De
 inde & Windugladiā nobile oppidum, alias Tvvine
 burne attingens: hinc pontē Iulianū, hinc Alauni-
 cū insigne. 12. arcubus gurgite rapido cōcutit. Sex-
 to ulterius lapide, Iuerianū pōtē pforat. Postremo,
 confecto duorum milliariorū cursu, Interamnam, a-

Itas Fanum Christi, irrigat, ubi Auonæ flu. iunctus,
Oceanum suum petit.

E.

Ealphegus archiepiscopus Durouernensis nobilissima natus ex familia. Iuuenis uitam agebat monasticam Deirosyluæ, alias Deirhuste: quod cœnobium in ipso Sabrinae margine situm erat, non longe à Theoci curia, uulgò Theokesbyri. Deinde & Baduni, ac Vêtē Simenorū episcopi titulo iā insignis. Postremò Durouerni in archiepiscopū cōsecratus est. Ealphegi uitā scripsit Osbernus monachus Durouernensis, uir suo tempore eloquentia ualens incredibili. Ealphegi etiam meminit Gulielmus à Maildulphi curia in opere de uitis episcoporum. Houedenus refert Ealphegum in expugnatione Durouerni à Danis anno. D. 1011. captū fuisse, et paulò post, quia precium nō dederat, ab eisdem crudelissime trucidatum fuisse. Inter quos Trummus, unus reliquis crudelior, securicula mortiferum uulnus eius capiti infixit. Funus Londinum ad Fanum Pauli delatum est: deinde Durouernum.

Erchenualdus episcoporum Londinensium ab aduentu D. Augustini ad Saxones numero quartus, filius erat, ut ego didici à scriptore nō ignobili, Osfræ regis Ostroanglorum, qui nunc Volcæ. Etymon nominis, ut ego coniecturam facio, ab herinaceo, & sylua cōcreuit. Herinaceus Anglicè Erchin. ualde uerò syluam significat. Vvolde unā tantum mutata literula planities nemoris indiga est: unde & Volcæ, campus spatiosissimus Claudianæ prouinciæ, qui ouium caulis celeberrima, dicta est. De Erchenualdo

ualdo plura in Cerui insula scripsimus.

Ethelredus rex Anglię filius clarissimi Eadgari, & Ealfrithę. Hic in baptisinate fontem uętris pro fluuio fœdauit, teste Gul. à Maildulphi curia libro de uita Dūstani Cant. archiepiscopi secūdo. Vnde diuinabant multi futurum illum uecordem, sordidum, & parum rei pub. utilem. Nec uana fuit diuina tio. Eius etenim socordia regnum Anglorum nobilissimum in Dani potestatem peruenit: Quanquam Eadueardus eius filius illud, post imperium aliquot Danorum, recepit. Scripsere quidem multi de rebus ab Ethelredo male gestis. Nemo tamen eam partē tam fusē tractauit, quā Houedenus.

F.

Falensis portus, uulgò Falemuthe. Nomē sump sisse uidetur à Fala flu. Nam in eiusmodi uocabulis plerūque in lingua Saxonica, fluminis nomē præce dit, ut vveremouth, id est Veri ostia, Tynnemouth. Vvaymouth, Cokermouth. Ego tamen aliquando audiui quendam contendentem nomē loco ex mul tis ostijs fuisse inditum. Vtcunq; sit: constat secun dum hunc esse à primo totius Britannię portū. Cam bri lubenter primas partes suo Alaunico portui, qui nunc Miluerfordicus dicitur, tribuunt. Collustraui Falensem. Bone Deus quantum ibi fidissime statio nis, quantum recessum, quantum diuortiorū, quā tum cornuum. Rursus quā quieta, quā secuta sunt illic omnia. Non poterat facile luisse natura maiori in portu commoditate. Aditus in porrum ex pertis, & amicis facilis, inimicis planē difficillimus. Sic premunt gemina castella portus fauces, & ostia.

G.iii. Inter

Inter utrunque stat ingens, & alta rupes Cragus nomine, & ardua medijs in fluctibus minatur hosti. Si Cragus castellum uertice portaret, terrorē, & quidē magnū, in portus ostijs nauigantibus incuteret. At interim incautis infesta satis, dum cæcis rupibus naufragiū infert. Pennorinū frequens emporium in monte situm intra portū duobus, aut amplius ab ipsius ostijs passuū millibus, mercatoribus, & nautis lætum exhibet hospitium.

Fluctus amniculus est, oriturq; in campis ad boreā Londino urbi uicinis. Vnde nomē inditum domui, quæ custodia noxiorum, & plateæ uicinæ iuxta, ac portæ, quæ itur ad Fanū Pauli: Tantum abest, ut à Luddo rege, quē historia Britānica depredicat, porta nomē sūperit. Nō igitur Luddinā portā à Luddo, sed à Fluctu, siue fluento Fluctuensē, aut Fluctuantam appellabimus.

Fons Brigide, à Fano Brigidæ uicino nomē desūpsit. Loci, me puero, fama exigua fuit. Creuit primum hospitio Voluesij, qui in flagrantissima apud Principem gratia erat. Tum cœpit Henricus octauus Regū nitela, dirutis plebeię notę ædibus, magnificētissimē ibidem ædificare, ac Cæsarem noui palatii hospitio accipere.

G:

Germani gens bellicosa, & rerum cōmutatione uniuerso orbi nota. Societas mercatorū Germanicorū, quę modo ad Pantheō enitet, tēpore imperij Eadueardi Vindelesorani prima illustris notę incrementa tulit. Fama est Theutones, & Germanos cū gratos, tū utiles admodum fuisse Eadueardo, cum bello

bello Gallum hostem antiquū profligaret, et Iccium
portum ui caperet, Princeps memor beneficij tam
oportunè collati, uectigal, quod pendere solebant,
minuebat. Et deinde societatem immunitate qua-
dam, & libertate donauit, quam illi uel hodie re-
tinent.

Granta Britannicè Cairgrante. Saxonice Grante
cestre, & uocabulo recentiori Grantebrycge, cor-
ruptè autem mutata G. in C. & ablata R. litera Can-
tebrige, & rursus mutata N. in M. & sublata T. Cā-
brige. Nennius Britannicæ scriptor historiæ Gran-
tę meminit in catalogo urbium Brirannicarum. Idē
fecit Henricus Venantodunensis, alias Huntendus-
nensis, in suo de urbibus elencho: Vt interim omis-
tam Aluredi Fibrolegani non contemnendū in hac
parte testimonium. Bedas 17 capite 4 libri historiæ
Anglosaxonum: quo loco de Sexburga Etheldride
sorore, olim regina Cantiorum, at tunc Præsides An-
guillariani, siue Eligensis monasterij, loquitur, talia
cōmemorat: Iussitq; quosdā ē fratribus quærere las-
pidem, de quo locellum in hoc facere possent. Qui
ascensa naui, ipsa enim Elig regio undique aquis, ac
paludibus est circūdata, neque lapides maiores ha-
bet, uenerunt ad ciuitatulam quandam desolatam,
non procul inde sitam, quæ lingua Anglorū Gran-
tecester uocatur, et mox inuenerunt iuxta muros ci-
uitatis locellū de marmore albo pulcherrimè factū,
operculo quoque similis lapidis aptissimè testum.
Hactenus Bedas, Felix antiquæ scriptor memoriæ
in libro de uita D. Guthelaci Crulandensis anacho-
reta, quem Ealsfvaldo regi orientalium Anglorū.

à Recod

à Reodualdo octauo, ab Vffa decimo, consecrauit,
Grontę his uerbis mentionem facit: Est in mediter-
raneorum Anglorum Britannię partibus immense
magnitudinis palus, quę à Grontę fluminis ripis in-
cipiens, haud procul à castello, quod dicunt nomi-
ne Grontę, nunc carectis, interdum nigris fuscis uas-
poris laticibus, nec non insularum nemoribus inter-
uenientibus, & flexuosis riparum anfractibus, ab au-
stro in aquilonem mari tenus longissimo tractu pro-
tenditur. Hęc Felix. Abbo Floriacensis in uita E-
admundi martyris non dissimilia in descriptione re-
gionis Giruorum narrat. Gulielmus Rameseganus
monachus Crulandensis, poëta tam barbaro sæculo
clarus, de Gronta sic scribit in uita D. Guthelaci.
Est apud Angligenas à Granta flumine longo
Orbe per anfractus stagnosos, & fluuialeis
Circumfusa palus, orientalisq; propinqua
Littoribus pelagi: sese distendit ab austro
In longum uersus aquilonem, gurgite tetro
Morbosos pisces uegetans, & arundine densa
Verborum strepitus, quasi quędam uerba, susurrās,
Ex his facile liquet nomen accepisse Grantanā ur-
bem à Granta flumine: Cuius si quis originē, & curs-
sum cognoscere cupit, quę sequuntur attentē per-
legat. Fontes habet è lacu Neoportuensi, qui Neos-
portui oppidulo Ostrosaxonum, junde nomen ac-
cepit, adiacet. Confecto inde duorum milliariū curs-
su, relicta longiusculē ad dexterā Vallidena empor-
rio celebri, uiculū, & cœnobiū eiusdē nominis, olim
sepulchrū Magnouillanorum, & Bohunorum Co-
mitum Ostrosaxonum, præterlabitur. Hinc ad quar-
tum.

tum lapidem, Hichelendunum, nuper uirginibus sacrum, alluit. Tum uerò, confecto aliquot milliū passuum defluxu, Baberensem dextrorsum in se recipit amnem, ac non longo post interuallo sinistrorsum Barendunensem. Mox uicinus antiquæ Græte, Burnam fluuiolum descendente à ruinis castri sui nominis, olim sedis Picotiorum Vicariorum Grantaniæ Comitum, & Piperellorum, ulnis suis amplectitur. Ab antiqua Granta, iam uilla rustica, ad Grantanum pontem, oppidum nundinarum frequentia, & academiæ celebritate cognitissimum, pergit. Postremò Castrodunū uillam famā clarā alluit gurgite nauiculifero, ac mox recepto Duro, alias Sturo amniculo, ad cuius pontem nundinæ totius Britanniæ celeberrimæ, Isidem quindecim passuum millibus, ut sunt aquarum meandri, distantem petit. Per cognito iam Grantæ fluminis cursu, non erit erudito iniucundum lectori cognoscere etiam, quæ fata ueteris, & incrementa nouæ Grantæ fuerint: utque academia, quæ ibi longè florentissima est, exordiū sumpserit. Subseruiam igitur, sed compendio, studiosorum uotis. Granta antiqua quidem illa concussa bellis Saxonis, & ciuibus uel fugatis, uel interfectis indies magis, magisque ad ruinam inclinabat: id quod uel ex decimo-septimo cap. libri quarti historiæ Bedæ apparet, nam desolatam suo fuisse tempore scribit. Noua autem quæ nunc Grantanus pons dicitur Saxones conditores habuit. At cuius hoc factū regis imperio ex historia, quod ego sciam, nulla liquidò cōstat. Constat autē Sigebertum regē orientalium Anglorum, cuius ditionis et tunc Granta fuit

ta fuit, ac Felicem Burgundionem, episcopum Du
nouicanum nouæ urbi fauisse. Consensus etiã scrip
torum illis attribuit gloriã gymnasij ibidẽ, auspice
Christo, instituti. Nam antea cautum fuerat Grego
riano edicto, ne Angli gymnasia celebrarẽt propter
Arrianam, & Pelagianam heresim; ac quosdam Bri
tannorum errores. Habebant tamen in monasterijs
celebrioribus scholas. Theodorus, & Adrianus do
cebant Durouerni Cantiorum. Maildolphus Bla
duni, quod oppidum nunc Maildulphi curia, Angli
Maildulfesbyri, & ibidẽ Aldelmus, uir regij gene
ris, prelegebãt. Bosillus, Ostophorus, ac alij in Sinu
phario studiũ bonarũ promouebãt artiũ. Flaccus Al
binus, qui & Alcuinus, Isurouici bonas profiteba
tur literas. Acca idem prestitit Hagustalduni. Be
da uerò Girouici, & in Vedræ flu., ostijs, ut alios o
mittam multos. Beda. 15. cap. 2. libri Anglo-saxonica
historiæ Sigebertum Regem ab eruditione ita col
laudat: Sigebert uir per omnia Christianissimus, ac
doctissimus, qui, uiuente ad huc fratre, cum exula
ret in Gallia, fidei sacramentis imbutus est. Idem e
tiam. 17. cap. tertij libri eiusdem historiæ hæc refert:
Mox ea, quæ in Gallijs bene disposita uidit, imitari
cupiens, instituit scholam, in qua pueri erudirentur,
iuuante episcopo Felice, quem de Cantia acceper
at, eisdẽ pedagogos, ac magistros iuxta morem Ca
tuariorum prebente. Ex hoc Bedæ loco colligunt
scriptores, Grantanam academiam originem Sige
berti, cuius nos uitam scripsimus, & Felicis pietate
sumpsisse. Illud planè constat, Grantaniam uniuersa
sam fuisse ditionis regum orientalium Anglorum.
Exat Grantæ Giruorum in archiuis historiola in
ceru

certi autoris, & fidei longè incertioris. Hinc apparet Gurguntium, nescio quem, regem Britannorum dedisse Cantebro Hispano, qui Athenis studuerat, orientalem Britannię partem, eumq̃ postea urbem super Cante flu. construxisse, ac academiā ibidem instituisse, quę a Grantano Comite eius filio nomē sumpsit. Addocet hæc eadē Anaximandrū, & Anaxagorā Gręcos, Grantā uenisse studiorū gratia. Censum sunt ibi præterea eiusdem farinę fabulę. Profecto nihil legi unquam uanius, sed neq̃ stultius, aut stupidius. Missas ergo facio has antiquitatis delicias. Vt nihil unquam certius de originę Grantanę scholę legerim, quā quod ex Beda, & alijs de Sigeberto rege colligunt: Ita crediderim ab eius prima institutione incrementa cœpisse. Quapropter cū annis ab hinc septem Grantam studiorum meorū parentem reuississem non ingratus alūnus, hoc epigrāmate urbem antiquitati, & glorię suę restitui.

Olim Grantā fuit titulis urbs inclyta multis,

Vicino á fluuij nomine nomen habens.

Saxones hanc belli deturbauēre procellis.

Sed noua pro ueteri non procul inde sita est,

Quam Felix monachus Sigberti iussa secutus

Artibus illustrē reddidit, atque scholis.

Hæc ego perquirens, gentis monumenta Britanę

Asserui in laudem Grantā diserta tuam.

Dani, ut ex Mariano, & Houedeno liquet, ducibus Gothruno, Oscētino, & Anuēdio, Grantam, cū iam in hybernis ibi fuissent, deuastabant, anno quarto imperij Ealfridi regis Visisaxonum. Cladem at recuperauit illam. Ortū est ciuile bellum, & Henricus tertius rex Anglię Anguillariā insulam obsessurus,

H. ii.

quam

quam Henricus Hastengius unâ cum suis ui, ut refert Thomas Vicanus, occupauerat. Grantam cum exercitu uenit, ut chronica testatur Barnouellenfia Fit insultus. Insulani Henricianos repellunt. Rex ipse interea muniebat Grantâ fossâ, & portis: & muro iam tum, si per tempus licuisset, cinxisset. Gilbertus Claranus, absente Rege, Londinû occupat. Tû, relicta Grantâ, nouus rex prospexit calamitati. Insulani hoc percognito Grantâ ueniunt, quam miserè spoliatam incendunt. Quo etiam tempore diplomata antiquissima academię conflagrabant. Quin Græte gloriam accuratius, in opusculo, quod de academijs Britannicis sum propediem æditurus, collaudabo.

Greua, uulgò Greuesende, Latine Prætorius limes. Greue etenim Saxonice prætorem significat. Vnde Portegreue, Præfectus portus. Burgegreue prætor, uel præfectus oppidi.

Gulielmus Giffardus epus Ventæ Simenorum, qui nunc Auonij, palatiû, ut ego accepi, in ripa Tamesis meridiana condidit, ac Canonicis Marianis uicinis suis patronus impendiò bonus fauebat. Hic Thonoduni Murotrigum, alias Taunton, Canoniorum collegium instituit. Denique cum insignis pietatis officium societati, quæ Guauerlegæ coaluerat, præstitisset, obiit, & ibidem sepultus est.

Guinesia, quæ multis annis Comitibus titulo floruit, prouincię Morinorû pars nō minima, Anglû, ab imperio Eadueardi tertij, Dñm agnouit. Vnde autem nomen traxerit, quauis certò adfirmare non audeâ, adducor tamen cōiectura, uocabulum Guidonis insulam

sulam Latine sonare. Moenia urbis ante multos annos diruta, sed castrum in usus bellicos integrum permansit: cuius & Henricus octauus robur mirifice nuper auxit, & oppidum uallo, fossa& munivit.

Gunteri filius, Anglice Gunterfunne, contracte Gunfunne. Iuuenis cum Turcicis piratis pugnavit, & uicit. Aetate maturus cum Gallis naumachia commisit, & spolijs potitus, trophaea in nauium coronis victor posuit.

H.

Henlega, Henelege, alias Henley, oppidum, & forum celebre Mercatorum. Nomen Latine uersum, antiquus locus est. Ferunt olim pontem arcuati operis eo fuisse loco, ubi nunc ligneus, cuius fundamenta, decrescete fluminis gurgite, in aestate etiamnum uidentur. Henlega Molendinarios patronos, et dominos olim agnouit: deinde & Hungrefordos: nostra autem memoria Hastegios Comites Venatodunenses.

Hullus flu. uulgo Hulle. Aestum Humbri res fluentis uiolentia patitur. Ex tribus oritur fontibus, quorum qui maximus non longe a Drifelda, pago sexdecim millibus passuum a Regioduno distante, exbullit. Est equidem parua Drifelda ueteri clara monumento Balfridi literatissimi regis Northabrinorum egregie a Beda laudati. Secundus Ostroburnae oritur. Tertius Emmesuelae erumpit. Coeunt autem tria brachia ad Drifeldam, & uno alueo feruntur. Tunc Hullus prata Fibrolegae uicina irrigat. Fibrolegani fluminis commoditatem sentientes, olim, facta fossa, partim ad se deduxerunt. Vnde nauculas Regiodunum iam ducunt, & reducunt. Hullus a praedicto loco

festinatione quadam Regiodunum petit, & paulo
inferius in Abrinū æstū præceptus deuoluitur. Hic
ad coronidem aliquid subiiciam. Historia Britanni-
ca, quæ uulgò circumfertur, Humbri fluminis memi-
nit. Et fama ex historia nata docet nomen flu. indi-
tum à nescio quo Humbro rege, de quo uates qui-
dam hos uersiculos scripsit.

Dum fugit, obstat ei flumen, submergitur illic,

Deq̃ suo tribuit nomine nomen aquæ.

Beda etiam, & chorus omnis Saxonorum scrip-
torum Humbri nomen familiare habet. Sed ubi in-
terim oritur Humber? Constat Humbrum eum esse
æstū, quò Isurus flu. cuius nomen ex Iside, & Vro
coalescit, pleno delabitur alueo: quò etiam Dunus,
& Terentus confluunt. Humbri planè fictitium no-
men est. Sed nec flumen aliquod in ea regione hu-
iusmodi nominis, ut neq̃ alibi, quod ego sciam in
Britannia. Est tamen in postrema syllaba corrupti
nominis, uidelicet ber, quod coniecturā non faciat
leuem, Aber Britannicum in Humber degenerasse.
Ptolomæus ubi recenset nomina fluuiorum Britan-
niæ, qui se in mare orientale exonerant, Abi flu. me-
minit. Crediderim certè Abri, non Abi, in antiquis
Ptolomæi exemplaribus scriptum: quanquam faci-
lis ille quidē lapsus homini extero, & Græco perez-
grinæ linguę prorsus ignaro, Saxones fluminū ostia
uulgari hoc uocabulo scilicet Muthe, quod Latine
os significat, denotabāt. Eskemouth. Teignemuth.
Derentemuth manifesto sunt exemplo. Britāni etiā
ostia fluminum proprio designabāt nomine: in hoc
tamen à cōpositione Saxonū lege quadā sua discre-
pantes

pantes, quòd ostiorum appellationem fluuiorum nominibus præponant. Hoc abundè liquet in Aberdaron, in aber Auon, in aber Tiue, atq; id genus alijs multis. Est autem id propriè Aber Britannis, quod Muthe Saxonibus, quod ostia numero multitudinis Latinis, quod $\sigma\tau\acute{o}\mu\alpha$ denique Græcis. Cogor igitur, iudicio quodam, ulnis complecti medijs Aber Britannicū rectè cognitum, receptumq; alibi, & Humberū perpetuò repudiare. Excutiāt rē exquisitè eruditi, & tandem dubio procul intellexerint Aber genuinum ostijs fluuiorum nomen, in Humber degenerasse. Hoc idē etiam, ut ingenuè id dicam, quod sentio, factum puto in Sabrina flumine, cui credula Cambricorum scriptorum simplicitas ab Habrina puella ibidem demersa nomen indidit, ut ex his liquet uersibus.

In fluuium præcipitatur Abren.

Nomen Abren fluuii de uirgine, nomē eisdem

Nominē corrupto deinde Sabrina datur.

Ego neminē hīc cogo ut meq; subscribat sententiæ.

Hoc interim, uotis multis à cādidis expetiuerim, ut,

reptis frugibus, nō āplius glādiū amore teneātur

Hundesdena, uulgò Hunfden, eades inter Catyeu

chlanos, qui nunc Hertofordenses, splendidissimæ.

Est autem nomen à lingua deriuatum Saxonica.

Hunde, Latine uenaticus canis. Dene, uallis. Locus

erat ditionis, si satis memini, Bohunorū, & Berneris

orum: deinde etiam & Hauuertorum. Turre in ipso

edīum aditu sanè spectabilis. Thomas. Hauuertus

dux Icenorum eius altitudinem suspectam habens,

ne ruinam pateretur fastigiorum grauissima pon-

dera

dera detraxit. Turris uerò humilior facta etiamnū decus suum retinet. Postremò Henricus octauus Rex Angl, unicum huius sæculi in architectura lumen, facta cum Iceno permutatione, ueterē structuram expoliuit, & nouam, opus undecunq; conspicuum, addidit.

Hursta à sylua nomen accepit, nec aliunde se stat, quàm à minaci castello. Ante autē quàm illud caput extulisset, impunè ueniebant piratæ in portū Auonensem, & sinus in eo omneis impunè excutiebant. Peruentum est paucis hinc annis ab hoste uel ad ipsa urbis Auonduni, si dijs placet, mœnia. Is nauem ex controuersia onerariam magnam quidem, & preciosis mercibus refertam, abduxit, inuitis ciuibus.

Non tulit hanc labem magni mens Principis alta.

Quin Hurstam statuit uindictis ipse loco. Hic, quoniam in Auonduni mentionē incidimus, lubet candidum lectorem erroris admonere, qui frequentiusculè occurrit in quorundā historijs, qui res gestas Britanniae scripserunt. Confirmant enim, at nimum temerè, portum, qui Auondunū prospicit, Hammonis olim uocatum fuisse nomine. Tum prætereà, ne desit errori ueri species aliqua, ducem nescio quem Hammonem somniāt eo loco pugnauisse, portuiq; appellationem dedisse. Portum Hammonis hīc prorsus repudio, at Auonis facile admitto: admissurus etiam, ut portus Ammonis aptè significet Sabulouicum, uulgò Sandevviche.

Hurstelega Saxonice Hurstelege, uulgò Hurley. Recentiores uerterunt lege, quod locum Latine significat

significat, in le, & ley; Sonat autem Hurstelege Læ-
tinè syluestrem locum. Erat ditionis Visimonaste-
riensis, unde ueniebant monachi, tanquam ad colo-
niam, atque hoc quidem factum ab aduentu Nor-
tomannorum, Nam ante Hurstelegæ leue nomen
erat.

Hunfridus filius Henrici Quarti, frater Henrici
Quinti, patruus Henrici Sexti regum Angliæ, Dux
Claudiæ, Comes Penbroci, et Cubicularius præte-
ræ Angliæ supremus, excoluit tum iuuenis, tum
etiā senex uirtutem, ut qui maximè. Hinc clarus do-
mi, militiæq̃, et bonis omnibus gratissimus. Amauit
præter cætera politas literas, quibus etiā impediō
inuigilauit. Vidi ego libellum de rebus astronomi-
cis ab eo non infeliciter scriptum. Comparauerat e-
tiam sibi ingentem planè ueterum librorum thesau-
rum. Mécœnas ille quidem doctorū omnium, quos
illis temporibus, uel Angliā, uel Galliā, uel Italiā
protulit. Testes sunt libri, quos Ioannes Frumentas-
rius abba Fani Albani, & Capgreuus Augustinias-
nus, ut alios Anglos omitam, ei dedicauerunt. Tes-
tes præterea exemplaria antiquissima quidem illa
numero. 129, quæ academiæ ad Isidis uadum sitæ,
inchoata ibidem longè pulcherrimi operis biblio-
theca, liberaliter contulit. Id partim præstitit bene-
ficio bibliothecæ Albanæ, partim amicorum opera
libros ad eum ex Galliā, & Italiā vsque missitantū.
De baltheo aureo, gemmis exornato, quod acade-
miæ dedit, non uacat in præsentia pluribus agere.
Fauēbat Aretino Italo, idq̃ impensè, illius cum es-
loquentiam, tum iudiciū acerrimū meritō magis

I. 104. ni

ni faciens. Quo nomine per epistolas pollicitus est Aretinus se consecraturum illi libros Ethicorū Aristotelis philosophorum Principis, quos tum Latine nos fecerat: id quod, quādoquidē promiserat, re cādidē, pręstitit. Postea captus spe maioris prędę emit rēdos curauit Pont. Ro. nomine. Petrus Cādidus, uir nescio eloquētia, an eruditione superior, non tulit Claudiano illustri uiro fucum ab Aretino hōmuncione factum esse. Arrepto igitur calamo Aretinum non solum ingratitude, uerum etiam perfidię quoque arguit. Et ne Hunfridus de literatis tam benē meritis inglorius esse uideretur, transtulit in Latium Politicę Platonice liberos, ac, addita lusculenta pręfatione, opus undecunque tersum, elegans, splendidum Hunfrido suo dedicauit. Plura de hoc tam claro Duce dicemus libro tertio de uiris illustribus. Hoc enim opus magna diligentia, cura, & labore congeessimus, atque ad eō iam in tomos quatuor digessimus, ne Britannicę nostrę, fama tot eruditorum, & elegantium scriptorum deperiret. Quotus enim quisque est hac nostra ætate, uel inter eruditos, qui rectē norit quos literarum flores Britannicę hortus protulerit. Certē ut ingratitude notam multi in hac parte eluant, nunquam profectō desidię maculam abstergent. Hunfridus Curie Eadmundi in publico cōuentu, 25. anno regni Henrici sexti miserrime interfectus erat eo loco, quo Xenodochium Seruatori sacrum est. Polus Dux Sudouolcarum, homo inuidiosissimus, atq; idem sordidissimus, carnificis parte agebat. Is autem adhebat lateri Henrici Sexti regis pī, at non perinde rerum humanarum experientis, & Gallo fauens, a quo for
sitan

litam pecunia corruptus erat, ita cum Principe egit,
ut impetraret ab eo Andegaulam Gallo restituendā
permutationis nomine, tanquā χρῶσεα ἀντὶ χαλκείδων
Et quo minus hæc permutatio procederet, solus
Hunfridus obstitit, miseratus tum simplicitatem ne
potis, tum pub. cōmodum, Sudouolcus hoc uidens
fretusq; nobilitate, popularibus suis, & fide seruo-
rum, erat enim in umbilico ditionis suæ, insidijs cru-
orem innocentis, patrię hostis, fundendum curauit:
Legi aliquando Hunfridum cōficto crimine maies-
tatis imminutæ apprehensum fuisse à Bellomonta-
no Comite Vicario, ac Equitum Angl. Præfecto, cō-
iuncto Duce Boccano iniquo facti teste, Hinc fama
refert eū mœrore perijisse, in Xenodochio Seruatori
sacro, Refert hæc eadem suffocatū fuisse eum ui cul-
citram plumeam inuoluentium. Ab eo tempore sen-
sim decreuit Anglorum felicitas. Deus ipse tanti
sceleris tandē ultor erat. Pessima interiit pessimus
Polus morte, detrūcato in littore Dorensi capite.
Poligenus omne concidit. Hūfridi fama, eruditio,
fides, gloria etiam florent, perpetuoq; floreant.

Hydrópolis, uulgò Dorcestre, urbs ad Tamam
flu. sita. olim quidem Romanis nota, ut liquidò, non
modo ex monumentis terra erutis, uerum etiam ex
numismatibus, apparet. Hic si quis me roget cur ur-
bi Græcum nomen attribuam, huic ego respōdebo
non potuisse nomen aut aptius, aut significantius,
facile inueniri, quod decorū uocabuli ad plenū ex-
plicaret. Hydor Græcum bellè exprimit illud con-
tractum Dor Britannicum. Cestre siue Castre à La-
tina descendit origine. Attamē Saxones nō hoc uo-
cabulū locis tātū castris munitis, uerū etiā et ciuita-
tibus

tibus: quanquam alterum hoc minus proprium attri-
buebant. Certè, quantum ego ex idiomate Britanno-
rū deprehendo, non habēt uocabulum, quo significa-
canter urbem appellēt. Aliqui dicunt Dinas ciuitas-
tem significare. at rationem nominis nullam rede-
dunt. Alij dicunt Cair urbem esse, cum sit interim et
castrorum, et locorum omnium saxorum robore. cir-
cumseptorum communis appellatio, descēdens, ut
ego arbitror, ab Hebræo fonte. Alcaire urbs fama
apud Egyptios notissima est. Saxones dicunt se
habere suum Stede, siue State. At ego hoc nomen
locis frequenter non admodum celebribus inditum
scio, ut in Polstede. Nevvstede. Hamstede: at ciuita-
tibus nostris uel rarò, uel nunquam. Πόλις Græcum
est, idem refert, quod ciuitas, Nihil igitur periculi si
Græca Græcis cohereant: Certè rectius hoc quàm
Latina Græcis miscere, id quod manifestè in Dorce-
ster apparet. Birinus, de quo superius scripsimus, li-
beralitate Cunegilsi regis Visisaxonum Dorchester
tunc opibus, & iustis spatijs ciuitatem florentem in
sedem episcopalem accepit.

Longo post tempore, regnante Gulielmo Magno,
Remigius episcopus sedem Lindum transtulit.
Alexander uerò Lindianus uidens Durocastri deso-
lata esse omnia, collegium Canonorum Augusti-
nianorum ibi instituit.

I.

Iberigens fama celeberrima, sic dicti ab Ibero
flu. qui apud Cantabros oritur: unde & Iberia, quæ
nunc Hispania. Ex Iberis ingens turba commigra-
uit in insulam quandā occidentis, cui nomen postea
dedit

dedit. Nostra etas non Iberiam uocat, sed Hiberniam uocabulo aliquanto recentiori. Poëte mentionē faciunt & Iuvernæ, & Iernæ, quæ uerba, ut ego interpretor, Hiberniam, de qua nunc tracto, denotāt. Syluester Giraldus, uir suo sæculo inter literatos nō parui precij, scripsit topographiam totius Hiberniæ, quam, comes Ioannis, postea regis Angliæ, & uidit, & peragrauit. Ille quidem distinctionē operis tertia docet Heberum, nisi corruptē scriptum sit pro Hiberno, & Hermionem fratres insulæ imperium inter se diuississe. Addit præterea borealem partem celsisse Hebero, australem uerò Hermioni;

Itius portus, alias Iccius, & Icius de quo Cæsar in commentarijs, nunc Calice. De portu ut non dubito, ita facile non possum adduci ut credā hunc esse locū, quem Latini autores Gessoriacum appellant. Beatus Rhenanus liquidò probat ex antiquissima charta militari Gessoriacum eam esse urbem, quæ nunc Bononia dicitur. Vnde breuissimus est in Britanniam traiectus: Id quod periti rei nauticæ adfirmant. Quanquam nuper accepi à Dori ad portum Icium breuissimum esse transitum, quod tamen nō temerè adfirmo. Legi aliquando Anglum quēdam tempore Henrici secundi delatum in Itium portū locum curiosē collustrasse, recedentemq; dixisse, futurum aliquando, ut illinc flagellum enasceretur, quod uel perpetuū Gallos urgeret. Paulus Aemilius unicum eloquentiæ Romanæ nostro sæculo decus, cuius floribus, quantum ad res Gallicas pertinet, Polydorus historiam adornauit suā, scribit septimo historiæ Gallicæ libro Philippum Bononiæ Comitem

mitem Itum muniuisse. Eadueardus à Gulielmo Magno eius appellationis tertius longa obsidione urbem expugnauit, expugnatā auxit, auctam de integro muniuit, & munitum conseruauit. At Henricus Octauus unus instar multorum tantum munitio- nis, tantum splendidæ structure, tantum apparatus militaris urbi contulit, ut gloriam Regum omniū, qui illic dominati sunt, superauerit, & multis quidē nominibus.

Isca flu. uulgò Eske. Oritur in Scotia, delabiturq; in æstum Soluathianū, alias Sulvvath. Vadū, ad quod nuper pugnatū est inter Anglos & Scottos, Sandis- sica appellatur. Perpetuò meminerint Scotti sangui- nis sui eo loco effusi, & turbę nobiliū uirorū capte.

Isis flu. Britannicè Ise. Saxonice Ouse. Tres sunt in mediterranea Anglię parte huius appellationis celeberrimi flu. quorū qui primus Isidis uadū, uul- gò Oxforde, sed corruptè pro Ouseforde. Alter ue- rò Boccinum nobile oppidum, alias Bukkenham, cui nomē à damis masculis inditum, alluit. Tertius coniugio Vri nobilis Isurouicū, quod & Eboracum alluit. Sunt & alij in Britannia fluuioli eiusdem no- minis, quos breuitatis studio in præsentia omitto, cō- tentus tantū prædictorum originē cōpendio quodā repetere. Isis fluuiorū rex oritur in Cotesuoldia spa- ciosa admodum Claudiang gentis planitiæ plus mi- nus mille passibus ab oppidulo, cui nomen Tetocu- ria, alias Tetbyri nec longius à Fossana uia, ut inter alios multos testatur Maildunēsis quidā monachus, qui Eulogiū historiarū scripsit. Scio aliter sētire, et scribere Polydorū uirū multis nominib; clarissimū,
Nam

Nam originē flu. attribuit parti limitaneæ, quā Cō-
tesuoldia Vincelocomū penē attingit. At nihil mi-
nus, quā nominis loci meminit. Noui Pennocum
agrum Hailesianæ ditionis, amniculiq; fontem ui-
cinum. Sed ortus Ifidis eo planē non est loco. Gau-
debant Hailesienses suum agrum nobilem Ifidis ori-
gine reddere. Ego quidē ingentē numerū scriptorū
tractatiū res Britānicas diligenter excussi. Inuentus
tandē un⁹, aut alter obscure not⁹ scriptor, qui Poly-
doro in hac parte subscriberet. Vtinā Polydorus tā
oculatus fuisset testis in rebus Britannicis, quam in-
terim est tersus, nitidus, elegans. Næ ille tū exegis-
set opus immortalitate planē dignissimū: modo &
eadem opera cognitionem utriusque lingūe, uide-
licet Britannicæ, & Saxonice tanquam ad coronidē
adiiecisset. At ille interim laudandus plurimum, qui
domi sedens, & numeroso ueterum autorum de re-
bus in Britannia gestis scribentium præsidio desti-
tutus, præstitit in tanta angustia, quanta potuit aliis
quisquam maxima. Hęc ego de Polydoro modeste
fatis, ut arbitror, & candidē retuli, quem interim as-
pertē de me malē loqui, et sentire certō scio, id quod
suscp, deq; fero. Nec enim quicquam est cur Ita-
lum censorem antiquitatis, glorię, maiestatis Britan-
nicę iniquissimum metuam. Dies tandem lumē te-
nebris afferet, & ueritas erecta suo prænitebit fasti-
gio, etiam si Vrbinas, uel ad rauim usque reclami-
tet. Sed ad Ifidis cursum redeo. Hic flu. paucis à
fontibus progressus miliaribus Coui Berchelegani
annem in se recipit. Sic auctus cursum continuat,
ac Corinum fluuiolum antiqua fama clarum, à quo
Coris

à quo Corinſū urbs Dobunorū prima, alias Churne-
ceſter, corruptè Cirenceſter, corruptius Cicestre, di-
cta eſt. Tum pleno petit alueo Crecoladam, non in-
ſignem olim, ut uulguſ indoctum ſomniat, Græca-
nicis ſcholis. Inferius paulò allambit Aquedunum,
uulgò Aeton, caſtellum nobiliſſimi Stipiticij, alias
Zouche, Deinde etiam & Lechenladam, ac conti-
nuo Ioannitium pōtem, locum inter prata humilem,
& aquarum copia preſſam interſecat. Hinc Rode-
cotanum pontem, auicularum nidum notiſſimum,
penetrat, Nouūq; pontem, ac Inſulam, alias Egne-
ſham, & Eineſham, ab Ealmero Coriniorum Princi-
pe olim illuſtratam. Poſtremò diuortium patitur, ac
in cornua diuiſus, hac Botelegam, et Hincheſegā,
traiectu celebres, petit; illac Deilocum, alias Gode-
ſtovv, ruruſ in brachia fractuſ, quē paulò inferius,
facta inſula, coeunt, ambit, & ſui nominis inſulas, ac
urbem literarum cognitione ſuper ethera notam in-
uiſit. Credas data opera ſic in inſulis luſiſſe Iſidem,
ut loci cum amœnitate, tum celebritate urbiſ cap-
tuſ, curſuſ, alioqui rapiduſ, ſpectandi gratia, remo-
raretur, Confluxuſ autem brachiorum cernitur loco
paluſtri non longè admodum ab Iſidis uado diſſito.
Quod reliquuſ eſt deſluxuſ, Cygnuſ me tacente
Iſiacuſ quærentibuſ, ut eſt totuſ candiduſ, ac facilis,
abundè ac lucidè oſtendit.

Nunc alteriuſ Iſidiſ decuruſuſ breui oratione
perſtringā. Oritur prope Stenum ubi olim uilla Mu-
rolegi, deinde Braij, & Sannei, ac deſluit Brachilegā,
quondam nobile Auonię mediterraneę oppiduſ,
quod Latine Filicetuſ ſonat. Hinc præpete lapſu
Boccinuſ

Boccinum, uulgo Buckenham, unde & regio uici-
na Boccinia, peruenit. Nec contentus nomen alicu-
ius fluminis coniugio mutare, Stratofordam Steni-
cam, Neoportum Paganellicum, ac Budefordam
antiquum fama emporium petit, ac omnem citus
prouinciã ab eo dictam penetrat, quousque peruen-
tum sit ad Ernulphi curiam, alias Einesbyri, forum
non infrequens, quod nunc Fanum Neoti appella-
tur, situm uerò in ipso limine Venantoduniæ, alias
Huntēduneshire. Deindē iam profundus, & uagus
Gumicastrum antiqua nobile fama, & monumentis
insigne Romanorum, Venantodunum etiam, à qua
urbe, latē circūiacens regio, nomen accepit, ac Sles-
pam, quæ et Fanum Iuonis Persæ, allābit: hinc dex-
trum latus Anguillarianæ insule, alias Elig, auctus
Granta flumine: hinc sinistrum Auona tumidus res-
cepto implicat. Tum uerò in cornua diuiditur Fen-
nicolas perlustrans. Denique cornibus fere omnia
bus ad unum rursus alueum recurrentibus. Linum
celebre emporium mercatorum terra, mariq; adue-
nientium perpetuo beat officio, ac tandem Oceano
se committit.

Restat tertij Isidis cursus ab ipsis fontibus ad o-
stia deducendus. Quare opere præcium erit primum
Vri flu. sinuosos meandros describere, ut postea
nomine, & alueo iuncti, uterque suis eniteat colori-
bus. Vrius extrema parte Richomontaniæ prouinci-
olę Brigantum Occidentem uersus oritur. Nomen
autem loco, ut quidam prædicant Muscomaria, ut
autem alij uolunt Coterinus mons, quorum opinio-
ni ego quoq; accedo. Defluit per ignobileis pontes
K. Bainū

Bainum, & Aiscaranum, ac aliquanto inferius Ven-
tolacensem pontē arcubus insignem alluit, deuiusq;
statim Mediolamum olim castellum Radulphi filij
Ranulphi relinquens, Vriuallem locum sui nomi-
nis uicinum petit, pontemq; Childegramensem.
Hinc per Massamensem pontem, Tanfeldam olim
Marmioniorum castellum, & Nortobrigum impe-
tu quodam delabitur, Ripodunum in Schelli ripa si-
tum rauco salutans murmure. Tum uerò Vicanum
pontem paulo inferius situm penetrat, ac Isuriū, pre-
lato Isidis nomine, uenit. Ptolemeus ubi de Brigant-
um urbibus loquitur, inter alias Isurij meminit. An-
toninus etiam Isuriam Brigantum celebrat in Itine-
rario suo. Cōcidit autē eo tempore, quo Danica uis
totam ferē Angliam ferro, & flamma deuastabat.
Nunc seges est, & uilla rustica ubi Isurium fuit. Ru-
dera murorum, & numismata Romanorum hīc fre-
quentiusculē ab aratris eruuntur. Nomen loco nūc
Aldeburge, quod uetus oppidum significat. Pons
Burgēsis ad Tudeladum amnem celebris cōflictus,
quo, teste Gulielmo Pachenduno illustri scriptore,
captus est Thomas Comes Mediolanensis, ab Al-
deburgo non longē distat. In campis huic admodū
uicinis extāt quatuor Pyramides ex solido saxo, Ro-
manorū, ut quidam indicant, trophæa. Stant autē ad
leuam uie Vetelingianæ, siue ut alibi lego Eathelin-
gianæ, ut nomen à nobilitate sumat, uersus occiden-
tem, quā itur à Burgensi ponte Luguballiam. Hīc
unum est, quod me implicat arcto nodo. Nā sunt ex
indigenis qui prorsus adfirmant Isidem, aliquāto in
ferius Burgensi ponte, Vrum in se recipere, quod
mihi

mihi quidem nō fit uerisimile, cū antiquitus Isuriū,
 ut manifestè ex uocabulo colligere licet, utriusque
 fluminis nomen præferat. Minora uerò flumina ma-
 iorū nomina subinde cōcipere, nō tā in Isuro, quā
 in Tamesi liquet. At à defluxu flu, per Burgensem
 pontem longissimo iam tempore Vri nomen, dum
 plebs breuitati studet, omninò sublatū periit, & Isis
 prima dictionis compositæ pars integra mansit: ita
 tamen ut pro Ise, uulgò Ouse appelletur. At si quis
 penitius excusserit etymon huius nominis Yores-
 vvike, quod contractè Yorke, intelliget quidem il-
 lud nomen ab Isurevvik, retēta prima litera, abiecta
 uerò secunda, & tertia in o mutata, sumpsisse. Neq̃
 ego tamen interim Eboracum tollo, cuius iam fres-
 quens apud ueteres mentio. Suo per me quisque u-
 tatur iudicio, ita ut & mihi meum relinquant libe-
 rum. Vnum hoc constat Græcos, & Latinos pere-
 grinꝝ linguæ uoces, dum suæ linguæ decoro, & cō-
 positioni student, prodigiosè corrupisse. Quin nūc
 quod reliquū est cursus Isidis expediam. A Burgen-
 si ponte defluit Monachodunū, ubi in se recipit Ni-
 dum flu. Hinc properat Eboracum reginam Britan-
 niæ aquilonaris urbem, ubi oriētem uersus Fossam
 amnem Calaterij nemoris alumnum placido acci-
 pit alueo. Tum uerò nauiger, & Guerfa flu, dextror-
 sum auctus, Cauodam nobile archiepiscopi Eboras-
 censis castellū alluit. Deniq̃ Vrosullo, castello nū-
 per Perciorū tū elegātissimo, tum splendidissimo
 sinistra longiusculè relicto, Doruenta fluuiio super-
 bus comite, ad Abrū, alias Humbrum notū illi, Du-
 no prætereā, & Terēto fluminibus celeberrimis ho-
 spitiū petit; unde uia ad Oceanum recta.

Isidis insulæ. Anglicè Ouseneye, et Ouseney. Hi
mediæmnes loci penè inglorij ante aduentũ Roberti
Oilij Nortomani, cuius ditionis tota Isiacorum pro
uincia, beneficio Gulielmi Magni, fuit. Ille autẽ eò,
tanquam in seceſſum amœniſſimum, à castello ſuo
uicino frequentiuſculè tranſibat. Erat autem Rober
to frater Nigellus nomine, de quo fama nõ admodũ
multa refert. At eiꝯ filius Robertus nepos, & heres
Roberti primi, qui ſine liberis obijt, uir maximi pre
cij erat, cuiꝯ uxor Editha Fornæ ſcæmina in compa
rabilis Isidis inſulas magni meritò fecit. Contigit
aliquando, ut Picarum chorus arborem inſidens E
ditham in inſulis ſpatiantem conſono quaſi ſtrepitu
ſalutaret, quod cum frequenter, & uni illi feciſſet,
augurio tacta Radulphum Canonicum Fani Fredil
uidæ conſulit. Ille magnum in augurio pondus in
eſſe reſpondet, ac heroinam ſolicitè rogat, ut tem
plum ibidem Seruatori conſecraret. Illa hoc idem à
marito petit, & impetrat. Hinc fundamenta cœno
bij iacta, quod tandem creuit in immenſum. Tho
mas Vicanius in annalibus ſuis hoc factum adfir
mat anno D. 1129. Sic fama, ſic gloria, ſic honos in
ſulis partus. Multa debet igitur Oilijs inſulæ Isiacæ.

Isiacus poſſeſſium ab Iſide aptiſſimè deriuatũ.
quo nomine non ineleganter appellabit aliquis ac
colam propter Isidis uadum habitantem. Deſuit iã
longo tempore aptum, elegans, & Latinum genti
uocabulum. Fas igitur ſit mihi per cãdorem, & gra
tiam eruditorum, eam à bonis literis optimè audien
tem Isiacos, nomine in hac parte nouo, at interim
apto, & ſignificanti poſteritati cõmendare.

Isidis

Isidis uadum Saxonice Ouseforde, & Ouse-
ford, corrupte Oxforde. Hic forsitan obgannient
scioli omnis antiquitatis, & politæ literaturæ ignari
me corruptorem esse ueteris linguæ Saxonice, quā
illi interim qualis fuerit ignorāt prorsus. Per me uel
ad rauim usque oblatrent canum stupidam imitan-
tes rabiem, qui Lunam nitidè elucentem, et nihil ta-
le curantem, assidua insectantur uociferatione. Nō
equidem scribo huiusmodi tenebrionibus, cōtentus
interim paucis, at cādidis, eruditis, denique iudicio
ualentibus placuisse. De Isidis uadi origine, multi
multa prædicant: inter que, historia circūfertur ad-
firmans hanc urbem olim ab amœnitate situs Bello
situm dictam fuisse. Ioannes Rossus Verouicanus,
accola Guidonici cliui hinc edoctus, hoc idem affir-
mat. Ciues urbem suam quā illustrissimā reddere
cupientes Vortigerium Britannum, conditorem
nescio, an instauratorē, urbis deprædicāt. At qua id
faciant autoritate, luculentam non reddūt rationē.
Historia rerum memorabilium, quam academia Isi-
aca religiose seruat, aperte pronunciat scholas fama
antiquitus insignis à Crecolada, quæ rectius Cre-
colada, Lechelada, & Lathelada fuisse Bellositum
translatas. At quo tempore, quo autore, qua causa
id factum sit, silentium planè ingens. Secutus est &
Rossus Verouicanus, uir maioris longè diligentie,
quā iudicij, hanc quaecunque de scholarū trans-
latione opinionem. Crecoladenses accolæ ripæ Isa-
icæ conseruant nescio quos uersiculos obscuros in
Fano Sampsonis, hanc originem asserenteis, quorū
nisi me fallit memoria, hic primus est.

K. iij. Postquam

Postquam Pallas humi furīēs prostrauit Athenas.
Reliqui uerò exciderunt mihi, sed dispendio penē
nullo. Isiacæ academīæ historia prorsus nullā facit
de Ealfrido mentionē. Sunt tamen alij scriptores, &
fidei approbatæ, qui institutionem scholarum Isia-
carum manifestē illi ascribant. Videtur hoc etiam
Afferius Meneuensis rectē suppresso Isidis uadino
mine, significasse. Sed is nec Græcoladæ, nec Leche-
ladæ, nec Lathelade uocabulorū merē Saxonīcorū,
ut neque transmīgrationis meminit, ne per umbram
quidem. Quin ipsa uerba autoris apponam, ubi de
educatione filiorum Ealfridi regis Visisaxonū lo-
quitur: Eathelueardus omnibus iunior, ludis litera-
rijs diuino consilio, & admirabili Regis prudentia,
cum omnibus penē totius regionis nobilibus infan-
tibus, ac etiam multis ignobilibus, sub diligenti ma-
gistrorum cura traditus est. In qua schola utriusq;
linguæ libri Latinæ scilicet, ac Saxonicæ assidue les-
gebantur. Scriptioni quoq; uacabant, ita ut ante-
quam humanis artibus uires haberēt, uenatoriæ scis-
licet, & cæteris artibus, quæ nobilibus conueniunt,
in liberalibus artibus studiosi, & ingeniosi uideren-
tur. Et alibi, ubi de diuisione fortunarum Ealfridi
agit, hæc scribit: Tertiam partē scholæ, quam ex mul-
tis propriæ suę gentis nobilibus pueris, & ignobi-
libus studiosissimē congregauerat, dedit. Rossus
Verouicanus in libello de Academijs affirmat prin-
cipiò tantū fuisse treis scholas in Isidis uado, quarū
prima grāmaticis, secunda philosophis, tertia theo-
logis consecrata est. Haraldus Leuipes Danus An-
glię rex infestus tum ciuibus, tum eruditis Isidis ua-
dum

dum incolentibus, quòd Danos nobiles fugienteis ad Fani Fredisuide pyramidē, consilio Eadrici proditoris scelestissimi occidissent, armatū militem eò misit, qui urbem strenuè diriperet, & collegia bonis artibus dedicata confringeret, scholasticis hinc, illinc mœtu fugientibus. Chronica Fani Fredisuide referunt Isidis uadū, regnāte Eathelredo, insignem accepisse cladem. Robertus Polenius uir ad bonas literas natus studiorum in Isidis uado resuscitauit, post cladē acceptam, alacritatem, tempore Henrici Belloclerici regis Anglię. Hinc Polenius Romanā urbē petijt, ubi & Cancellarij dignitate functus est. Non possum liquidò pronunciare an Isidis uadum muro fuerit cinctum ante imperiū Gulielmi noni regis Anglię. Illud constat Robertum Oilium, eius appellationis primum, castrum, quod olim fortissimum fuit, in ripis Isidis uel à fundamentis construxisse, anno à Christo nato 1071. teste Thoma Vicanio fidei optime scriptore. Nos ista, dum antiquitati studemus, in gratiam Isidis uadi, memorię sacro sanctę consecrauimus. Exhibebimus autē de his fusiōra, et lucidiora in libro de origine, & incremēto bonarū in Britānia literarū, & libro de Academijs.

L.

Limēnus flu. Britannicē Limene. Refert hoc nomen originē Græcā, quod pleno defluens alueo portum efficiat. Est enim portus, lītus, sinus maris Gręcis λιμν. Eadbertus rex Cātorū Limenī meminīt in quadā donatione facta. anno D. 741. Chronica Fani Neoti de Limeno sic loquūtur. Limēnus fluuius currit de sylua magna, quę uocatur Andredese
vvalde

vvalde. Habet autem ea in longitudine ab oriente
in occidentem miliatia. 120. & eò amplius, in latitu-
tudinē autem triginta. Grauius in opere cui titulus
Scalechronicon Andredeſuualde meminit, & Sige-
berti regis Viſifaxonum ab upilione ibidem inter-
fecti. Henricus Venātodunenſis quarto libro hiſto-
riæ de regibus Anglorum hæc refert, ubi de Danis,
fretus autoritate Mariani, agit: Poſtea redijt in An-
gliã ille magnus exercitus cum omnibus rebus ſuis
ad portum Limene cum 250. nauibus, qui portus eſt
in orientali parte Cantix, iuxta magnum nemus An-
dredeſlege, quod centum & uiginti miliaria in lon-
gitudine, triginta in latitudine continet. Egreſſi ue-
rò conſtruxerunt caſtrum apud Apletre. Haſtenus
Venantodunenſis, Saxonibus id Apletre eſt, quod
Latinis malus nota arbor. Et quoniam in mentionē
Andredeſuualde, cuius apud Marianum clara eſt
memoria, incidimus, lubet hic obiter ſignificare
Henricum Venantodunenſem Andredeſcaſtri ur-
bis, ut ait, olim celeberrimæ, at ab Balla primo rege
Sudofaxonum funditus euerſe, nō ſine honoris præ-
ſatione magna, primo hiſtoriæ ſuæ libro, meminiffe.
Nomen Limeni noſtris proriſus incognitum tempo-
ribus. Conſtat tamen eum fuiſſe fluuium, quem ho-
die Rotherum uocant. Oritur autē in Argafio mō-
te, non procul ab Aquædunenſi ſaltu, alias Vvater-
don, loco Sudofaxonibus notiſſimo. Vnde labitur
uicinum in campum, cui nomen indit, uidelicet Ro-
therfelde. Hinc Vicanum, alias Hichingham, petit,
ac Robertinū pontē. De hoc uico recentiores qui-
dam ſcribunt de nomine nil dubitantes. At mea cō-
ſectura

lectura est Rotheri pontem in Roberti pontem de-
generasse. A ponte Rotherino rectà decurrit Bodia-
amum, olim Dalenrigij, postea Leuchenoriorū cas-
tellum. Deinde Nouiodunū pagum, & Oxinegā,
ubi traiectus, alluit. Postremo Apletream uasto des-
fertur gurgite, ac mox aperto mari se committit.

Limodomus uulgò Limehouse, cui nomen à re
inditum;

Lomithis, id est sinus luteus, siue Lamithis, uul-
gò Lamehithe, notissimus Tamesinæ ripæ locus,
de quo nihil antiquius legi, quàm quòd Canutus
Fortis rex Angliæ hîc inter conuiuia, & pocula, ut
refert Henricus Venantodunensis libro sexto his-
toriæ suæ, diem obiuerit supremum. In confesso est
archiepiscopos à tempore aduentus Nortomanno-
rum in Angliam, hîc sedem habuisse. Balduinus, &
Hubertus archiepiscopi nobile fanum Lamithi ex-
reuerunt, decreuerantq; Præbendarios, ut uocant,
ibidem statuere. Durouernenses monachi hoc ægré
ferentes cum Ro. pont. de Fano diruendo egerunt.
Postremo, monachis uictoribus, ruinam locus pas-
sus est, & quidem magnam. Palatium archiepisco-
porum iam ad senium deuergerat. Ecce præsto est
Ioānes Moridunus, &, absterfo senio omni, florem,
ac iuuentutem, renouato, & aucto operi magnificè
reddit. Hîc ego iuuenis studio eloquentiæ, et bona-
rum literarum totus cōflagrans Thomam Houertū
Principis Icenorum filium Latinè loqui industria,
qua potui maxima, perdocui.

Luguballia. Britannicè Cairluel. corruptè Cair-
lile. Hæc urbs ad Vetelingianam uiam sita est, allui-

L

turq;

turq; à borea Aquæduno, & à meridie Calodeua flu-
minibus non ignotæ fame, quorum confluentiaspe
ctabilis paulo inferius urbe. At unde urbi nomē in-
ditū à nullo hætenus discere potui. Coniecturam
interim meam non grauabor publicam facere. Sus-
picor fluuium, qui nunc Aquædon, alias Eidon, or-
lim dictum fuisse Logum, siue Lugum. Ballia à ual-
le V. litera in B. facile mutata, originem sūpsit. Sunt
& qui scribant uallia, nō ballia. Familiare quidē est
indigenis Aquilonaribus ualles præposito fluminis
nomine appellare, ut Glindale, Vveredale, Tiueda-
le, Alandale, Rhidale. Sic enim Luguballia Lugi
uallis erit. Nisi quis rectius appellationem ortam
putet à Lough patrio uocabulo, quod lacum, aut
stagnum significat. Abundat enim aquis Lugubal-
liæ situs. Ptolemæus Luguballia corrupto nomine
Lucopibia meminit, uideturq; eam genti Nouan-
tum attribuere. Meminit etiam huius urbis Antoni-
nus in suo Itinerario. Quo tempore Beda floruit in
precio hæc urbs quidem fuit: nam et eius mentio-
nem. 27. cap. libri. 4. historiæ suæ facit. In libello quo-
que, quē de Cutheberti uita carmine, et prosa scrip-
sit, honorificè de Luguballia hæc prædicat: Ecfrie-
dus rex ad Luguballiā ciuitatē, quæ à populo An-
glorū corruptè Luel uocatur, uenit ut alloqueretur
reginam, quæ ibidem in monasterio suæ sororis eū-
tum belli expectare disposuit. Postera autē die de-
ducentibus eū ciuib; prodijt, ut uideret mœnia ci-
uitatis, fontēq; in ea miro quodā Romanorū opere
extructum. Hæc ille. Concidit autem Luguballia ca-
lamitate Danici belli, et deserta mœrebat totos du-
centos

centos, & eo amplius, annos. Aluredus Fibroleganus historiographus suo seculo clarus scribit hanc urbem instauratam fuisse sexto anno imperij Gulielmi Rufi regis Anglię. Predicat hoc idem Houedenus. Adhuc Venantodunus, Gulielmum Rufum regem colonos ab austro huc misisse. Nec desunt qui scribant Flandros quosdā diluuiō suis sedibus pulsos, ab Anglo, tanquam colonos, huc missos, qui & postea, ne quid cum Scottis commune haberent, Penbrocum translati sunt ut Rossos rebelleis perdomarent: id quod fecerūt, teste Syluestro Giraldo.

M.

Mauditi castrum, uulgò sancte Mavves. Erat autem Mauditus ex Hibernia ortus, &, ut ferunt, episcopus. Vixit parçè, ac duriter, sanctitatis nomine clarus, non longè à Falensi portu, ubi nunc uilla piscatoria, & fanum illius. nomini consecratum. Incolę ostentant in cœmeterio fano adiacenti cathedrā ex solido saxo, qua frequēter sedebat, fōitēq; superstitione celebrem. Forma castri in ipsis portus faucibus pene orbicularis est, & situ subsidet, ut serpentes grēi certius irrūpenteis feriant hostes. Trefrius qui structure castri præfuit, uir ad bonas artes, & humanitatem natus, tum præterea amicus, & summus quidem meus, à me flagitauit, ut latè quadratis saxis insignia Henrici octauī nūquā satis laudatī, & Eadueardi Principis incōparabilis, ferētibus, paucos oportune uersiculos affigerē, quib⁹ altè insculptis posteritas nobile tāti Regis opus meritis extolleret præconijs. Feci quod uoluit. Tali autē amico quicquā pnegare planè religio fuisset. Accipe cādide lector inscriptionū notas. Prima sic habet. Henricus oct.

L. ii. rex

Rex Angliæ, Franciæ, & Hiberniæ inuictissimus
me posuit præsidium rei publicæ, terrorē hostibus

Secunda inscriptio.

Semper honos Henrice tuus, laudesq; manebunt.

Tertia.

Imperio Henrici naues submittite uela.

Quarta.

Gaudeat Eduardo Duce nunc Cornubia felix.

Quinta.

Exprimat Eduardus fama, factisq; parentem.

Hæc nos in Henrici octauī Regis incompara-
bilis gloriā æternitati consecrauimus.

Mediamnis, uulgò Medemenham monasterio-
rum Bernardinorum, quod Isiburnam Bedanfordas-
nam, alias Ouseburne, parentem agnoscebat,

Mons acutus, uulgò Montegu, nomen loci apud
Gallos celebris: unde & nobilissima eiusdem appel-
lationis apud Anglos familia originem duxit. Ric-
hardus Burdegalensis Rex Angliæ gloriam Mon-
tis acuti, alioqui claram, clariorem reddidit, Seueris
anī Comitīs titulo adiecto, anno eius imperij. 21.

Mons diues, Gallicè Richemont, urbs famæ cō-
spiciuæ, à qua & regioni, quam possidet nomen.
Brigantes olim hīc sedes habuēre, utpote cultores
totius Isuriæ, uulgò Yorkeshir, cuius et hæc pars fuit,
ut plurimum montana, at interim quæ ualles subsi-
dent fœcūda utcūq; fluuijsq; irrigua, uidelicet Vro,
Suala, & Couero. Gulielmus nothus rex Angliæ, dū
Eboracum ciuitatem eius imperio non audientem
obsidet, Alanum nepotem suum Comitem Britan-
niæ cōtinentis, Matilde regina exorante, huiusmodi

dila

di illustrauit donatione: Ego Gulielmus cognomi-
ne Bastardus rex Anglię do, & concedo tibi nepoti
meo Alano Britannię Comiti, & hæredibus tuis in
perpetuum omneis uillas, & terras, quę nuper fue-
runt Comitis Eadvvini in Eborashira, cum feodis
militum, & alijs libertatibus, & consuetudinibus, ita
liberę, & honorificę, sicut idem Eadvvinus ea tenu-
it. Data in obsidione corā ciuitate Eboraci. Capta,
spoliata, & incensa urbe Brigantum domina, ac gen-
te in potestatē Gulielmi redacta, Alanus uir maximī
animi studens prouinciā acceptā solidē sibi conser-
uare, castrum, iuxta Gillingham uillam suam, fortis-
simum extruxit, quo se muniret contra impetus nō
modo Anglorum fortunis spoliatorum, uerum etiā
insultus Danorum. Operi autem absoluto Richem-
ontis nomen quodam consilio inditum est, uel à
loci magnificentia, uel à castro Britannię cōtinen-
tis aliquo eiusdem appellationis. Rodolphus Dice-
tensis in historia sua meminit Richemontis castelli
Armoricę regionis. Ego cū, annis ab hinc aliquot,
auidis hoc castrum oculis collustrarem, uideremq;
ambitum urbis intra mœnia ipsa exiguum esse, cœ-
pi cogitare urbem sensim creuisse in extima castri
area, quod tamen non refero tanquam cognitum.
Nunc ut splendor, & gloriā Comitum Richomon-
tanorum fusius eniteant, operæ precium duco eorū
ab origine stirpem repetere, & serie quadam ad sæ-
cula recentiora perducere. Eudo Comes Britannię
cōtinentis Gallofridi filius tres genuit filios Alanū
Rufum, alias Fregaunt, Alanum Nigrum, & Ste-
phanum, qui singulatim, eo mortuo, Britannię præ-
Liii. fuerunt

fuerunt, & Richomontanię . Vterque Alanus sine liberis periit. Stephanus uerò filium Alanum nomine genuit. Hic autem Conanum hæredem reliquit, cui nupsit Margareta Gulielmi Scottorum regis filia, peperitq; ei Constantiam, postea coniugio Gallofridi filij Henrici secundi regis Angl. felicē. Genuit Gallofridus Arturum, quem Ioannes rex Angl. eius patruus ob mœtum, ne Anglię regnum iure suo peteret, insidijs, ut quidam scribunt interficiendum curauit. Constantia secundò nupsit cuidā Rodolpho, à quo adulteri crimine infamis diuortio mulctata est. Hinc tertio nupsit Guidoni Tearcho, & ex eo peperit Adeliciam, quæ Petrum Maloclericum in coniugem accepit, & ei peperit Ioannem. Ioannes filius Ioannis Comes Richomontanię accepit in uxorem Beatricem filiam Henrici tertij regis Anglię, quæ maritum Arturio, Petro, & Ioanne parentem fecit. At Ioannes pater ultimus erat Richomontanię Comes ex stirpe Alanica, cuius si quem iuuat antiquitatem, quę Eudonis imperio præcessit cognoscere, legat Gulielmum Gemeticencem rerum Nortomannicarum illustratorem. Recentiores Richomontanię Comites omitto breuitatis studio, hæc lege tamen, ut illos in memoriam redigam in opere quod de nobilitate Britannica, dijs uitam mihi fortunantibus, in Procerum gratiam propediem scripturus sum, & æditurus. Interea Richomontanię uale dicam.

Morini, gens Gallicæ Belgicæ, quorum urbs celeberrima Teruana erat, quam ego potius Treuentam nominarem à Tre, quod oppidum ueteri Gal-
lorum

lorum lingua significat, & quoniam quod album, illustrare, & splendidum sonat. Morinorum meminit Cæsar in commentariis suis. Meminit eorundem Grætius poëta in libro de uenatione, de quo Ouidius. Apræque uenanti Grætius arma daret.

Mortuus lacus. uulgo Mortelake, uilla longæ quidem tempore archiepiscoporum Durouernensium, at nunc Regis, permutatione fundi facta, uilla eximie splendida.

N.

Nauticus sinus, Saxonice Reatherhith, locus olim nautis tantum hospitium præbens. At nunc, quia urbi uicinus est, cepit nitidis superbire uillis, &ordes nauticas quasi contemnere. Sunt qui adfirmant Henricum eius appellationis quartum Anglorum regem hic delituisse, ut medicorum opera in lepra, quæ forde aspersus fuerat, curanda uteretur.

Neoportus, siue Nouus portus. Anglice New-
porte, statio carinis satis fida, ubi etiam & commodus in Vectam insulam aditus. In Neoportu emporium est, & unicum totius Vectæ, quod & eodem censetur nomine, Attamen, ut ego aliquando accepi, Medena oppido antiquum nomen erat.

Nouantes, de quibus Ptolemæus, oram littoris Britanici occidentalem accolebant, ea parte, quæ nunc Lugouallia Scottomastix illa floret, & Cædida castra, quæ nunc Fanum Niniani, Gallouinorum sedes primaria caput attollit. Non possum hic certe satis admirari, quid sibi uoluerit Hector Boethius Scotticæ scriptor historiæ, cum Gallouiniam sedem Brigantum fuisse contra communem tum Græcorum, tum Latinorum omnium consensum affirmet. Eiusdem faring et illud Hectoris est, quo loco Dobunos, de quibus

Pto

Prolemæus mentionem facit, eam fuisse gentem scribit, quam nostra ætas uulgò Darbeshiremenne appellat. Notum est Corinium eam fuisse urbem, quam Saxones Churnecestre uocabant, & nostra ætas corruptè Cirencestre, & Cicestre. Sedes etiam Dobunorum primaria ibi olim fuit, ubi nuuc pars Claudianæ, ad Coreuoldianum campum, prouinciæ. Sunt & aliæ eiusdem notæ in Hectore maculæ, quas uulgus lectorum tanquam stellulas suscipit.

Nulli secunda, nouū ab excellentia operis nomen inditum loco uernacula lingua Nonesuche dicto. Hic magnificentissimus Henricus Octauus tam elegantis, tam uenustas, tam denique splendida exrexit ædes, ut quocūque prudens floridæ architecturæ estimator oculos conuerterit suos, has dixerit inter ceteras quasunque faciliè palmam ferre. Quanta illic Romanæ antiquitatis emulatio? Quantum speciosæ picturæ? quantum auri? quantum denique omnis generis ornamentorum? Diceret cœlum esse stellis interpolatum. Floreat æternum Princeps, qui nullis parcat impensis, quo minus artificum ingenia, miracula rerum, mentes, atque oculos hominū sua quadam maiestate rapientia, exhibeant.

P.

Pendinas, id est caput montis, locus adiacens Faelensis portus ostijs occidentem uersus, ubi nunc stat castrum in loco ædificato, non longè ab ædibus Chelie greui uiri humanissimi, qui & eiusdē Prefectus est. Cuius operis gloria, quanta quanta est, Henrici Octauus Regis propria est.

Petropolis nunc Peterburch, at nomine antiquiori

tiquiori Medeshamstet Saxonice dicebatur: cuius
& loci Beda. 6. cap. 4. libri sue historiae meminit.
Erat autem in primitiua Merciorum ecclesia in ho-
nore planè maximo. Operæ precium ergo originem
monasterij olim undecunque clarissimi, uel ab ouo
repetere. Qua parte non grauabor Hugonem Albū
rerum Petroburgi gestarum luculentū planè scrip-
torem in suscepti operis euocare patrē. Fidem ille
lectori faciet. Ego uerò quod ille fuscè scripsit in cō-
pendiolū redigam. Auona siue Auena fluuius, qui
uulgò Nene pro Auene sublata A. capitali litera, &
V. sequenti in N. uersa, Petroburgum alluit, in cuius
aluei medio uorago quædam incognitæ profū-
ditatis. Quo etiam & loco fons ebullit, cui nomen
Medesvulle. Cum uerò Saxones in ripa fonti ui-
cina ædes posuissent ueteri nomini nouum uideli-
cet Hamsted coniunctū est, atque ita coaluit Medes-
vvelhamstede, quod nomen longo postea seruauit
tempore, detruncata tantum breuitatis studio ses-
quipedalis vocabuli syllaba media, ita ut pro Mes-
desvvellehamstede pronunciarēt Medeshamstede.
Ham uerò domum. Stat, siue stet ciuitatem Latine
significat. Collucet autem in ipsis penè Giruorum
paludibus. Giruorum meminit Beda. Paludes inco-
lebant. Nomen Giruorum nostro obscurum sæcu-
lo. Dicuntur hac ætate Fennicolæ. Appellationē ac-
cepere Giruū à Gyr Saxonico uocabulo, quod La-
tinè paludosum, & altè lufulētum locum significat.
Hactenus de loci nomine. Nunc reliqua strictim di-
cemus. Penda rex Merciorum, siue Mediterraneo-
rum Anglorum reliquit treis filios Peadam, Vvol-
M. pherum

pherum, & Ethelredū, quorum singuli co mortuo
regno Merciorum præsuerunt, id quod confirmat
Gotcelinus Bertinianus in uita Milburgę uirginis.
Vvolpherus detestatus impietatem, qua non dum
Christianus Vvolphadū, & Rufinū filios suos Chri
sto à Ceadda initiatos, consilio Verbodi è medio su
stulit, monasterij fundamenta amplissimi Medes
hāstedæ iecit, quod Deo Optimo Max. & Petro cō
secrauit, unde Petriburgus nomen loco postea indi
tum, ac Saxulphum religiosis præsidiè ibidē statuit.
At imperfecto obiit opere. Ethelredus eius frater
unā cū sororibus suis Chineburga, et Chinesvitha
incepto operi manum supremam addidēre. Longo
post temporis interuallo Dani gens piratica à bo
reali littore toto miserè spoliato, in mediterraneas
Angliæ partes pergrassati sunt, ac inter infinita alia
crudelitatis exempla Medeshamstatē se monasteriū
totius Britannię facile primum funditus euerterūt.
Hæc rerum humanarū est uicissitudo. Ausim proa
nunciare, exceptis tantum ludæis hominū omnium
fecibus, nunquam uspiam terrarum fuisse gentem
unam, quæ maiorē alteri calamitatem intulerit, quā
Dani Anglis. Clades illa miseros flagellabat spatio
ducentorum, & penē quinquaginta annorum, quam
quartam Britannię plagam fuisse scribit Houedes
nus in libro Annalium, ita ut præcesserit Romana,
Pictica, & Saxonica. Eadgarus tamē monarcha An
glorum utcunque immunis erat à Danicis irruptionibus.
Quo tempore Ethelvvoldus Philomona
chus episcopus Ventæ Simenorum cum Principe
suo ita egit, ut ille miseratus loci desolationem, es
rat

rat enim tum temporis stabulum pecoris, noui monasterij fundamenta ingentia ibidem poneret. Aldulphus etiam Eadgari Archigrammateus luculentissima operi dona contulit, ductus iusta poenitudine quod filius, quem unicum habebat, ab eo, & uxore somno, et uino grauatis, suffocatus fuisset. Factus hic postea Aldulphus primus abba Petroburgensis coenobij instaurati, & tandem archiepiscopus Isurouicanus. Deinde Eadgarus ædificato nouo oppido diploma emporij contulit. Quid multis? Eò diuitiarum, splendoris, famæ, magnificentiæ, denique gloriæ accreuit Petropolis, ut Chrysopolis à multis appellaretur, quod nomen Saxonicè sonat Gildenburch. Vicerat iam Gulielmus Nortomannus, & imperio Angliæ potitus est. Ecce Chrysopolis, tot congestis multorum annorum spatio opibus, præda fuit Hereuardo Anglo, ac Danis Anguillariam insulam, alias Elig, ui defendentibus, & Gulielmo regi obaudientibus. Iusto mihi hoc factum uidetur Dei iudicio. Nam monachorum saltem bonorum partes fuerant tantos in elemosynam thesauros à pñs erogatos nō sordidè sibi conseruare, uerum larga manu oportune, & in loco pauperibus distribuere. Meminerint igitur ecclesiastici, uel perpetuò, sordidum hoc exemplo admoniti. Tuoldus Nortomannus beneficio Gulielmi Victoris, cuius & nepos, ut quidam scribit, erat, abba tū Petropolitani facinoris Hereuardini admonitus, Stenoforda urbe relicta, ad suos armato milite, ut fortem decuit abbatem, cinctus

M.ii. redijt

rediit. Tum verò partim dispendio rerum monasterij, & oppidi incensi, partim etiā Anguillarianorū uicinitate uulneratus, ut piscis ictus, sapuit, ac castello sui nominis Gallicè Monturold dicto, strenuè erecto futurae prospexit cladi. Hucusque ut plurimum ex historia Hugonis Albi. Henricus Octauus rex potentissimus splendorem nouum Petroburgo, iam dignitate episcopi illustrato, contulit.

Petrus Rupinus, Gallicè de la roche dictus. Hic fuit Ventæ urbis Simenorum episcopus tempore Henrici tertij regis Angliæ, homo tam inuidiosus, quàm qui unquam maximè fuit. Hic erexit Londini in suburbio, cui Sudouerca nomen, xenodochium. Porro in Auonia meridiana instituit alterum xenodochium, eo loco, quo stat oppidum in ostijs Portus magni, cuius Ptolemæus meminit. Instituit etiam duo cœnobia, unum Tichefeldæ, alterū Letelegæ, quæ uulgò Neteley.

Placentia, Gallicè pleasaunce. Nomē palatio ab Hunfrido duce Claudiano instaurato à loci amœnitate inditum, quod modò periit, resuscitata ueteris Grenouici memoria. Has ædes Hunfrido mortuo coluit Eadueardus eius appellationis ab imperio Nortomannorum quartus. Cygnus de hac Placentia magnificè personat in mellita sua cantione.

Pontes numero plurali oppidū, ut ego coniecturam facio quod Saxones Readige, & Reading, sic enim in uetustissimis exemplaribus scriptum inuenio, sua lingua uocabant. Antoninus Pontium meminit. Quanquam miliariorum numerus qui in Itinerario elucet à pontibus Londinum, non conuenit Readingo

Readingo. At ego experiētia didici corruptos iam
esse in Antonino numeros, et Alaunodunum uicū,
qui nunc Maidenheued, et Vxinum pontem, ac
Colum Saxonicè Colunbroke corruptè Coles
broke, recentioris memoriæ esse, quam ut Pontium
referant antiquitatem. Et eo loco tantum nominat
urbes, ac celebris notæ oppida: cuiusmodi nisi Ra-
dingum recta uia nullū à Cunetione, alias Marles
byri, Londinum. Reading nomen meo quidem iudicio à copia, & confluxu aquarum apud Saxones
cœpit. Et huius nominis pagus est ad Limeni, alias
Rotheri fluminis, ripam, qui Cantios à Sudosaxo-
nibus ex parte determinat. Fluuius uerò Reading
gū interfecans Romanis Cunetio, Saxonibus Ke-
net dicitur. Oritur autem in Vilugiana prouin-
cia ad radicem tumuli terræ in usus bellicos olim
egestæ, cui nomen Selburgus. Hinc profluens, Cu-
netionem celebre sui nominis oppidum, Hungre-
fordam, Spinas, alias Neocuriā, ac Readingum al-
luit, ac mox in Tamesim delabatur. Hæc confluen-
tia aliquid facit ad nominis etymon. Idem præstat
& Cunetio, qui antequam oppidum penetret in cor-
nua propter Beram uillam splendidam se diffindit,
ac maiori alueo per pontē qui Readingi est ad me-
ridiem defluit: minori uerò quem sacrū amnem uo-
cant, borealem oppidi partem alluit, ac mox coeun-
tibus cornibus, fit unus alueus. Huc etiam accedit,
quod & illa duo brachia rursus diuortijs quibus-
dam uel in medio ludunt oppido, ac insulas planè
amœnas efficiunt. Postremò neque hoc alienum à
nominis significatione, Saxones riuum Rhe com-
muni

muni appellatione uocant, & subinde scribūt Hrie.
Hinc Rhegate id est riuī cursus, Ouerrhe ultra riuū
Rheford riuī uadum. Rhidune oppidū prope ri-
uū, Suderhe ad meridiē riuī: unde & prouinciæ no-
men, quæ australi Tamesis ripæ adiacet. Readingi
primus, quod ego sciam, Afferius Meneuensis illu-
strem in Annalibus suis mētionē facit, ac sui collau-
dat Ealfridi regis Visifaxonū uirtutē, qui Danos a-
perto Marte eō in castellum fugauit. Huius castelli
nec rudera, nec aliqua certa hodie extāt inditīa. Ac
platē Castellanae nomen in memoria quo itur uia
publica ab hoc oppido ad Spinās occidentē uersus.
Cōstat ex historia Roberti Beccensis Henricianos
pessūdidisse castellū, quod Stephanus tyrann⁹ Rea-
dingi firmauerat. Ealfritha secunda regis Edgari
uxor pœnitudine ducta, quod priuignū Eadueardū
regem adhuc impuberē occidendū insidijs curauit
fec, monasteriū uirginibus sacrū Readingi instituit,
eo, ut fertur, loco, quojñc Fanū Marię in precio est.
Henricus eius appellationis primus cœnobiū mo-
nachorum ad orientē posuit locū sepulture suę, cui
contulit. Virginū prędia, ac latifundia tum collegij
Chaufegani, tū monasterij Leonis.

Pontifices magistratus nomē à re sumēs, uidelicet
pōtibus uel cōstruēdis, uel reficiēdis: cuius generis
sunt pręfecti duo Lōdinenſi ponti, habētq; in Sudo-
uercano suburbio domū apliſsimā, utpote armamē-
tariū reiū ad tantū opus pertinētiū. Rodolph⁹ à Di-
ceto in sua refert historia Petrū de Colechirche sa-
cristiculū iecisse prima fundamēta noui pōtis. Sed e-
rāt illa leuia. Quare regijs, & ciuicis accreuit postea
opibus. Hic cādidi lectores obstrepit molesta scio-
lotum

lorū turba, cuius & unus obscurior reliquis, homo
notioris loquētię, quā eloquētię, et μεγαφιλαντος,
me scēdē in enumeratione arcuū Londinensis pōtis
errauisse asserit. Incuriā in qua parte meā cēsor scili
cet acutus, idē q̄ rarus, cōuellit, lācinat, lacerat etiā
pro imperio, si dīs placet, suo. Cui ego tantū in prę
sentia, alias oportunius eius intolerabilē male iudi
cando arrogantia pressurus, & cōculcaturus, respō
deo: Pluris ualet oculatus testis unus, quā auriti
decē. Cuius Londinēsis sum, nec me patrię pœnitet
meę. Spero q̄ aliquando futurū, ut nec illā sui qualis
cūq̄ pœniteat alumni. Edico tibi male concilia
te Geta.

Nulli nota magis domus est sua, quā mihi certē

Omnia Londini sunt monumenta mei.

Fac periculū in eruēda penitiori illa antiquæ urbis
nostre celebritate. Doctior hoc nomine, nisi te disce
re suppudeat, forsitan euaseris me autore. Quin pō
tis causam perago? Cataractę in ponte Londinensi
viginti, quā se ab austro in boreā extendit. At arcus
ex solido saxo incuruati tantū nouendecim conspi
ciuntur. Tabulatā illam, & planam pontis figuram
ex alseribus cōpactā, & machinis tractilibus, si usus
postulet, subleuādā, ne aditus hosti pateat, arcū nec
possum, nec uolo, sed neq̄ per rationē debeo certē
appellare. Sperabas, tu quidē magnū de me in hac
re triumphum. At ego à te concepram spem omnē
illam his uerbis facili tibi præripio.

Sis licet Antræus, Polyphemus, maximus Atlas,

Laurigeros noli de me sperare triumphos.

Inunc Geta, & inter compotores tuos uiginti ar
cus Londinensis pontis uictor deprecica.

Polus

Polus, illustris familiæ nomen, cuius ego talem
fuisse originem à fide dignissimis didici. Michael
Polus humili loco natus mercaturæ operam dedit,
Regioduni in ipsis Hulli fluminis ripis siti ubi no-
bile emporiū. Nauigauit autem frequenter ad ori-
entales urbes Germanorū, tantaq; dexteritate, suc-
cessu, felicitate quoque rationes omneis suas sub-
ducebat, ut breui diuitias ingēteis sibi compararet.
Hinc fama inclarescere cœpit, & Richardo secun-
do Anglorum Regi non modo cognitus, uerum et-
iam familiaris, & charus, atque adeò à cōsilijs esse.
Vffenfordiorū Sudouolciæ Comitum gloria, defici-
ente herede masculino, inclinationem patiebatur.
Richardus studens Polo quàm gratissimus esse, illū
australibus præfecit Volcis, anno regni sui nono,
& inter familiarissimos habuit. Polus ubi persense-
rat se in flagrantissima esse apud Principem gratia,
strenuè rem auxit, & indicia nobilitatis non pauca
præ se tulit. Inter quæ illud uel palmarium obtinuit,
quod nullum non lapidem mouerit, ut Regiodunū
suum quàm clarissimum faceret. Constat oppidum
illius cum opera, tum impensis auctum insignium
numero ediū. Nā tempore Eadueardi regis ab ad-
uentu Nortomannorū in Angliā tertij Regiodunū
oppidum piscatorium erat, solius Hulli præterlabē-
tis, ut ego arbitror tunc nomine gaudens. Poliædes
instar palatij adhuc elucent Regioduni, unā cum
muris oppidi latericijs, quā Fanum Marię occiden-
tem spectat. Præterea duas alias conspicui decoris
ædes in oppidi umbilico, & tertiam ad Hulli ripam
posuit. Nec sic contentus egit cum ciuibus ut oppi-
dum

dum muro cingerent: id quod factū est. Locus ubi lateres in muri usus cocti Tegularius adhuc dicitur. Postremo a rege Richardo in ciuium gratiam libertatis diplomata exosculanda impetrauit. Hactenus fortuna propitiam se parentem Polo exhibuit. Iam Richardi imperiū, & maiestas ciuili turbata seditione sensim decrescere cœpit, unde & Polus nouus homo, idemq; inuidiosus unā etiam decreuit. Princeps uolens nolens coactus est nobilium instigatione publicum totius regni conuentum ad certum diem designare. Hoc confesso Verus Comes Iliacorum, & Polus Sudouolcarū publico decreto, tanquam corruptores Principis, exulabant. Vterq; Lutetiam Parisiorum petijt. Richardus magno illorum tenebatur desiderio. Polus mutatam sortem ægerrimè ferens, obiit Lutetiæ. Verus opes eò à Polo adductas inuasit: atque hæc Poli finis. Filij eius meliora tempora nacti patris hereditatem acceperunt: & non longo post tempore hæres ex asse Ducis insignem sibi comparauit titulum. Tandem Eadmundus imminutę maiestatis Hēricianæ reus, se, ac nobilem unā familiam funditus perdidit: Quin & hæc tragædia paulo ante à Lindiorum Comite eius fratre natu maiori bello interfecto, aut Terento submerso, orta est, patre nesciente, & crucem filijs imprecante.

Portunia insula, uulgò Portelāde, sita est ad meridiem littoris Durotrigum non procul à Vagę fluj. ostijs, unde tenui diuiditur æstuariolo. Quā Oceanus alluitur in montes consurgit, at meditullio plana est, ferax etiam frugis, graminis, ac pecoris, at arborum

N. rum

rum prorsus indīga. Hanc æstimant circuitu septem
milliaria cōficere. At si quis lineam per ipsas insulæ
radices, quas mare alluit, circūduceret, decem milli
aria computaret. Planities insulę ut plurimū saxosa.
Littora horrenteis rupes ostentant. Coniunctę tan
tum uno insulæ uico ædes, ubi & ecclesia. Reliquę
sparsę. Olim piscationi præter cetera accolę stude
bāt, nunc uerò aratro. Fūda, qua se incolę exercent,
plurimū ualent, feriunt t̃q̃ hostem fortiter. Henricus
Octauus impensis maximis castrū hīc posuit monu
mētū nobile, & iustū insulę præsidium. Plura de Portu
nia dicemus in libro de insulis Britānię adiacētibus.

Profundum uadum, Angl. Depeford, tantū uilla
piscatorū paucis ab hinc annis, Henricus Octauus
Principum decus omnium Nauale conseruadis, &
reficiendis nauibus hīc instituit, armamentariumq̃
iuxta posuit, ac nuper splendida etiam ædes Greno
uicanis famulas excelso erexit fastigio.

Putenēga, locus nō alio, quod ego sciā, nomine me
morabilis, quā quòd amœnas ad ripā ædes ostēter.

R.

Regiodunum Tamesinum, sic dictum, quod ad
Tamesini flu. ripam situm sit. Fama prædicat uetus
oppidum collocatum fuisse paulo inferius eo, quod
nunc cernitur, Shenā uersus loco humili, et excres
centibus aquis obnoxio, atque hinc adeò aliò trans
flatū fuisse. Ethelstanus, Eadvvinus, qui & Eadvvir
us, ac Ethelredus reges hīc imperij sui corona redi
miti sunt, testibus Henrico Venantodunensi, et Ro
gero Houedeno. Accepi olim hoc medio factum
fuisse foro, erecto altè tabulato opere, quo latè à nu
merosa plebe uiderentur: quod tamen tanquam re
ctē

et cognitū non affirmo.

Regius burgus Saxonice Cuningburg, corrupte
Quinborovv. Castrū hoc sitū est in littore, quā Ouz-
nia, alias Shepega, insula Tamesini, et Vagani flu. or-
stia aspicit. Instauratorē Eadueardū Vindelesoranū
agnoscit, & Gulielmū Perottū Vicanū postea Sime-
norū episcopū prefectū operis celebrat. Denique &
Hēricū octauū firmiora iam nactus robora extollit.

Regiodunū Hullinū à flu. præterlabēte ad differē-
tiā alterius sic dictū. Sæculis ab hinc aliquot elapsis
piscatoriū tāū fuit oppidulū, & appēdebat parcecię
Hassileganę, unde traiecit in Lindiā superiorē. In cre-
mēta urbis paulò ante in uita Poli Sudouolcę ostēdi-
mus. Tū prætereā Hulli flu. originē, et cursū depinx-
imus, adeò ut in præsentia eadē repetere supuacaneū.

Ruber cliuus uulgo Reddecliffe. Gulielmus Gui-
donis filius huius loci alūnus nouā uiculo addidit
luce cōstructis duab⁹ elegātis notę edibus. Idē scho-
lā grāmaticā insigni quadā tū liberalitate, tū pietate
ac Hospitiū pauperū receptaculū ibidē instituit, des-
tinato uel perpetuū in tam sanctos usus prædio.

Regnorū meminit Ptolemęus, qui, ut ego conie-
cturā facio, Tamesini flu. australes ut plurimū ripas,
et iteriora excolebāt. Nūc regionī nomē Sudorheia
S.

Sabaudia, edes magnifice appellationē à Petro
Sabaudo Leonorę reginę cōiugis Hērici tertij auun-
culo acceperūt. Hēricus tertius rex hunc Richomō-
tanię titulo insigniuit, et castella nobilium aliquot
ei seruanda tradidit, quę, cum aliquandiu seruasset,
declinans Anglicę nobilitatis inuidiam, regi re-
stituit. Ioannes Gandauensis Dux Mediolanensis
N ii longo

longo post tēpore Sabaudi edes incoluit, in cuius
cōflagrabāt mundū orta Cantiorum seditione.

Schelfega, uulgò Chelfey. Nomen autem uillæ
inditum à dorso excrescentis arenæ in alueo flumi-
nis. Morus accola illustris uillæ famam auxit. At
postquam pertinax esse cœpīt, & decretis publicis
fidem abrogare, famam uillæ partam labefactauit.
Sed postea noua loco accessit gloria. Henricus Oc-
tauus regum splendor unicus, cōspicuas ædes ibi-
dem nuper posuit.

Shenum, uulgò Sheene. Vnde autem nomē in-
ditum, si non à splendore, non possum satis cōiectu-
ta consequi. Angliæ reges tædio urbis adfecti fre-
quentiusculè huc concessere tanquam ad secessum
longè amœnissimum. Certum est Eadueardum ter-
tium hunc locum coluisse, ibidemq; obiisse. Eundē
coluit & Richardus secundus eius nepos. Contigit
autem anno D. 1197. ut Anna Regina Richardi secū-
di uxor longè charissima diem Sheni obiret supres-
sum. Ille uerò tanta perturbatus clade loco temere
mala omnia imprecatus est. Nec sic contentus, uim
etiam, si dñs placet, ædibus intulit. Henricus Quin-
tus desolationem loci undecunq; amœni nō ferēs,
splēdorem illis suum reddidit. Postremò Henricus
Septimus Regum omnium sui temporis cum ditis-
simus, tum prudentissimus bonitate soli, uenustate
situs, fluminis commoditate, & uicinitate urbis ille-
ctus, tale ibi opus à fundamentis erexit, quale prior-
es non uiderunt: quale etiam & huius sæculi deli-
tiæ in immensum auctæ collaudant. Princeps uerò
magnificētia operis mirificè delectat? Richemōtis

nomine nouā regiā appellauit, quo dignitatis tituloante acceptū regni imperium clarissimus enituit.

Sinnodunum mons editus in ipso uallis limite, cui nomen ab Albo equo, situm est. Distat enim à Caleua plus minus mille, & quingentis passibus, & fossa cingitur profunda. Referunt Atrebates fuisse illic, Britannico imperio florente, castrum ingens, & memorabile totius prouinciæ opus. Cecidisse uerò illud adfirmāt eo tēpore, quo Danica rabies totā latē prouinciā deuastabat. In præsentiā ne leuissima quidem ullius structuræ extant ibi uestigia. Coloni numismata Romanorum aratris hīc sepe eruant.

Manifestum quidem hoc signum loci hominum frequentia olim celebris. Sunt tamen qui putent Danos hīc castrametatos fuisse, orbiculariꝑ uallo tutelæ causa locum cinxisse.

Sion, à Sione monte speciosissimum cœlum designante appellationem accepit. Locus ille quidē ubi nunc Sion famæ tantum plebeia erat antequam Henrici Quinti regis inuictissimi liberalitatem sensisset, Brigidianæ uirgines, chorus, ut tunc temporis uidebatur, pius collegium ambiebat. Princeps ratus positurum se opus posteritati spectabile, collegium magnis instituit sumptibus. Iam debellauerat Gallos, & cœnobiola in Anglia non pauca erant, quæ tanquam appendicia, Gallorum cœnobia, unde & deriuata sunt, capita sua agnoscebant. Senserat Princeps in illis fraudē, dolumꝑ subesse, maleꝑ de eius sentire contra Gallos triūphis Quare consilio quodam suppressis illis, prædiorum quæ possidebant partē Brigidianis, partē literatorū collegijs cōtulit.

N,iii. Sudo

Sudouolca Dux australium Volcarū, nomen ab excellentia sumptum, ut Anglus pro rege Anglorū. Folke autem Saxonice id significat, quod uulgus, & plebs promiscua Latine.

Sunningum imminet Tamesinæ ripæ, dextrorsum paulo inferius Readingo. Fuit olim pontificū sedes, & cathedra. Nouem hīc numero pontifices fuisse Seuerianæ ecclesiæ historia aperte docet. Eorum primus erat Ethelstanus. Postremus uerō Hermannus. Hīc beneficio Eadueardi regis filij Ethelredi Shireburnensem nactus episcopatū, utrūque coniunxit, ac unicā sedē Shireburnæ cōstituit.

T.

Tama fluuius oritur Bulburnæ in radicibus Cateuchlanicorum mōtium, qui locus aliquot passuū millibus à Pennolega uilla splendida Rodolphi Veronegi Equitis clarissimi, et amici nostri, diffusus est. Defluit per Trengofordam uillam rusticam, per uallem Eilecurianā, & Crenodunensem pontem uicinum Tame emporio, cui nomē indit. Deinde Veteleganū pontē, & Durocastrum petit, ac mox penetrato ponte Isidem, ulnis complectitur, suūq; nomen superbus præfert. Hīc fluuij coniuncti cursum deducentes uno Tamesis nomine coalescunt.

Templū, locus militibus Hierosolymitanis olim cōsecrat⁹. Hīc multi nobiles uiri sepulti inter quos nobilissimus fuit ille Gulielmus senior Polemarchus Angliæ, & Penbrochiæ Comes, cuius hoc epitaphiū in Thomæ Rodeburni historia etiā nūc extat: Sum, quem Saturnum sibi sensit Hibernia, Solem Anglia. Mercuriū Normannia. Gallia Martem.

Thornega

Thornega, Saxonice Thornege, & Thorney. Latine spinarum insula, nunc Vestmínstre. Locus erat horridus, & incultus. Sunt qui adscribant templum Thornege D. Petro positum & consecratum, Mellito Londinensi episcopo, & cuidam ditissimo eiusdem urbis mercatori. Ego hæc aliquando legi Thornege in pensili tabula, Sebertum regem orientalium Anglorum filium Sledde, & Riculæ filiae Ethelberti Magni construxisse monasteriū Petri in Thornega anno à Christo nato. 604. Cui & subscribit Ealredus abba Rhiguallensis in libro, quæ de uita Eadueardi regis filij Ethelredi infortunati ædidiit.

Trenouātū Troia noua Gallofrido. Sunt qui oppidum Nouantū interpretentur. Illud interim ne ad umbram aliquam ueri accedit, quod Polydorus tamen affirmat, ut Trenouantum sit oppidum Britannię mediterraneæ, quod uulguſ contracto nunc uocabulo Tranton appellat. Constat Ptolemæo autore Trenouantes gentē fuisse maritimā ad orientē, ubi nunc Mediosaxones, & Ostrosaxones. Inter quos fuere duæ illustres tantum urbes, quarū prima recētori sæculo, Romanis in Britāniā imperantibus, Londiniū à Cornelio Tacito dictū est, secūda uerò Camudolanū, quæ rectius Colunodunum à Coluno flu. postea Coluncester, uulgo, & corrupte Colchester. Erit mihi igitur Londinum ueteri appellatione Trenouātū, id est urbs, uel oppidū Nouātū, donec eruditissimi, & in Britānica antiquitate exercitatissimi, maturo iudicio certiora referant. Quod autem Ptolemæus Lōdinū Cātjā numerat urbibus, aut parū recte illud à cosmographis didicit, aut urbs scriptorum incuria suo luxata loco. Cōstat enim his, qui uel sum-

summis labris leuiter Britanniae descriptionem at-
tigerunt, Tamesim perpetuò Cantios à Nouanti-
bus disparasse. Quid Londino cū Cātiorū urbibus?
Vt concedam Londinum suum nomen uel à prin-
cipio retinuisse: An non igitur erit Trenouātum,
scilicet 257. id est oppidum Nouantum gentis antiquissimæ
inter quos & sita est? Nihil planè obstat, cum in
confesso sit Londinū inter Nouantes, non Cantios
fuisse. Cognitum est Nouantes, eas incoluisse regi-
ones, ubi nunc Mediosaxones, & Ostrosaxones. De
hac diximus aliquanto fusius in Syllabo dictionum
antiquarum, quæ adiunximus libello de natali Ead-
ueardi Principis. Hic me nūc etiā iuuat non inueni-
stos uersus cuiusdam poetæ, qui epitomen Britani-
cæ historiæ scripsit, in medium producere:

Aemula Troiæ

Mœnibus, à Troiæ nomine nomen habet.

Nomen ei Noua troia datur, post & Trinouātum,

Vtpote corrupto nomine nomen habet.

Hæc est illa polis, cui tres tria dona ministrant,

Bacchus, Apollo, Ceres, pocula, carmen, ador.

Hæc est illa polis, quam Iuno, Minerua, Diana,

Mercibus arce, feris, ditat, adornat, alit.

Tuësis ciuitas antiquissima rectè Ptolomæo de
nomine cognita. Hanc nostra ætas Bervvike cor-
ruptè mea quidem sententia pro Abervvike uocat,
quod uocabulum sonat ostia sinus, uel fluminis. Be-
da, 12. cap. 1. libr. Anglosaxonice historiæ, ubi de or-
ientali sinu Isthmi, qui Scottos ab Anglis diuidit,
loquitur, Tuëdi meminit. Fuit olim Tuësis, atque
adeò hinc maritima omnis ora ad Perthā ubi nunc

Fanum

Fanum Ioannis urbs celebris, quam & muris cinxit rex Eadueardus Longus Scottomastix ille, in Anglorum ditione usque ad Ecfridi regis Berniciorū occasum, Scottus postea Abreucum inuasit, lōgoq; retinuit tempore. Eadueardus Longus rex Anglię, & Scottorum debellator urbem recuperauit, & Anglis sollicitē conseruādam tradidit.

V.

Vectā, siue Vectis, Britannicē Gueid, uel Guith, Anglicē Vvighthe insula cum Latinis, tum Gręcis scriptoribus cognita. In primis autem Ptolemæo, Plinio, & Antonino. Samuel Beulani discipulus, qui annotationes in Nennij Britanni historiam scripsit, hæc, dum Vectæ interpretationem significanter excutit, refert: Quam Britones insulam Gueid, uel Guith uocabāt, quod nomē Latine diuortii dici potest. Forma insulæ ouo simillima. Lōga quidē est uiginti passuum millia. Lata uerō decem. Vtrunq; insulæ promōtorium, siue extensio usque adeo isthmi figuram exhibet, ut peninsulā faciat. Cōmodus in Vectam traiectus à Portu magno ad Retham, interuallum septem miliarium est. At ab Hurstano castello, quod ostijs Auonæ fluminis, & æstuario adiacet, ad Sharpenoram, spacium plus minus duorum miliariorum interiacet. Rupes habet littus horrendis. Terra frugum fertilissima, nec syluæ indiga. Amniculis aliquot cōmodē alluitur. Neoportus, alias Medena unicum insulæ emporium. Villæ prætereā plus minus. 24. in quibus ut plurimū non uicatum, sed sparsim habitatur. Cairbro nobile olim Rigidiorū, qui Gallicē Readuers, dicti, castrū in ipso penē
O. insulæ

insulæ umbilico situm est. Vespasianus qui postea
imperator Ro. hanc primus insulam Romanis uecti
galē fecit. At quid in Vecta egerit penē incertum.
Disperijt nobis pars illa historiē Cornelij Taciti in
qua scripsit de aduentu Vespasiani in Britanniam.
Quæ si nunc extaret, Vectæ antiquitas, atque adeo
Britannia ipsa longē clarius eluceret. Suetonius
Tranquillus in Vespasiano hæc scribit: Insulam Ve
ctem Britannia in deditionem redegit. Henricus
Huntendunensis secundo suæ historiæ libro docet
quo pacto Cerdicius primus Visisaxonum rex co
mitatus Kinricio filio suo bello deuictos Britannos
Vecta expulerit: utq; post quartum uictoriæ annū
eandem dono dederit Sæuse, et Vvitgaro suis nepo
tibus. Quo in loco mihi quidem uidetur Afferij au
toritatem sequi, qui eadem significanter in Osbur
gæ reginæ Visisaxonum, et matris Ealfridi regis ge
nealogia exprimit. Seruierat iam diu Idolis Vecta
imperio regulorum Saxonici generis audiens, con
culcata ui barbarorū Christiana religione, cum Ced
ualla Britannus Arualdum regulum, filiosq; eius
dem duos uictorē medio tolleret, & suo insulam
adiiceret imperio. Hinc Vecta Christianismum re
cepit, predicante euangelium Hildila, eò ab Vvilfri
do episcopo Ceolesegano, quod nomen Latine uitu
lorum marinorum insulam sonat misso, unā cum Be
orvvino Vvilfridi episcopi nepote. Partem uero in
sulæ dedit Princeps Vvilfrido, quem impensē dili
gebat. Hæc Beda. 15. cap. quarti libri historiē Anglo
saxonum. De Vecta fusius dicemus in libro de insu
lis Britannia adiacentibus.

Venta

Venta Belgarum. Britānicè, ut nunc loquūtur, Cair
Oder nāte badō. Vnde, licet cōiecturā facere nomē
urbi recētioribus sæculis Oderam fuisse. Additum
uerò est nante Badon, perinde ac si diceret, in ualle
Badunēsi. Nam Balnea urbs celebris memorię hinc
distant decem millibus passuū. Nante propriè signi-
ficat, uallē in qua fluius labitur. Ego igitur dicere
nante Auon à flumine, potius, quā Badon: id quod
lucidius, & significantius esset. Odera nomen flu-
cuius & appellationis aliquot & hodie in Britānia,
ac Germania esse dignoscūtur. At Auonam flu. qui
hanc urbē alluit, nomine Oderę aliquādo dictū fuis-
se legi planē nunquā. Est coniectura ex uno Antoni-
ni loco Auonę etiā nomē urbi inditū fuisse. Sed ua-
leāt coniecturę. Ptolemęum in præsentiā sequar. Il-
le uerò sic scribit: Dobunis subiacent Belgæ, & ur-
bes Ischalis, Aquæ calidę, Venta. Ex hoc loco ut-
cunq; apparet Ventā eam olim fuisse urbē, quā Sax-
ones Brightstovve postea appellabāt. Sonat enim
Latine illustrē locū, quę uox nō multū à Vēta ablu-
dit. Guine, siue Guēne Britānicè id significat, quod
album, quod pulchrum, quod cōspicuū Latine. Erāt
et alię tres preclarissimę ciuitates famę in Britan-
nia hoc cognomento celebres. Quarum una Vēta
Sylurum, quæ nunc Cairguēt, ut ex Antonino colligi-
go, erat. Hęc tota concidit. Rudera apparent in De-
metia, qua itur à Strigulia alias Chepestovv, ad ciui-
tatem Iscanę legionis. Et quoniam in Strigulię
mentionem incidī, lubet Nechamij de hac urbe dis-
tichon non inueniūtum ex eius de Sapientia diuina
libro desumptum promere.

Trow-nant.

O ii Intrat

Intrat, & auget aquas Sabrini fluminis Ofca

Præceps, testis erit Iulia strata mihi.

Annotauerat hæc quidam in margine codicis: Strata Iulia, cuius pontem construxit Iulius, quod uulgò Strigolium dicitur. Sic ille. Mihi tamen uix placet annotatio. Nō me fugit Pliniū alio Sylures statuissē loco, uidelicet ad Cāterrenū Scotiæ promōtoriū, unde breuissimus in Hiberniā traiectus. Secūda est Vēta Simenorum, quæ modo Vvincestre, quam & alii qui Bristolliæ urbi ascribunt. Tertia Venta Icenorum nomīne gaudebat; quā hodie appellāt Northwicke, cuius nomīnis antiquitas etiamnum appareret in flu. urbē alluente, quē uulgus Vennesunne uocat, Venta Belgarum initio urbs ampla non fuit. Aucta est à Saxonibus. Postremò, ponte factò, Ruber cliuus ad sinistram Auonæ ripam urbi additus, & muro septus forti, quo tēpore Gulielmus Comes Claudianæ præfuit prouinciæ, & maximè Ventæ suæ:

Verolamium, siue Verulamium, Saxonicè Vverlamcestre, & Vvatelingcestre, ut scribit Henricus Venantodunensis. i. historiæ suæ libro ubi de quatuor uīs publicis tractat. Legi aliquando urbem à uicino flu. Verlume nomen primitus accepisse. Ex Verlume fecerunt recētiore Verē, decurrata altera uocabuli parte. Et mox Verus flu. sublata B litera, et M. præfixa fit Murus, quæ appellatio uel hodie extat, habetq; palatium sui nomīnis opus planè regiū Angl. More dictū. Vilibaldus Anglus qui Bonifacij Angli episcopi Moguntinensis uitā septingētis ab hinc, et eò amplius annis, scripsit, Muri flu. meminit

meminit. Admiror interim quid sibi uelit Gildas
Britannus, qui, nisi codex mendosus, pro Muro Ta
mesim in sua historiola, ubi de Verolamio loquitur,
supposuit. Hinc facile crediderim recentiores imbi
bisse errorem, qui uel adhuc multos possidet, uide
licet Tamesim olim alluisse Verolamiū, quod cer
tè absurdus est, quam ut consutatione prorsus ulla
sit conuincendum. Constat antiquitus ingentem
fuisse lacum propter mcenia Verolamij, qui Offæ
regi Merciorum potentissimo uestigal pendebat.
Fluuij uerò in illis Catyeuchlanorum finibus cele
bres nulli præter Verlumū, alias Murū, Lugiam, qui
Cerui uadū nobile oppidum, et Durum, à quo Duri
uadū, uulgò Stourford, nominat uicus nō i celebris.
Cornelius Tacitus hæc de Verulamio libro, 14, hi
storię suę refert: Eadem clades municipio Verula
mio fuit. Vnde & Britannicè, teste Nennio in cata
logo urbium, Cair municip dicta est. Ptolemæus etiā
hanc urbem celebrat, attribuitq; Catyeuchlanorum
genti. Porro & Antoninus eandem deprecicat. A
lexander Nechamius in libro de sapientiā diuinā
encomiastico carmine Verolamiū percelebrat. Ste
tit urbs fama clarissima usque ad Saxonum aduen
tum, & aliquanto post, ut apparet ex Anonymo, qui
facta Albani historię eleganter commendauit. At
toties Saxoniciis cōcussa bellis tandē subito caput
demittere cœpit, usq; adeo, ut paulo post spelunca
latronum uiam Vetelinganā obsidentium esse cœpe
rit: quo tempore Offa Merciorum rex potentia in
ter Saxones summus Fanum nobile D. Albano in
Holmehurst, loco extra muros Verolamij eius

martyrio sacro, posuit. Tum urbis & ædificia, & muri minantia ruinam partim subuersa sunt in usus noui tēpli, & cœnobij. Vtque officinæ cœnobij indies augebantur, sic decreuit Verolamium. Oppidulum quoque inceptum ad Fanum Albani multum latissimorum laterum, ex quibus ueteris urbis ædificia tota penè cōstabant, detraxit. Dehinc et Vvolsinus sextus abba Fani Albani infinitam uim laterum, et saxorum eò abduxit, ut nouum oppidum Fani Albani augeret. Refert Mattheus Parisius in libro de antiquitate Fani Albani quo pacto Ealfricus abba septimus, et Ealredus eius successor, et Eadmerus nonus Verolamij ruinas, ad se traduxerint in usus noui tēpli ibidem ponendi: quod opus à Paulo Cadomensi postea absolutum est, adiuuante Lanfranco, ut refert Eadmerus, Cantiorum archiepiscopo. Hęc cursim ex penetralibus antiquitatis depromsimus.

Vinchelsaga oppidū in ipsis ostijs portus Lime-
ni situm, Fuit antiquior ea, quę nunc extat Vvinchel
sega, loco quidem humili sita, & uiolentis fluctibus
oceanī mirum in modum obnoxia. Hinc factum ut
cum accolę nec sūptibus ullis, nec ingenio calamita-
tem, quę à mari oppido imminebat, repellere cōmo-
dè possent, cogitarent tandē de cōmigratione. Edi-
tus erat locus non longo admodū interuallo distans
ab oppido. Et is cuniculos aluit, domino suo Trego-
sio nō contemnendum fructum referens. In hūc ac-
colę ueteris oppidi omnes, oculos, et mentes conie-
cerunt. Consilio Eadueardi Lōgi, qui tunc Anglis
imperabat, situm futurę urbis dato pretio cōmunt
quem

quem Chronicon Fani Albani tā belle depinxit, ut
prę oculis posuisse uideatur. Fit magnus artificum
concurſus. Pręficitur operi Ioannes Chirchebius
epiſcopus Anguillarianus Regi à theſauris. Trāſ-
ferūt eò ex ueteri oppido quęcūq; uſus poſtularet.
Temporis ſucceſſu, id eſt annis ſex, uel ſeptem ex-
creuit nouum in immenſum oppidum. Additi de
hinc muri, & portę. Rex ipſe inuiſit locum, et operā
laudat: dumq; altiore urbis partem foris equo in-
ſidens colluſtraret, caballus crepitaculo uentimole
territus regem concutit. Ille calcaribus uſus equum
exasperat, unde per crepidinem unā cum equo in
uallem cecidit, deſperantibus de eiꝯ uita famulis.
At ille ſuperum gratia incolumis inuētus. Hoc ego
ſcriptū nuper legi in Chronicis incerti autoris, quę
à Fano Albani ad Tinnenſe monaſterium delata
ſunt. Placuit noua urbs ſuis conditoribus. Vetus op-
pidum paulò poſt omninò deſolatum, ac relictum
ludibrio furentis maris. Ab illo tempore Vincheſſe-
ga antequam ſuę originis uiceſimum plenè numera-
ret annum, duplicē paſſa eſt calamitatem, ſemel Frā-
corum irruptione, iterumq; Hiſpanorum à Pharole
ga inuadentium impetu.

Vindeleſora oppidum antiquum, nobile, magni-
ficum, & ſitu denique tam amcenum, ut cum alio
quocunq; iure optimo de palma contendat, quam
& mihi uel in ipſo caſtri uertice, quo ſol ſplendi-
dus planè nihil aſpiciť, decētiffimè geſtare uidetur.
Vetus illud oppidum, ne quis ignoret, aliquanto re-
motius ſtabat à caſtro, quā nouum. Sed nec
eius

eius nomen adhuc perijt. Illud certè mihi mirum uideatur, quòd, cum non paucis ab hinc sæculis tanquã regia Saxonum sedes re ipsa in magno steterit precio, cum aucupij, tum uenationis titulo, tam rara de eo fiat mentio apud ueteres historiæ scriptores. Didici à luculento quodam teste Eadueardum regem Ethelredi infortunati filium Vindelesforanum castrum celebrasse. Ab eo tempore gloria loci perpetuò floruit, Nec quisquam hinc regum fuit cuius nō arriserit oculis, Longum profectò esset hîc connumerare res ibi gestas. Eadueardus eius nominis ab imperio Nortomannorum in Britannia tertius, quẽ Gulielmus Pachendunus historiographus à loco natali Vindelesforanum appellat, nouo splendore opusculo addidit, idemq; ita castri gloriam uel ad ipsa maiestatis fastigia extulit, ut omnibus faciliẽ ingenti admirationi esset. Iã uictor iugũ Gallorũ, & Scottorum duris ceruicibus imposuerat, et annus à Christo nato. 1364. defluxit. Ecce Princeps potentissimus, atque idem partis spolijs ditissimus animo ardebat, ut edito opere aliquo illustri, magno, memorabili denique se, suumq; nomen posteritati uel clarissimum facere. Senserat situm castri Vindelesforani, cuius alumnus erat, tam amœnũ, quã quod maxime. Sed tempus edax rerum splendorem, iuxta ac robur operis incredibile quantum uitauerat. Edicto igitur conuocat ingentẽ artificũ numerũ, Turres, ac muros uetustate fatiscenteis dirui iubet, & amplioribus circinatis spatijs, alta noui operis fundamenta iaciẽda curat, quibus postea fastigia omni maiestatis genere elucencia fuẽre superimposita.

Erat

Erat Gulielmus Perottus nobilis Odoualli alumnus
à Vicano oppidulo Auonię australis originem du-
cens, uir rerum experientissimus in flagranti tunc
temporis apud Eadueardum gratia, cui cura, et tan-
ti operis moles commissa. Tandem curriculo pau-
corum annorum castrum regium sumptibus infin-
tis supremam artificum manum accipit. Erat in cas-
tro uetus templum religione sacrum, & Diuę Ma-
rię, ut memini, dedicatum. Hic instituerat Henricus
Belloclericus rex Anglię quinque presbyteros qui
rem diuinam curarent. Pietatem boni Principis op-
timus Princeps laudauit, secumque cogitare cępit,
quo titulo illustre opus illustrius redderet. Inito ma-
ture consilio statuit noui operis templum sacrum
D. Marię, et Georgio martyri. Pręsidem quoque
ibidem, ac duodecim Canonicos ex ea secta, quos
prębendarios uocant, instituit : utque collegij sui
splendor nouo, et nitido dignitatis calculo latius elu-
ceret, nobilissimam conscripsit societatem Equitum,
auream Perisceliden sinistra tibia ferentium, cui hic
uersiculus Gallicę in scriptus erat: Honi soit qui mal
ypense. Iam agebatur annus imperij Eadueardini
23. cum chorus uiginti et sex Equitum Perisceliden
ferentium bonis auibus, et leto omine designaretur.
Rex demissis chlamidibus ex tenui et molli panno
colores nunc roseos, nunc uiolaceos, purpureos ut-
rosque prescripsit. Interior pars chlamidis regię ob-
ducta sindonę alba, sed byssina. Reliqui Equites sa-
crę uestis interioreis sinus pelliculis niueis, quas
uulgò Armineos uocant, bellę exornant. Pręsidis
chlames numerosa, et collucente periscelide orna-
P: tissima

tissima principio extitit. Reliquorum, ut quisq; titu-
lo dignitatis enituit, ita & in talari ueste præscriptū
periscelidum numerum religiosè obseruabat. Cuc-
culus etiam unā cum prominula appendice olim
egregio & capitis & colli ornamento cultui Equi-
tum superadditus. Accessit ad splendoris coronidē
Periscelis aurea gemmis adamātinis, ueluti quibus-
dā stellulis, interpolata, quod & Regiū fuit. Ceteri
autē tibiā leuā aurea tantum periscelide cingebant.
Numerus Periscelidū in ueste longa nō comparat:
unica nūc insignis est. Color in ueste unus Violace-
us restat. Huius sodalitij gloria ab eo tempore in im-
mensum usq; adeò excreuit, ut reges, & Cæsares Pe-
riscelidis famā, decusq; ambitiosè expetiuerint. Que-
renti mihi sepiusculē de Periscelidis origine, relata
sūt incerta multa, usq; adeò, ut nondū apud me con-
stituerim quid potissimū admittā. Longè præstat si-
lētio originē rei parū mihi constantis præterire, quā
incerta pro certis pronūciare. Profectō uerisimile
est præclarū fuisse aliquod facinus, quod nobilissi-
mæ societati primordia tam augusta pepererit. Sūt
qui Periscelidem interpretētur tesserā belli designa-
re. Cincturæ species ea est. Cincti milites sua obibāt
munia. At quāta interim discinctorū infamia. Exaus-
torati illi quidem erant. Sūt rursus qui dicāt Eadue-
ardū signo Periscelidis in fortē dato hostē uicisse.
Sūt porro qui ex Periscelidis circulo orbem uirtutū
apprimē necessariū Principibus uiris colligant. Ead-
ueardus Quartus Plantagenista uictor collegium
Periscelidis mirum in modū fouebat, & prædijs, ad-
aucto ministrorum numero, donabat. Neq; hoc me-
rito

rito finem beneuolentię imposuit. Ad occidētē tēpli
ab Eadueardo tertio cōstructi nouum & ille erexit
priori longē magnificentius : sed imperfectio operē
obiit. Reginaldus Brauius Eques magni nominis tes-
tō, & fastigijs noui templi, ut ego accepi, manū ad-
hibuit. Quoties autem auidis hoc templū collustro
oculis, toties mihi uideor absolutum elegantis stru-
cturę opus uidere. Stabat ad huc uetus tēplū ab Ead-
ueardo tertio positum: sed cum Henricus Septimus
rex sui sæculi Phoenix unicus memoria mortis ta-
ctus, locū sepulture suę aptū quæreretur, diruto Eadue-
ardino templo ueteri illo, nouū à fundamentis loco
eodē construxit, quod & hodie uacat. Mutauerat es-
nim de sepulchro sententiā, ac alterū, miraculū orbis
uniuersi Visimonasterij inchoauit. Illud nō est silen-
tio prætereundum, quod idē adiūxerit occidentali
parti areę superioris ubi maximē castrum nitet, no-
uum, et elegans quadratissimorū saxorū opus. Sed
neq; eius filius Henricus Octauus flos regū, quot-
quot Britānia unquā uidit, minus de Vindelesora est
cōmeritis. Primis etenim regni sui annis portam
maximā, qua ingressus in primā castrī areā à fūda-
mentis quadrato extruxit saxo. Sed quō me rapu-
it oratio? Quam egrē diuellor à Vindelesora aurea
quidem illa.

Viridis sinus. Saxonice Grenevviche. Erat hic lo-
cus antiquitus statione nauium celebris potius, quā
ullo illustrium æditum titulo. Non nullam sibi olim
peperit famam ex castris, quę Dani in supercilio ui-
cini montis posuere. Huius rei gestę clara apud
Henricū Venātodunensē in Suēnone his uerbis mē-
tio est: Turchillus uerò similiter iussit dari uiciū, &
P.ii. censum

cenſum exercitui, qui erat in Grenevvike. Poſſem
hîc multa et ea clariffima in medium de loci celebri
tate adferre. At in præſentia hæc ſuffecerint:quâdo
quidem Cygnus accuratè alias Regiam, quam ſub
limem habet, ſuis coloribus omnibus depinxerit.

Volucrum domus. Saxonice Fulenham. uulgo
Fulham. Aſſerius Meneuensis ſcribit

Danorum turmas hac ripa in hyber
nis fuiſſe. Fuit hæc uilla multis
ab hinc annis, atque adeo
nunc eſt hoſpitio Lon
dinensis epiſcopi
notiſſima.

PERORATIO AD CANDIDOS LECTORES;



TAM Prestiti quod sum pollicitus, et commentarij qualescunq; mei in Cygneam cantionem prodeunt, opusculum ex penetralibus reconditæ, & sacrosanctæ antiquitatis religiosè erutum, et diligentia, cura, fide quanta potui planè maxima in lucidum ordinem reductum. Qua parte si quid de meliore nota sedulus exhibui, quod oculos eruditorum splendore aliquo affecerit, et affectos aliquandiu illecebris non magnis quidè illis, sed honestis detinuerit, aut si quid mediocris eloquentiæ profluxit, quod purgatas demulserit aures, id quod à me aliquando factū uix sanè crediderim, deniq; si in toto quicquam opere ostendi quod candido lectori arriserit, id ego omne lubens non ostentationi sed bonis ingenijs, musiq; dedico, et hac me persuasione imbuo, futurū nunquā ut selectus litterarum chorus expeditam in me alacritatem, aut studiū honestum erga doctas artes omneis desideret, etiamsi eloquentia, & eximia rerum cognitione interim destituar. Catullus inter felices connumeratus poëtas quo animos iuuenum magna, & ardua tentantiū excitaret, confirmaretq;, sic cecinit.

Rebus & in magnis est uoluisse satis.

Hanc ego uoluntatem non modo amplector, & exosculor, uerum etiam accessione noua, eaq; luculenta exornare studeo, ut qui quam olim dilexerim, nūc

P.iii.

modis

Propertius

et uoluisse satis

modis planè omnibus deamem. Quid quòd & uoluntas tam oportuna causam strenuè defendit meam? Censores oblatrant iniquissimi me prouinciam uiribus longè maiorem meis subiisse, Cygneamque cantionem prædicant sæpe numero à doctissimis cum Latinis, tum Græcis collaudatam, sed à paucis tentatam, idque tenuiter, si quis rei tum magnitudinem, tum gloriam æqua lance expendat. Agnosco quàm angusta sit supellex nostra. Materiam fateor iure quodam suo Vergilianam in carmine non modo gratiam, sed & maiestatem quoque poscere. Nec me sanè latet hoc argumentum et fontes Ouidianos illos ab illius origine purè defluentes uehementer etiam atque etiam optare. Ego qui utrumque uiderim & per literas æterna uiuentem fama, et eloquij incredibili suauitate perfusum, eorū gloriæ facile assurrexi, utpote cultor supplex, rectius quam felix imitator. Salutatis de more illis, ad Phaleucum me statim contuli. Præsto quidem erant hinc Catullus, hinc Pontanus clarissima inter sui sæculi poëtæ lumina, quibus ego me pro tempore totum sollicitè commendaui, ac postremò raptus qua nescio planè cupiditate collaudandi tum fortia Henrici Octauæ Regis incomparabilis nunquam emoritura facta, tum uirtutes prænitentes, Cygnum Phaleucinis canentem modulis in medium protuli, & commentarios, ita ut in præfatione sum pollicitus, addidi, hoc consilio ne de fraudare patriam de me tam bene semper merentem, cognitione uera antiquitatis Britannicæ, & gloria suorum maiorum, quorum res gestæ si in satis me mores, & elegantes scriptores feliciter incidissent, ne tum pro iusta claritate uelut hesperi inter minora esset

lux

luxissent lumina. Fauete candidi lectores tam latis,
& honestis auspicijs. Sic ego diligentiam uobis inte-
grè promitto meam, & uestram per libros editos
singularem beneuolentiam, humanitatem, amorem
deniq; posteritati si non utiliter, certè interim alacri-
ter erectus commendabo Valete bonarum artium
cultores felicissimi.

Errata in Cygnea cantione.

Notule incisionū subinde suis locis luxate, & subla-
te, Idē & factū in uòculationibus. In A.3 facie. 1. li. 8.
lege pluma duxisse. In C. 1. facie. 1. linea. 2. lege que-
is. In C. 3. fa. 1. li. 2. lege. Nereidū. In E. 2. facie. 2. linea
16. lege annos. In E. 3. facie. 2. linea. 6. lege uos.

Errata in commentarijs.

In A. 2. fa. 1. li. 21. cōsilio quodā licētia mixtō mutas-
tissimas dixi. participio in nominis formam cōuerso
In A. 3. fa. 1. lege Osbernus. In B. 3. fa. 2. li. 19. lege pre-
diolū Ibidē lege preciū. In C. 2. fa. 1. li. 27. lege Antēū
Ibidē fa. 1. li. 28. lege Britannia. In C. 4. fa. 1. li. ultima
le. Scaua. In D. 1. fa. 1. li. 30. le. minus. In D. 3. fa. 1. li. 17
lege in ipsa eadē. Ibidem li. 27. lege Maximū. In D. 4
fa. 2. li. 15. lege censetur. In E. 1. facie. 2. linea 19. lege
Erchenualdi. In F. 1. facie. 2. linea. 24. lege transferēs
ā. In G. 2. facie. 2. linea. 22. lege Augustini. In H. 3. fa. 1
linea. 10. lege Henley. In I. 1. facie. 2. linea. 30. lege par-
tes. In I. 4. facie. 1. linea. 22. lege male. In K. 1. facie. 1.
linea. 24. lege operæpreciū. In M. 1. facie. 1. linea. 28.
lege lutulētum: et fa. 2. li. 11. lege feces. In N. 1. fac. 1.
linea. 23. lege tragœdia. In N. 4. facie. 2. li. 7. lege sitū.
In P. 3. fac. 1. li. 21. le. Propertius. Ibidem li. 25. lege, in
magnis & uoluisse sat est.

185229581